


SSH
Current
Shelves
DU
740
A2
W3
v. 1681



WAN

Wantok (Boroko, Papua New Guinea)
SSH Current Shelves
UC San Diego
Received on: 11-02-06

Great Quality

Affordable Price



Namba 1681 NIUSPEPA BILONG YUMI OL PNG STRET!

Wan Wik, Oktoba 12-18, 2006 K1.00 long
Mosbi tasol - Ausait Mosbi K1.30

I STAP WANTAIM YU OLGETA HAP!

**4-pela pes PSRMU
i stap insait...
Pes 13,14,15,16**

Pes 2-3.....	Nius
Pes 4.....	NGI
Pes 5.....	Sauten
Pes 6.....	Momase
Pes 7.....	Hallans
Pes 8.....	Helt na Edukesen
Pes 18.....	Entateinmen
Pes 19.....	Komik na pilai
Pes 20.....	Stori Buk
	Laipain/Pen pren
Pes 24.....	Bisnis

**Givim tingting
bilong yu na...
WINIM
PRAIS!**

Wantok Niuspepa i laik kisim tingting bilong yu. Lukim Wantok Ridasip Seve insait we yu ken givim bekim bilong yu na gat sans long winim ol bikpela prais!
Pes 8 - 21



TRU O GIAMAN? Dispela dring em Coca-Cola tasol dispela em ol i mekim long narapela kantri. Wanpela bikpela stua insait long Mosbi i wok long kisim ol dispela dring i kam insait. Nau yet Coca Cola Amatil (CCA) em ol lain husat i holim-laisens long mekim Coca-Cola hia yet long Mosbi i wok long toksave long pablik long noken baim ol dispela arapela dring ol i mekim ausait na karim i kam insait.
Poto: Andrew Molen.

Baim PNG tasol

**...Bikpela wari stap nau long planti
giaman stua samting i kam insait long kantri**

Noreen Dada i raitim

EKONOMI bilong Papua Niugini bai bagarap tru sapos gavman na pipel i larim ol kampani o ejen bilong ol bikpela kampani long salim ol giaman prodak long rot o insait long ol stoa.

Dispela em toktok bilong Siaman bilong Manufacturers Council bilong Papua Niugini, Wayne Golding.

"Dispela hevi bilong ol pipel salim ol prodak olsem marasin na ol kain kain samting long rot i wok long kamap bikpela samting tru insait long kantri. Klostu olgeta samting we ol i salim i no ol trupela prodak we ol i kampani husat i save go pas long mekim i save mekim.

"Ol namba bilong ol ejen salim ol giaman o kaunfafet prodak i wok long kamap bikpela insait ol stua bilong PNG na tu long ol rot.
Lukim moa stori long pes 3



Crater Maunten gol i gat papa - Karimui na Haia papagraun tokaut

James Kila i raitim

WANPELA gol main projek developmen nau i kamap insait long Crater Maunten eria we i stap long boda bilong Isten Hailans na Chimbu provins i no stap long "No Man's Land"

Dispela em wanpela bikpela toktok tru sampela lain papagraun bilong Haia na Karimui i bin mekim i no long taim igo pinis bihain long planti toktok i bin kamap insait long media na niuspepa long eria we nau eksplresen insait long Crater maunten i stap long en.

Oi lain papagraun bilong Karimui na Haia i tok strong olsem dispela ol lain bilong Nomane we planti bilong ol i raun nating nating long Mosbi insait long ol setelmen i wok long kamapim ol asosesin na tok ol papagraun bilong dispela projek.

Mausman bilong ol lain papagraun bilong Karimui, Siberai Domu i tok olsem ol lain bilong Nomane husat i wok long kamapim ol asosesin long traim painim wok insait long dispela bikpela gol projek i mas noken mekim planti kain kain toktok na paulim wok long kamap long Crater Maunten.

"Mipela olgeta long Haia na Karimui i save olsem Nimi na Crater Maunten i stap longwe tru long ol lain Salt Nomane na watpo na oi dispela lain i wok long toktok tumas olsem ol i papagraun na mekim planti toktok i go kam na mekim ol kampani long i no statim wok.

"Mipela i laikim projek long go het na kamap na ol papagraun bilong Haia na tu ol lain papagraun i stap klostu i ken kisim sampela kain helpim long stretim sindaun bilong ol long ples na tu sampela kain

spin-op sevis na helpim i ken go insait long dispela bus ples," Mista Domu i tok.

Narapela mausman bilong ol lain papagraun bilong ol lain long Haia na kaunsila David Beria i tokaut olsem ol lain bilong Salt Nomane em ples bilong ol i stap longwe tru long dispela Crater maunten tasol ol i wok long toktok tumas olsem ol i papagraun na tu ol i wok long stap long Mosbi na kamapim ol asosesin olsem ol i papagraun.

Mista Beria wantaim narapela yut lida bilong Karimui, Wila Olape i tok olsem ol lain Salt-Nomane i stap samting olsem 120-130 kilomita longwe long dispela projek eria tasol planti ol lain bilong ol husat i stap nabaut long ol setelmen long Mosbi siti i wok long fomim ol asosesin na rejista wantaim Dipatmen ov Maining na Petroleum na laik stap papagraun.

Polis fos i sanap stret nau - Kulunga

EKTING Polis Komisina Tom Kulunga i tokaut pinis olsem Polis Fos nau i sanap gut ken bihain long kain paul toktok i bin kamap olsem em i bruk.

"I nogat pait o instability insait long Polis fos. Polis fos i sanap strong na mipela i sindaun gut" Komisina Kulunga i tokaut long namba wan nius komprens bilong em bihain long em i kisim makim olsem ekting polis komisina.

Em i tok saspensen bilong Asisten Komisina Gari Baki na Asisten Komisina Raphael Huafole i bin kamap long stretim meknais i kamap insait long fos na i no bikos i gat pait resis bilong posisen bilong komisina.

"Em i no pait namel long ol man bilong bipo Komisina Inguba long wanpela sait na Mista Huafole na Mista Baki long narapela sait. Nogat. Olsem Ekting Komisina bilong polis, mi bin givim tok orait long ol dispela saspensen oda long go het.

"Polis fos i no bilong wanpela man tasol. Na i no bilong ol wan wan man long yusim long

kirapim pait nabaut. Mipela i bihainim lo bilong polis na givim mekimsave long ol opisa husat i no mekim gut wok bilong ol na karimaut ol oda bilong ol," Ekting Komisina Kulunga i tok.

Em i tok kila olsem ol hevi i bin stat long mun Mas long dispela via taim ol trensefere oda i bin go aut na ol opisa i no bin bihainim.


"Mi mas tok olsem mi sori tru olsem mi bin mekim ol dispela disisen long wiken. Tasol ol dispela samting mipela i mekim, mipela i mekim bihain long paitim toktok i kamap insait long tripela wik i go pinis long stretim dispela hevi."

Em i tok pasin bilong wan wan ol polisman tasol i bin bagarapim nem bilong konstabulari, bagarapim nem bilong mipela na klostu em i bagarapim sindaun bilong polis fos.

Ekting Komisina Kulunga i autim bikpela tok sori bilong em i go long pipel bilong Papua Niugini na tok, "mi laik tokim yupela olsem mipela sanap strong na mipela bai mekim wok."

long sevim gavman na pipel bilong Papua

Stopim korapsen long forestri



AUTIM TOK; Oi i stap. Ol lain i stap. Bikpela kibung bilong forestri long Mosbi dispela wik i pulim ol lain ya i kam long autim tok olsem wok loging i wok long bagarapim PNG.

Andrew Molen i raitim

OL NGO na ol papagraun long Tunde na Trinde dispela wik i pulap autsait long Holiday Inn long Pot Mosbi long protes egensim bung bilong Forestri dipatmen long hap.

Oi i kamap wantaim ol bikpela laplap wantaim ol hap toktok long en na i sanap long ai bilong san long moning i go i nap bung i pinis.

Insait long Holiday Inn em bikpela bung bilong "Forest Law Enforcement and Governance" (FLEG) i kamap we PNG Forest Authority i holim.

Wanpela bung we Forest minista, Patrick Pruaitch i tok i bikpela tru bilong wanem planti toktok i save kamap long en.

"Gavman i kamapim dispela bung long luksave gut long ol hevi save kamap insait long dispela wok na traim long stretim," Mista Pruaitch i tok.

Oi NGO i tok i gat planti korapsen na wok we i brukim lo insait long Papua Niugini long ol ples we wok bilong katim diwai o loging i stap.

Long dispela as ol i kamapim dispela protes bai ol bikman bilong forestri na pablik tu i ken luksave.

Tasol ekting menesing dairekta bilong PNGFA Mista Dike Kari tok i nogat wanpela wok loging long PNG em i brukim lo.

Em i tok ol samting ol NGO i toktok long en em i no brukim lo tasol ol liklik samting we ol kampani no save mekim.

"Plantil ol loging kampani no save kisim tok orait long ol papagraun na i save kam insait nating na katim diwai bilong ol," Mista Sam Moko bilong Greenpeace i tok.

Siaman bilong Eco-Foresty Forum (EFF), Ken Mondiai tok PNGFA i nogat wanpela forest plen i stap we bai was long ol wok bilong forestri long PNG.

Long dispela as ol NGO i tok olgeta diwai ol i save kisim long PNG em i no long stretpela rot.

Mista Mondiai i makim wanpela ripot bilong Wol Benk (World Bank) we i tok olgeta timba bilong PNG i no kam long stretpela rot.

Mista Mondia husat i makim ol NGO long dispela bung i nap long givim toktok bilong em tu tasol PNGFA i pasim.

"Mista Kari bin askim mipela long senisim toktok mipela bai mekim long dispela bung, sapos nogat bai mipela i no i nap toktok.

"Long dispela as mipela bai no i nap givim toktok bilong mipela tete," em i tok.

Long dispela as em i ridim wanpela pas we ol i raitim i go long Mista Kari we ol i givim tu long Minista na ol arapela bikman bilong PNG na ovasis husat i kamap.

Pipel i no wanbel

Timon Henry i raitim

OL pipel bilong Sauten Hailans Provins i no wanbel long saspensen bilong Deputi Komisina na Kontrola bilong Stet ov Imejensi (SOE) Gari Baki.

Oi ripot i kam long Wantok Niuspepa olsem ol pipel i wetim Gari Baki long kam bek long Sauten Hailans provins olsem Kontrola long pinisim hap wok em i bin mekim insait long Stet ov Imejensi provins.

Oi pipel i gat bikpela bilip long wok bilong Gari Baki olsem na ol i askim nesenel gavman long putim bek Gari Baki i go bek olsem Deputi Komisina na Kontrola bilong Stet ov Imejensi.

Oi pablik seven, kominiti lida, yut na ol meri i bin bung long Tari long protes bihain long ol harim saspensen bilong kontrola, Gari Baki. Insait long bung bilong ol, ol i tok long ol bai no inap givim aut gan bilong ol inap ol i larim Mista Baki i go bek wok olsem Kontrola.

Awi Lagayu Lokel Level Gavman Presiden, Ailo Arapa i tok, Mista Baki i bin mekim gutpela wok bung wantaim ol pipel bilong olgeta hap bilong wan wan distrik insait long Sauten Hailans provins, olsem em i tok long makim bek Mista Baki bipo long moa hevi i pundaun antap long gutpela wok mipela laik mekim long en.

Em i tok Nesenel Eksekutiv Kansel (NEC) i bin makim na kesetim Mista Gari Baki aninit long Pablik Sevens Ekt na ol i nogat rait long rausim em.

Presiden i tok strong olsem moa gan i redi long kam aut sapos ol gavman i givim bek pawa i go long Mista Gari Baki. Sapos nogat, ol pipel i tok ol bai i no inap givim gan long ol sekuriti fos inap long 2007 ileksen. "Mipela ol meri na pikinini i

kisim bikpela pen long taim dispela provins i ron long ol fri kesmani. Mipela i ting olsem em i wanpela hap wok bilong ol o lo i tokim ol long mekim dispela kain pasin."

Oi meri i tok taim Gari Baki i kam insait long Sauten Hailans provins em i kam wantaim bikpela hap, gol na visen.

"Olsem na nau mipela ol meri i laik sanap long rais bilong ol meri long singaut i go long nesenel gavman olsem dispela provins em i wanpela mama provins na tingting gut bipo long gavman i mekim disisen."

Insait long bung bilong ol i tok

"Mipela ol meri na pikinini i kisim bikpela pen long taim dispela provins i ron long ol fri kesmani."

saspensen bilong Gari Baki i no kamap long taim bilong em stret.

Dispela bikpela singaut bilong ol 500,000 pipol bilong Sauten Hailans provins i go long nesenel gavman long lusim rong bilong narapela na tingting long kamap long wanpela tingting long lukautim laip na propeti bilong dispela kantri na tu i no gutpela long pait agensim wanpela narapela.

"Papua Niugini em i wanpela liklik kantri o i no stap long lukaut bilong wanpela man tasol. Maski long kisim biknem o laik kamap bikman, tingting long ol pipel pastaim bipo long yu kisim biknem na namba," Presiden bilong Awi Lakayu i tok.

Olsem na nau em i taim bilong ol manmeri long stap isi na sindaun gut wantaim ol arapela manmeri long komyuniti. Provins i gutpela tasol bikhet pasin tasol.

6-pela holap long Kundiawa stoa

Paulus Tali i raitim

DAE Woo Trading na Holsel insait Kundiawa i kisim namba tu bagarap gen taim 6-pela raskol i bin holim apim ol wok man husat i laik karim mani i go long beng long Mande dispela wik.

Wanpela wokman bilong stoa i bin laki long abrusim gan paia bilong ol raskol tasol bihainim narapela raun

bilong gan paia, wanpela yangpela meri i no bin laki na em i kisim sut bilong gan.

Dispela yangpela meri i nau stap long Kundiawa Haus sik we em i kisim marasin na stap.

Strongpela singaut i go aut long ol was man bilong ol beng insait Kundiawa long opim doa hariap taim ol bisnis i laik kam lusim mani.



"God i mekim gut tru long yumi na yumi mas mekim ol gutpela pasin".

Yu mas tokim ol manmeri long ol i mas stap aninit long ol king na ol gavman, na ol i mas bihainim tok bilong ol. Na oltaim ol i mas redi long mekim olgeta kain gutpela wok. Ol i noken tok nogut long wanpela man, na ol i noken tok pait. Oltaim ol i mas stap isi tasol na mekim gutpela pasin long olgeta manmeri

Taitus3:1-2

Mipela nogat pawa long glasim - ICCC

Noreen Dada i raitim

INDIPENDEN
Konsuma na Kompetisen Komisen (ICCC), ol lain husat i save makim prais bilong ol stua samting insait long kantri i tokim Wantok Niuspepa olsem ol i luksave long dispela hevi we planti pipel i autim wari long ol pinis.

Long makim maus bilong Komisina bilong ICCC, Thomas Abe, Eksekutiv Menesa bilong Konsuma Was

...tasol luksave i stap pinis

Joseph Cajetan i tok wok long lukautim ron bilong ol kaunfafet prodak insait long kantri i wok long sampela atoriti.

"I gat sampela atoriti husat wok bilong ol em long lukluk long wanem kain prodak i kam insait long kantri. Ol dispela atoriti em Invesmen Promosen Atoriti (Investment Promotion Authority) husat i save strongim inteleksuel

Propeti Rait Lo we i lukluk long ol kaunfafet o giaman prodak, ejen husat i salim ol kaunfafet prodak i kam na ol lain husat i bosim IPR kopi rait na ol tred lain husat i holim laisens long bos long IPR long salim ol dispela prodak.

"ICCC i no save mekim wanpela bilong dispela samting na ol bel hevi long ol kaunfafet prodak i save

go long wanpela bilong dispela atoriti mi nemim antap long glasim na holim pasim husat i mekim rong.

ICCC i nogat pawa long holim pasim ol pipel husat i salim kaunfafet prodak," Mista Cajetan i tok.

Em i tok tu olsem sapos ol i daunim ol rait bilong pablik aninit long ICCC Ekt, ICCC i ken mekim wok painimaut sapos ol pipel i soim

olsem ol i kisim bagarap long sait bilong helt bilong ol bihain long ol i yusim ol dispela prodak o sapos ICCC yet i lukim olsem dispela prodak i ken bagarapim ol lain i baim na yusim.

"ICCC i save kam aut strong long toktok long dispela hevi long sait long lukautim ol pipel tasol em i gat askim long olgeta ol dispela ejensi long bung wan-

taim long glasim dispela kaunfafet prodak we i kam insait long kantri na long karim i go aninit long IPR Lo," Mista Cajetan i tok.

Em i go het long tok olsem i mas gat moa

wok bung wantaim namel long ol ejensi na stekholda long putim moa risos i go long stre-tim dispela hevi long kaunfafet prodak long ol wan wan lo na polisi ol dispela ejensi i gat.

Baim PNG tasol

I kam long pes 1

Na wanpela bikpela wari nau em, i nogat wanpela opis i stap husat i gat inap pawa long holim pasim ol lain husat i wok long go pas long kirapim dispela kain bisnis insait long PNG," Mista Golding i tok.

Mista Golding i tok pararel impoting o salim kam ol prodak bilong ol arapela kantri maski i gat wankain prodak bilong PNG i stap, i wok long givim hevi long ekonomi bilong kantri.

"Pararel impoting em tred long salim i kam ol ovasis prodak husat i gat laisens o tok orait long kampani husat i mekim dispela prodak. Dispela prodak i kam long PNG long givim resis long ol wan kain prodak husat ol PNG kampani yet i mekim.

"Pararel tred em stret wantaim lo tasol taim ol i go pas na stat mekim ol prodak we i no trupela prodak bilong dispela kampani, em we hevi i kamap na dispela em hap rot we PNG i bungim nau. Kia piksa bilong dispela hevi i long sait bilong Coca-Cola husat i wok long bungim sampela hevi long dispela pasin," Mista Golding i tok.

Em i tok moa olsem Coca-Cola nau i bungim hevi long ol ejen i karim i kam long PNG, ol kaunfafet o giaman Coke we ol lain long Indonesia i wok long mekim i stap.

"Tenpela i go inap tupela ten (20) kontena bilong sip em pulap long ol giaman Coke dring. Ol i wok long resis wantaim kaunfafet prodak we ol i nogat askim bilong ol long stap insait dispela resis. Olsem na long dispela taim yumi wok long karim aut ol aweanes long midia long promotim pasin long baim tasol Coke we i gat mak bilong PNG med piksa i stap long en," Mista Golding i tok.

Sauten Rijinel Menesa bilong Coca-Cola Amatil PNG, Matthew Green i mekim wankain singaut we em i tok aweanes em bikpela samting.

"Wanem wok yumi (Coca-Cola Amatil) i mekim insait long PNG i save stap insait PNG. Taim yu baim Coke husat arapela kantri i mekim, yu sapotim wok sans bilong ol pipel ovasis na apim pe na ol kain samting olsem long dispela kampani ovasis.


"Olgeta mani Coca-Cola PNG i save mekim i save stap insait PNG long sapotim komyuniti na kantri na long dispela, aweanes long sapotim Coke we mipela long PNG i mekim i bikpela samting tru," Mista Green i tok.

Long painim sampela bekim, i gat wanpela sab komiti we i kirap namel long Manufacturers Kaunsel, Indipenden Konsuma Kompetisen Komisen (ICCC), Internal Revenu Komisen (IRC) na Nesenel Institut ov Stendet na Industriel Tekonolji (NISIT) long lukluk moa long dispela hevi.

Ol siaman bilong dispela sab komiti em het man bilong IRC, David Sode na Wayne Golding.

Dispela komiti ol i kolim Impoting na Ekspoting sab komiti i ron long faipela mun nau na bai ron long tupela yia olgeta na bai lukluk long tred bilong ol prodak we i kam insait o go ausait long kantri.

"Bikpela wok bilong komiti nau em long kamapim ol lo we i ken strongim ol institute olsem ICCC, IRC long holim pasim ol lain husat i karim aut dispela kain tred insait long PNG. Long dispela taim, mipela i painim olsem ol holsel na ol lain yumi kolim ol ejen i wok long go pas long salim ol dispela prodak insait long kantri.



Nupela sip pulim planti manmeri

MAMA SIP: Nupela pasindia sip, MV Milne Bay i kam insait long Pot Mosbi fes taim tru na em i pulim planti manmeri pinis.

Ol ples bilong baim tiket i pulap na bris long Pot Mosbi bilong kalap long sip tu i pulap wantaim ol manmeri husat i sanap autsait na wet long kalap long sip.

Dispela sip i nap long karim 2, 000 pasindia, 100 kontena bilong kago na 20-pela kar wantaim na spit bilong en i nap olsem 19 nots.

MV Milne Bay bai ron i go i kam long Pot Mosbi, Alotau na Lae tasol.

Em i nap long ron namel long ol dispela ples insait long 33 aua tasol. Peninsula Shipping long Brisbane em kampani husat i lukautim dispela sip na hap papa bilong en em Wamp Nga Holdings long PNG yet.

POTO: Andrew Molen.

Planti moa samting i mas go bek long ol papagraun

Andrew Molen i raitim

OL papagraun i singaut long gavman long givim moa samting long ol taim em i katim na salim ol diwai bilong ol.

Dispela singaut bilong ol papagraun i kamap long bung bilong Forest Law and Governance (FLEG) long Pot Mosbi long Mande na Tunde dispela wik.

"Royolti moni na ol arapela samting ol papagraun i save kisim em i liklik tru tasol gavman na ol kampani i save kisim olgeta samting," bipo memba bilong Sandaun long palamen, John Tekwie i tok.

Mista Tekwie i singaut long Gavman long rausim ol kampani bilong ovasis na kamapim wanpela kampani bilong PNG yet long mekim dispela wok.

"Wok bilong katim timba em isipela bisnis tru tasol wanem as na i nogat kampani bilong PNG i stap," Mista Tekwie i tok.

Em i tok planti ol kampani husat i save kam na katim diwai long Papua Niugini em ol ovasis kampani na planti taim ol i no save bihainim ol lo bilong katim diwai long PNG.

"Hamas kampani bilong katim diwai em bilong PNG, yu tokim mi.

"Yumi mas lukluk gut long wok bilong dispela ol kampani bilong ovasis na lukim olsem ol i bihainim stret ol lo," Mista Tekwie i tok.

Em i tok i gat wanpela kampani bilong Indonesia i stap long provins bilong em husat i pasim rot i go long ples ol i wok bai ol wokman bilong gavman i no i nap long go lukim wok bilong ol.

Tasol ekting menesing dairekta bilong PNG Forest Authority (PNGFA), Dike Kari tok i nogat wanpela kampani long PNG i brukim ol lo bilong katim diwai long kantri.

Em i tok planti ol samting ol i mekim em i no brukim lo tasol em ol liklik samting ol i mas mekim long komyuniti na dispela em i no bikpela samting tumas.

Mista Kari tok aninit long lo bilong International Tropical Timber Organization (ITTO), na ol narapela intanesenel ogenaisesen bilong timba, ol loging kampani bai asua sapos ol i no kisim tok orait long go insait na katim o salim diwai.

Tasol ol papagraun na ol non gavman ogenaisesen (NGO) olsem Greenpeace i tok ol kampani save brukim lo taim ol i no kisim tok orait bilong papagraun.

"Gavman i ken tok orait tasol namba wan lain long givim tok orait em ol papagraun.

POSE TOKTOK SUPA

Las wik mipela i paitim toktok long ol benefit yu ken kisim sapos yu invest o putim mani insait long wanpela RSA. Dispela wik bai mipela i glasim...

Bai wanpela RSA i ken bungim intres tu?

Yes, RSA i ken bungim intres olgeta yia long wankain ret olsem long POSF Fan.

Dispela em bikos ol benefit bilong yu i stap bek insait long POSF invesmen potfolio.

Long ol lain husat i save rausim mani long akaun bipo long wanpela yia i lus, bai gat wanpela intres ret bai kamaut long balens i stap long de yu rausim.

I gat mak bilong lam sam mani yu ken rausim?

Mak yu mas bihainim em inap long mak bilong balens bilong yu, tasol sapos yu laik kisim moa benefit long ol malolo long takis long intres long ol witrowal yu mekim, yu mas stap insait long ol mak POSF yet i makim.

Ol dispela limitesen o mak i save bihainim hamas mani yu investim.

Olsem:

1) Sapos yu investim K10,000 o tamblo insait long akaun bilong yu, mak yu ken witroim insait ong wan wan yia em 50% long hamas mani yu investim na yu no inap baim takis.

2) Sapos yu investim namel long K10,000 na K20,000 insait long akaun bilong yu, manimak yu ken witroim insait long wan wan yia em 50% bilong mani yu investim na yu no inap baim takis.

3) Sapos yu investim moa long K20,000 insait long akaun bilong yu, bikpela manimak yu ken witroim insait long wan wan yia em 30% na bai yu no inap long baim takis.

Inkam o winmani bilong yu bai nogat takis long en sapos yu bihainim ol dispela mak.

Sapos yu witroim o rausim moa long ol dispela manimak ol i makim, bai yu baim lam sam takis long en. Sapos yu gat moa long 15 krismas membasip bipo wantaim POSF o wanem arapela Suparenuesen Fan i gat gutpela luksave, mak bilong en bai samting olsem 2%.

Olsem na sapos yu klostu bungim ritaiamen, toktok long Ritaiamen Kaunsela long telepon namba 309 521 tude na skelim gut tingting long ritaiamen o bihain taim bilong yu.

Long kisim moa toksave, PIs ringim POSF Memba Sevises, PII: 3095244 o Kina Investment & Superannuation Services PII: 180 1010 (toll free namba o namba i nogat kos long yusim).

Nupela kot rum na samba bilong Kokopo kot haus

Richard Mandui i raitim

NAMBA tu Sef Jastis Sir Salamo Injia i bin stap insait Is Nu Briten long opim nupela kot rum na samba bilong Kokopo kot haus long wik i go pinis.

Long toktok long opisel opening serimoni Sir Salamo i tok pawa long sait long jastis i stap long han bilong pipel na i no long han bilong jastis sistem.

"Mi bilip olsem tupela fomol na infomol kot i hap samting insait jastis sistem long kantri bilong yumi.

Faipela ten pesen (50%) long ol kot, moa long en ol viles kot em ol infomol kot husat i save harim ol hiaring.

Mi strongim eksekutiv han bilong gavman long sapotim wok bilong ol viles kot na helpim tu mas kam long provinsel na lokol level gavman," Sir Injia i tok.

Em i go het long tok tenkyu long gavman long givim sampela mani i go long distrik na nesene

kot tasol i tok dispels fanim i no inap.

Wantaim opening bilong nupela kot rum, rejistri na samba, em bai helpim long daunim liklik planti namba bilong ol kot hairing we i stap yet long harim insait Kokopo.

Long wankain taim, jastis dipatmen i laikim olgeta rijinel senta insait log kantri long gat olgeta samting i mas gat.

Jastis Dipatmen bai lukluk moa long ol rijinel senta long lukautim ol kot we ol bai salim moa jas i go long ol na plen long salim namba tri jas go long Kokopo i stap yet long stretim.

Sir Salamo i tok gen olsem Mama Lo i tok wok bilong jastis mas kamap insait wanpela luk-save ples we em i ken karim aut pawa bilong en.

"Dispela ples i mas haus we i stap oltaim na i no senis long wanpela hap i go long narapela hap.

Wanem samting yu lukim nau em haus we i nogat rait ples long


stap- Kokopo mas gat haus we i no gat sans long senisim ples.

Jastis sistem i no lus tingting long Is Nu Briten tasol em i bikos yumi i no inap long wetim long kamapim nupela kot haus olsem na mipela kamap wantaim dispela.

Sir Salamo i go het long tok olsem em i bilip olsem wantaim bikipela sapot we ol i kirapim dispela kot haus, ol iken kirapim narapela ken we i ken sanap oltaim.

Rejistra bilong Nesene na Suprim Kot Raka Lohia i tok tenkyu long Roger Dickson- tim lida bilong Fasilitis Aset Menesmen Yunit bilong Lo na Jastis Sekta Progrem (Australia Ed), long mekim dispela wok kamap wantaim fanim long K700,000.

Residen jas bilong Is Nu Briten Provins, Jas Lenalia i tok Is Nu Briten i wanpela provins we i gat bikipela namba bilong ol kot hiaring insait long kantri na em i bikipela samting long kisim helpim long nupela kot rum.



SOIM MI: Maketing Menesa bilong Intanesene Kokonas kampani Adam Brown i soim ol yangpela wei long yusim ICB Kokonas Spilta masin insait Buka So.

Foto: Aloysius Laukai

Promotim nupela masin insait Buka So

Aloysius Laukai i raitim

NARAPELA ovasis masin we i ken helpim tru ol rurel fama i stap long pablik i lukim long Buka Spilta So long Fraide wik i go pinis.

Intanesene Kokonas kampani bilong Mohave Veli insait Arizona long Amerika i stap insait Buka long promotim dispela nupela masin ol i kolim ICB Kokonas Spilta.

Dispela ICB Kokonas Spilta i ken katim kain olsem faipela kokonas wantaim skin bilong en long wanpela

taim tasol.

Dispela i ken helpim tru ol kokonas plentesen fama husat i save kisim moa taim long rausim skin na brukim ol kokonas.

Maketing Menesa bilong dispela nupela prodak, Adam Brown i tok prais long wan wan masin i sanap arere long K22, 000.

Mista Brown i go het long tok olsem kampani bilong en bai mekim bensin ol i kolim etanol (ethanol) long ol wara bilong kokonas long stat bilong Januere neks yia insait Buka.

Nu Ailan Provinsel asembli 'i no wok' - Chan

Noreen Dada i raitim

NU AILAN Provinsel Asembli 'i no wok na westim em yet long wok bilong en long bringim sevis i kam long ol pipel bilong provins.

Dispela tok i kam long Mema bilong Namatanai Byron Chan long ron em i bin mekim i go long Ugania, Messi na Konogogo insait Wes kos sentral long liklik taim i go pinis.

Long toktok long ol pipel long hap em i took aut long lus stori bilong provinsel asembli long stretim ol hevi long sait bilong helt, edukesen na rot insait long Namatanai distrik.

"Wes kot sentral pipel i bungim hevi long nogat tingting bilong provinsel gavman na asembli i westim taim na pablik fan long pasim tok

long wanem samting asembli mas mekim.

Nogat wanpela samting i kamap long ol toktok long stretim Namatanai Rurel haus sik, stretim Sohun Pawa stesen, Namatanai aepot na bris, opim gem ol ed pos- dispela ol samting i nogat luksave long en.

Long ol edukesen skelim, Nu Ailan i namba 18 insait long kantri- wanem samting provinsel gavman na asembli mekim long bekim dispela hevi?

Klia tumas planti toktok bai i no inap kamapim edukesen skelim bilong provins," Mista Chan i tok.

Em i tok wantaim liklik fan em gat, em i bai helpim pipel bilong en long save long wol na bai senisim stendet bilong sindaun na edukesen.

Sir Julius kisim toksave noken pasim tok

SIR Julius Chan na ol wok man bilong en na ol sapota bilong en i mas no ken toktok wantaim man husat bai givim stori bilong en i go long kot long asua we i kamap namel long polis na kot bilong Samuel Tomidir.

Namba tu Gavana bilong Nu Ailan Provins, Gerson Rabana i singaut long wanpela arapela niuspepa long tok aut long nem bilong dispela bipo memba bilong provins hust tok i sut olsem em i raun wantaim wanpela elimentri skul tisa.

Mista Rabana i tok ol bai askim long kisim stori bilong Sir Julius na ol atoriti long save tru sapos sampela lain em Kavieng polis i holim pasim ol long wankain de Sir Julius na Mema bilong Namatanai i ron go long Kavieng.

Ol bai traim tu long luksave sapos tupela i bin toktok wantaim polis long dispela asua.

Mista Rabana i singaut strong long olgeta lida na gavman opisa long no ken stap insait wok bilong polis.



ENROL NAU

Ilektorel Komisin nau i wok long karimaut nupela Enrolmen Rejistresen bilong 2007 Nesenele lileksen bilong olgeta provins. Ilektorel Rol bilong 2002 mipela i lusim pinis. Em i min olsem mipela bai no inap yusim neks yia.

Yu bai Vot insait long 2007 Nesenele lileksen sapos nem bilong yu i STAP insait long ilektorel Rol

Sapos yu gat 18 krismas o moa long 18 krismas na nem bilong yu i **NO STAP** long ilektorel Roll, yu **MAS** go lukim Provinsel lileksen Menesa o Distrik Opis klostu long yu long stretim wanpela Enrolmen Fom pepa **NAU**.

Tingim!!! Dispela ekasesais i **NO** bilong **APDETIM** o stretim 2002 ilektorel rol. Em i wanpela nupela enrolmen progrem bilong wanpela **NUPELA ILEKTOREL ROL BILONG 2007**.

Sapos ilektorel Rol i stret, em bai givim strongpela bilip na tingting long olgeta manmeri olsem ol lileksen insait long PNG i Fri na i Stret.

TINGIMI!!! ENROLMEN EM OLGETA MANMERI I MAS MEKIM na VOT BILONG YU EM I BIKPELA SAMTING

Tok Orait i kam long Ilektorel Komisina ANDREW S. TRAWEN, MBE

Mi NCDC menesa yet- Loko

POT Mosbi siti menesa, Peter Loko long dispela wik i tok olsem em i stap yet na nogat man i rausim em long opis bilong em.

Mista Loko i em i tok-tok wantaim siaman bilong Nesenel Kapitel Distrik Komisin (NCDC), na em i tokim Mista Loko olsem em i siti menesa yet.

Toktok bilong mista Loko i kamap bihain long sampela ripot i

kamap long nius olsem ol i saspenim em long opis olsem siti menesa bilong Pot Mosbi.

Tasol mista Loko i bekim tok strong long dispela olsem em i no tru na em i no kisim wanpela tok olsem ol i saspenim.

Nau yet mista Loko i singaut long ol wok-manmeri na bilong NCDC na ol lain i stap insait long siti long i noken wari na stap isi tasol na lusim ol wok

long dispela hevi go het gut tasol.

Em i tok sapos i gat wok painim aut i kamap bai em i amamas tasol long lukim.

"Sapos em i kamap bai mi amamas tasol bilong wanem em bai helpim long stretim ol samting na NCDC i ken go bek long givim gut-pela sevis long ol man-

meri." Mista Loko i tok.

Mista Loko i tok em i laik lukim ol program na ol wok i kamap pinis long i go het na em i singaut long sapot bilong pablik.

"Mi luk fowet tasol long wokbung wantaim bod na menesmen long lukim olsem NCDC i noken i gat bruk long namel," em i tok.

STAP YET: Mista Loko i no laik bai ol paol toktok i bagarapim gutpela wok bilong NCDC.

FAIL FOTO: Andrew Molen.



PMV no pinisim ron

Bonner Hui i raitim

OL PMV bas long Pot Mosbi siti nau yet i no save pinisim ron bilong ol long ol wanwan rot bilong ol.

Dispela kain pasin i save kamap long planti bas stop we ol PMV bas i save long-rausim ol pasindia na tanim o go bek long hap ol i kam long en.

Polis na trenspot bod i toktok planti taim olsem dispela pasin i mas stop tasol em i save kamap yet.

Ol pasindia tu i no save toktok taim draiva na bos kru i rausim ol long bas na i no givim bek moni bilong ol.

Planti ol papa bilong ol PMV bas i kam long wanpela hap bilong kantri tasol na taim wanpela i gat hevi na i no laik wok, olgeta i save pasim tok na stop wok wantaim.

Dispela i save kamapim bikipela hevi long arapela manmeri insait long siti husat i save yusim dispela pablik bas sevis.

Tasol ol lain i ronim bas sevis i save tok tu olsem ol pasindia i no save helpim ol.

Ol i tok ol pasindia i no save baim gut bas fea (70 toea) olsem na ol i save tanim.

Ol pasindia i tok ol bas yet i no save pinis ron bilong ol olsem na ol i save baim hap moni tasol.

Planti i tok ol bai baim 70 toea stret sapos bas i kisim ol i go stret long ples ol i laik go.

Ol bas oporeta i tok prais bilong bensin na spea pat bilong bas em i antap na ol pasindia i mas helpim ol na baim gut bas fea bai ol i pinisim ron bilong ol.

Trefik polis long Boroko i tok ol bai holim na sasim ol bas husat i no pinisim ron bilong ol.

Ol i tok tu olsem ol i save long ol bas stop we ol bas i save tanim na ol bai was long ol dispela hap.

Tasol autsait long opis bilong ol long Boroko em bikipela bas stop we planti bas i save rausim ol pasindia na tanim long hap tasol i nogat wanpela opisa i save sanap na sekim ol.

Nupela projek long helpim Fly

MOA long 35,000 manmeri bilong Not Fly long Westen Provins nau bai kisim gutpela helpim wantaim helpim bilong wanpela nupela projek.

Dispela em; Not Flai kapasiti bilding projek (North Fly Capacity Building Project) na i kos K219, 721.

Long Tunde dispela wik Papua Niugini Sastenabol Developmen Program (PNGSDP) i sainim wanpela tok orait wantaim Katolik sios dalosis bilong Daru-Kiunga long Pot Mosbi long sapotim dispela projek.

As bilong dispela projek em long givim trening long ol komyuniti lida, ol samting bilong wok na ol infrastraksa o ol samting we bai helpim wok bilong Katolik sios long hap.

Katolik sios i save mekim ol komyuniti trening program long Not Fly long 1959 yet i kam na dispela projek bai helpim long strongim moa wok bilong ol.

Wok bilong dispela projek bai pinis insait long 4-pela mun.

Long dispela taim bai em i helpim long trenim ol komyuniti lida, baim ol nupela we radio bilong toktok, dingi, ol samting bilong lukim video, ol samting bilong kompyuta na ol bai sanap wanpela woksap tu.

Em Bon-Dei bilong mipela olsem na mipela invaitim yu long Savim moa long dispela taim!

EM NIUELA... BIKPELA KES JACPOT!

Olgeta tiket bai igo insait long dro

- Em minim yu ken Winim long Septemba na gat sans long winim ken long mun Mas 2007.

HIT THE JACPOT!

Long mun...


SEPTEMBER



K8,000

Stap insait long winim!

Yu inap kamap Septemba winman long dispela Courts Jacpot Septemba K8,000 Jacpot Draw!



SEIV K396

Bipo Kes Prais K1,895

K1,499

Diposit K1

K58 Fortnightly

Reg. Price K1,729

Fisher & Paykel H164L #315727

164 Lita Frisa/ Ais Bokis

hap bilong rausim ais igo aut basket bilong putim ol kaikai gut

Bipo Kes Prais K2,599

K1,999

SEIV K600

Diposit K1

K76 Fortnightly

Reg. Price K2,295

Fisher & Paykel H360SL #315729

360 Lita Frisa/ Ais Bokis

- hap bilong rausim ais igo aut basket bilong putim ol kaikai gut
- Lok bilong lokim frisa
- isi long klinim

Bipo Kes Prais K3,299

K2,329

SEIV K970

Diposit K1

K88 Fortnightly

Reg. Price K3,029

Fisher & Paykel H510SL #315728

510 Lita Frisa/ Ais Bokis

- hap bilong rausim ais igo aut basket bilong putim ol kaikai gut
- Lok bilong lokim frisa
- isi long klinim

Bipo Kes Prais K3,999

K2,999

SEIV K1,000

Diposit K1


K113 Fortnightly

Reg. Price K3,465

Fisher & Paykel FPH701SL #315730

701 Lita Frisa/ Ais Bokis

- hap bilong rausim ais igo aut basket bilong putim ol kaikai gut
- Lok bilong lokim frisa - isi long klinim




Gordons Tasol!



TRADING HOURS PORT MORESBY: ☎ 325 5900 / Spring Garden Rd, Gordons / Open 7 Days: MON-WED & FRI - OPEN 8:00AM - 5:00PM / THUR - 8:30AM - 5:00PM / SAT, 8:00AM - 1:00PM / SUN, 9:00AM - 1:00PM
 & CONTACT DETAILS LAE: ☎ 472 4800 / Millfordhaven Road, Lae, Morobe / Open 6 Days: MON-FRI - OPEN 8:00AM - 5:00PM / SAT - 8:00AM - 1:00PM / SUNDAYS CLOSED

IMPORTANT! Courts Ready Finance is now available for you to apply! Call into our stores for more information on the terms & conditions. Courts K1,000 DEPOSIT is subject to Terms & Conditions. See in store for details on this Lowest Deposit in PNG. *Price(s) shown on the product(s) advertised here is subject to change at any one time without notice. We reserve the right to correct errors and omissions. Product(s) shown was available at the time of press printing. Some items may not be available in other Courts stores. Free GIFTs are subject to availability. *Promotion Ends Soon.



Orait nau: Dispela balus bilong North Coast Aviation i len long Markham bris long Tunde dispela wik bihain em i kam bek long Rabaul. Balus i bin bungim sampela hevi long rot bilong ples balus na i go daun long wara Markham na len. Nogat pasindia i kisim bagarap na balus tu i stap orait. *Poto: Bustin Anzu*

Distrik polis na helt senta kisim nupela

Bustin Anzu i raitim

BOANA polis na helt senta insait long Nawaeb Iektoret long Morobe Provins i gat wan wan nupela ka we memba bilong ol, Wesley Zurenuoc i givim.

Dispela nupela ka bai helpim ol lain long Boana, Erap na Wain lokol level gavman long mekim wok bilong ol moa isi na mani mak bilong tupela ka i sanap long K200,000.

Mista Zurenuoc i bin baim ol dispela ka wantaim mani we i kam long Distrik Plening na Praioriti Komiti na long givim dispela ol ka i go long ol pipel long wik i go pinis, em i tok ol ka em i baim i kam long mani bilong ol pipel na ol pipel yet mas was lukautim ol.

"I gat planti pasin bilong paulim ka long dring bia na painim meri i save kamap. Ol pablik seven i save mekim olsem na planti taim ol samting ol i baim i no save stap gut.

Dispela ka em mipela baim long mani bilong pipel na ol pipel mas lukautim gut olsem hap samting bilong gavman."

Ol pipel i autim amamas bilong ol long memba i givim nupela polis ka na nupela ambulens long wanem em i hat tru long kisim ol kain sevis olsem i kam insait long ples bilong ol.

Ol pipel i tok planti taim ol i save wokabaut long longwe hap tru long kam kisim helpim long Boana na long taim ol i save salim ol i go long Angau Huas sik, em i save hat moa

yet.

Polis ka bai stap long Erap lokol level gavman stesen na i no long Boana bikos long bik het pasin we i save kamap long maus rot bilong Boana rot na haiwe taim ol lain husat i salim buai i kam daun.

Eking Provinsel Polis Komanda Sinia, Inspekta Joseph Noah i autim amamas bilong en long memba na distrik edministresen bilong en long baim ka we em i tok bai helpim tru long daunim lo na oda insait long distrik.

Long wan kain taim, Sinia Inspekta Noah i autim tok tenkyu long Memba bilong Finschafen Guao Zurenuoc long mekim wan kain pasin long baim nupela polis ka long polis man meri bilong en insait long Finschafen.

2005 musik so winia winim laik insait Madang

James Kila i raitim

OL man meri bilong Madang taun long liklik taim i go pinis i bin amamasim laik bilong ol long danis taim wanpela yangpela meri bilong Madang na Sentral Provins i singsing long klap.

Nem bilong dispela meri em Lucille Langiri, wina bilong 2005 Ice Discovered- wanpela musik resis long EMTV we i save painim ol man meri husat i gat nek long singsing.

Long mun i go pinis dispela yangpela meri w papa bilong en i long Bunu insait Not Kos long Madang na mama bilong em long Sentral provins, i bin go stap na pilai wantaim ol musik man bilong Tumbuna Trek Studio long hap.

Planti man meri long Madang husat skin i save kirap long stret long danis i bin gat sans long lukim Mis Langiri i pilai long Madang Inn, Phil's Rapa na Madang klap.

Mis Langiri i bin kamapim sampela gutpela singsing namel long em na ol stail musik man bilong Madang olsem franman bilong Shydeez, Vog Kiatik na tu, yangpela musik atis bilong Tumbuna Trek Studio(TTS), Rickey Gabong.

Wantok Niuspepa i bin gat sans long toktok wantaim papa na seif engina bilong Tumbuna Trek Studio Chris Seeto long dispela taim na em i stori long dispela raun bilong Mis Langiri.

Mista Seeto i tok Mis Langiri i bin stap wantaim ol atis bilong TTS taim ol i bin pilai raun long Hagen na bihain ol i bin go daun long Madang we ol i pilai insait ol klap.

Wes Sepik Haiwe kisim wok mentenens

WOK mentenens long Bewani Haiwe insait long Wes Sepik Provins i pinis na wok long kirapim ol arapela projek bai kamap klostu taim.

Dispela ol nupela projek em ol foapela bris bilong ol diwai we bai slip long dispela 48 kilomita Haiwe.

Dispela Haiwe i sevim moa long 5000 pipel hust i stap insait Bewani veli.

"Dispela em wanpela bilong planti arapela projek mipela bai mekim insait long eria. Dispela ol nupela developmen i bai givim helpim tru taim loging wok i stat insait Amanab blok namba 5 na 6," Beiden Namah, Jenerel Menesa bilong GVG Limitet, wanpela papa graun kampani na kampani husat i go pas long kirapim Amanab projek i tok.

Long wan kain taim, ol papa graun bilong dispela diwai projek i laik makim ol yet ol kampani bilong ol papa graun long kirapim dispela diwai projek.

Ol papa graun bilong Amanab blok 5 na 6 laikim PNG Bik bus Atoriti na gavman long larim ol mekim makim bilong ol.

Ol i laikim GVG na Moma Risos Developmen Limitet long developim na katim ol diwai insait long veli.

Bewani Veli kaunsela Otto Wami i tok em i laik bilong ol papa graun long makim dispela tupela kampani.

"Dispela tupela papa graun kampani i save long askim bilong ol pipel na i ken bekim askim bilong ol long mekim mo beta sindaun bilong ol," Mista Wami i tok.

Toksave: Jeremy Burgess Jenolism awod em op yet. Yu husat ol sumatin o freelens ripota i ken salim ol sot stori, Fitsa stori long winim dispela awod. Salim ol i kam nau!

Memba kros long Okapa polis kar wok long stet ov imejensi

James Kila i raitim

GAVMAN Wip na Memba bilong Okapa Tom Amukele i mekim bikpela toktok kros i go long polis dipatmen long yusim wanpela kar em i bin baim bilong Okapa ilektoret bilong en nau plis i wok long yusim long Stet-ov-Imejensi insait long Sauten Hailans provins.

Mista Amukele i bin tokaut long dispela long las wiken taim em i bin bung wantaim ol ripota long haus bilong em long Lopi Strit long Goroka taun.

Mista Amukele i tokaut olsem em i no bin save olsem dispela blu-pela lenkrusa kar em i bin baim long mekim polis wok long Okapa em ol plis long Goroka i bin salim i go long Mendi long wok insait long dispela SoE opereresin long Sauten Hailans.

Em i tok dispela plis kar em i baim em bilong mekim wok insait long Okapa distrik na was long ol gavman sevis na ol pablik seven insait long Okapa.

"Mi bin guria tru long harim olsem dispela kar mi baim bilong Okapa nau em ol i yusim long plis operesen long Mendi," Mista Amukele i tokaut.

"Sampela lain bilong Okapa i

tokim mi olsem ol i bin lukim dispela kar long Maunten Hagen.

"Ol i tok olsem ol plis lain i bin yusim pepa o stika long karampim nem bilong Okapa na nem bilong memba long dispela kar na ol i wok long draivim dispela kar raun i stap," Mista Amukele i tokaut.

Em i tok olsem em bai raitim wanpela pas i go long Ekting Komisina bilong plis long soim wari bilong en long wanem samting i kamap.

Mista Amukele i bin mekim dispela ol toktok taim em i bin toktok wantaim Dairekta bilong Pablik Sekta Rifom Menesmen Yunit (PSRMU), Joseph Sukwianomb, husat i bin go long Okapa long las wik long sekap long ol ripot i kamap olsem Okapa em wanpela "bagarap" o "feil distrik" insait long kantri.

Insait long dispela toktok bilong Mista Amukele wantaim Mista Sukwianomb, ol i painimaut olsem Okapa em i no 'feil distrik'.

Planti ol sevis olsem edukesen na helt sevis i ron gut, tasol planti ol lain pablik sevans long laik bilong ol yet i no wok long go stap long Okapa na mekim wok. Ol i stap long Goroka na kisim pe nating tasol.

Mista Amukele i tokaut tu



KAMAPIM SENIS: Gavman wip na Memba bilong Okapa Tom Amukele i sanap arere long wanpela nupela kar em i baim long helpim helt sevis insait long Okapa distrik.

olsem long Mande nupela distrik etministreta bilong Okapa em bai kisim opis na ating planti gutpela wok bai kamap.

Memba i tokaut tu olsem em bai givim sampela ol kar em i baim pinis long mekim wok insait long distrik i kamap gutpela. Mista Amukele long las wik tu i bin soim wanpela

nupela 10-sita Toyota lenkrusa kar em i baim long mekim distrik Helt sevis wok insait long Okapa.

Memba i bin baim tu wanpela nupela kar bilong edukesen long helpim wok bilong ol tisa na ol skul inspekta na edukesen sevis wok long Okapa bai ron gut tasol.

Mendi taun i amamas

Timon Henry i raitim

Ol pipel bilong Sauten Hailans provins i kirap nogut tru long lukim ol yangpela pilaia bilong Maybe na Johnson Mendi Muruks bin kam krungutim hom graun bilong ol long las Fraide long wik i go pinis bihain long ol i bin winim Goroka Lahans long Lloyd Robson Oval long Pot Mosbi.

Ol sapota bilong Muruks i bin pulapim Mendi Taun long lukim wina bilong SP Kap salens bilong dispela yia, 2006. Taim ol i kamap long provins bilong ol, planti i singaut olsem Muruks, Muruks, bikos ol tok win i no kam nating. Bikpela sapot i bin i gat long hia long provins.

Makim maus bilong olgeta pipol bilong Sauten Hailans, deputi etministreta bilong Westen rijin Tari, Hetera Hekele i tok, maski Sauten Hailans provins i bin bungim moa hevi long sait bilong mani tasol yupela bin tekim inisetiv long go het na pilai na kam bek long provins. Em i givim mipela ol pipol bilong Sauten Hailans Provins olsem yumi i gat bikpela hop na tras long yupela olsem bai yupela bai i

go pas long lainim sampela yangpela bilong yumi husat i wok long stap nating long pulim i kam insait. Mr. Hekere Hekele i tok tu long makim maus bilong provins etministresen olsem em bai sindaun wantaim ol man husat i go pas long dispela provins long painim sampela wei bilong sapotim Muruks long neks yia 2007 SP Kap salens. Insait long dispela taim, ananit long Provins Gavaman Mr. Hetera i givim K7000 kes mani i go long han bilong tim menesa bilong Maybe na Johnson Muruks, Michael Weki olsem komitmen bilong provins etministresen insait long Sauten Hailans provins.

Insait long bung, ekting kontrola ananit long Stet ov Imejensi (SOE) i tok maski yumi stap ananit long Stet ov Imejensi, ol Maybe na Johnson Muruks i bin pilai gutpela gem na SP Kap win bilong ol i kirapim tingting bilong ol yangpela bilong dispela provins bai ol i ken senisim sampela pasin bilong ol na tingting long sait bilong gem. Menesing Dairekta bilong Global Konstraksen Francis Awesa.

SIP projek long EHP skelim ol hevi bilong rurel etpos na tisa

James Kila i raitim

WANPELA woksop we i bin kamap long Kainantu long las wik i bin glasim planti ol hevi insait long deliveri bilong ol gavman sevis insait long provins.

Ol provinsal etvaisa bilong helt, agrikalsa na edukesen i bin bung long Kainantu Lods long glasim ol dispela hevi insait long Sevis Impruvmen Program (SIP) long kamap wantaim sampela ol gutpela wok plen long daunim na stretim ol dispela hevi na gutpela sevises i ken go long ol pipel.

Dispela bikpela woksop we

i lukim ol SIP tim bilong wan wan ol dispela provinsal divisen bilong helt, edukesen na agrikalsa i bin tokaut long ol plen bilong ol i go long ol opisa bilong Dipatmen bilong Praim Minista husat i bin kam long stap na harim dispela woksop ya.

Ol lain bilong provinsal Helt i bin tokaut long SIP projek ol i bin kamap wantaim long kamapim wanpela plen bilong ol long stretim hevi we i lukim long nau yet olsem 60-pesen bilong ol rurel etpos insait long EHP nau i pas i stap na i no givim gutpela helt sevis

long ol manmeri na pikinini. Provinsal Helt Etvaisa Ben Haili wantaim wanpela opisa bilong en Joshua Amon i bin tokaut long ol ripot bilong SIP projek ol i bin kamap wantaim na ol plens divisen i laik karimaut long stretim ol dispela hevi. Ol i tokaut olsem insait long SIP projek bilong ol i plen long wok strong na traim opim olgeta rurel etpos insait long ol distrik long EHP.

Narapela lain husat i bin tokaut long SIP projek bilong ol insait long dispela woksop em ol lain long edukesen, we i lukim SIP

Tim lida insait long divisen, Peter Hoyato wantaim EHP Edukesen Etvaisa Conrad Esoke i tokaut long hevi we provins i wok long bungim we i soim olsem long stat bilong olgeta skul yia 40-pesen bilong ol tisa i no save stap o kisim posting bilong ol long ol skul insait long provins.

Mista Hoyato wantaim Mista Esoke i tokim dispela SIP woksop olsem ol i raitim pinis wanpela projek plen bilong ol insait long divisen long kamapim wantaim ol gutpela rot long daunim dispela. Ol bai traim wok bung na kisim

sampela kain helpim i kam long Tising Sevises Komisina (TSC) wantaim Nesanel Edukesen Bod long traim stretim ol dispela hevi na ol sumatin insait long EHP bai i ken skul gut long fes tem bilong skul yia. Ol lain long Provinsal DAL i bin tokaut tu long projek bilong ol long wokim kamap wanpela sentral haus o "wan-stop stua" opis insait long Goroka taun we bai lukim olgeta lain agrikalsa lain ejensi i stap long en long givim teknikal etvais i go long ol fama na ol narapela stekholda insait long provins.

CRAZY DEALS "Outstanding Durability that Drives Profits"

BEST TRUCK DEALS IN PNG

DRIVE AWAY NO DEPOSIT PAY LATER

at / ANZ Bank / Wespac Bank / BSP / Credit Corp. Finance



DAIHATSU 2.5 TON DUMP TRUCK

FROM K420 PER WEEK*



DAIHATSU LWB CARGO TRUCK

FROM K408 PER WEEK*



TOYOTA DYNA 3 TON TRUCK

FROM K467 PER WEEK*

Ela Motors TRUCKS

Your First Choice



TOYOTA

DAIHATSU

*CONDITIONS APPLY

Port Moresby... Ph 3229400 Madang... Ph 6522188 Mt. Hagen... Ph 5421888 Buka... Ph 9739915 Tabubil... Ph 5489080 Lee... Ph 4781800 Kavieng... Ph 9842788 Kimbe... Ph 9835185 Wewak... Ph 8562255 Porgera... Ph 5479367 Kokopo... Ph 9829100 Goroka... Ph 7321844 Lihir... Ph 9864099 Vanimo... Ph 8571254 Alotau... Ph 6410100

Offer Expires 30/11/2006

FOR MORE INFORMATION CONTACT : JIM MAXWELL PH 3229467 FAX 3217268 PORT MORESBY

www.elamotors.com.pg

*Weekly Payments (Payable over 48 months plus GST). To Approved Purchasers & Subject to Bank/Finance Approval. Available to Commercial Customers only.



Nupela wil sia stap long kantri

Noreen Dada i raitim

PIPEL husat i no inap wokabaut na i painim hat long go raun i nau ken kisim moa helpim we i kam long wanpela nupela kain wil sia.

Long mun Septemba long yia i go pinis, Nesenel Wil sia Sevis insait long Angau Haus sik long Lae i lonsim wanpela tripela wil wil sia we ol i tok bai gutpela long environmen bilong PNG.

Dispela helpim long baim ol dispela nupela wil sia i kam long Hai Komisen bilong Briten insait PNG, Helt Dipatmen, Voluntia Sevis Ovasis (VSO) na wanpela nupela intanesenel ogenaisesen, Motivesen.

"Long longpela taim nau, ol pipel wantaim lek nogut o i no inap wokabaut i save stap hait insait Papua Niugini. Wantaim dispela nupela wil sia, ol i nau ken soim ol yet insait long komyuniti na i ken serim ol wan kain sans we ol lain

husat i nogat bagarap long lek i gat," VSO volantia Edd Shaw i tok long wik i go pinis.

Mista Shaw i volantia husat i kam long Inglen na bai go pas long ronim projek long baim moa wil sia long haus sik.

Bikpela as long kirapim dispela nupela projek i lukluk long kirapim sevis we bai helpim long lukim saplai bilong ol dispela nupela wil sia i go het.

"Dispela wil sia i moa strong long sia we i gat foapela wil. Dispela nupela wil sia we i gat tripela wil i gat spesel bet long stopim ol' sua long kamap," Nesenel Wil Sia Sevis kodinetā, Cathy Ketepa i tok.

Nesenel wil sia senta long Angau Memoriel Haus sik i wok long givim aut 350 wil sia we i kam long Motivesen long foapela arapela sevis senta olsem Mt Hagen, Pot Mosbi, Wewak na Rabaul.

Prais long baim dispela

nupela wil sia i sanap long K150.

Ol lain husat i laik kisim moa infomesen long kisim nupela wil sia, ol i ken ringim dispela ol pipel long wan wan senta bilong ol.

Long Lae ol pipel i ken ringim Mis Cathy Ketepa o Mista Edd Shaw long telpon 472 8283, Mt Hagen Haus sik, Mis Vivien Enng long telepon 542 1166 na long Wewak Callan Sevis insait Kaindi Tisa Kolis, Mista Robert Nogue long telepon 586 2114.

Long Rabaul ol pipel i ken ringim Nonga Bes Haus sik na askim long Sister Kavanamur long telepon 982 7333 o ringim Callan Sevis Vunapope na askim long Moses Dokasaris long telepon 892 7938.

Na insait Pot Mosbi, ol pipel i ken ringim Pot Mosbi Jenerel Haus sik long Fisio Dipatmen o PNG Rihabilitesen Senta long 323 3955 na askim long Mista Ross Tito.

Sir Peter laikim helti polis fos

Noreen Dada i raitim

MINISTA bilong Helt Sir Peter Barter i laikim ol polis man na meri long tingting strong long singaut bilong Morobe Ekting Provinzel Polis Komanda long stap helti long skin na tingting bilong ol oltaim.

Sinia Inspekta Joseph Noah i bin mekim dispela toktok long ol polis long lukautim bodi bilong ol na stap helti long de ol polis i makim long tingim wok bilong ol polis man

meri.

Dispela de we olgeta polis man meri insait long kantri i selebretim i lukluk long ol wan wok bilong ol husat i dai taim ol i mekim wok bilong ol insait long fos.

Sir Peter i tok kaikai ol gutpela kaikai em bikpela mas long ol lain husat i wok insait ol fos olsem ami na polis na tu ol was man long ol kampani long lukim olsem ol i helti long mekim wok bilong ol.

Long wanpela nius toktok long wik i go pinis, Sir Peter i

tok ol kain samting olsem kaikai buai, dring bia na pulim simok i save helpim long daunim helt bilong wan wan man na meri.

Tu em i helpim long daunim gutpela stendet bilong bilas bilong ol polis taim ol i pasim yunifrom na kaikai buai, simok na wokabaut raun, Sir Peter i go het long tok.

Sir Peter tok dispela kain soim i nogut bikos ol polis man na meri i wok-namel long pablik olgeta de.

K43 milien bilong namba tu skul subsidi peimen

Noreen Dada i raitim

GAVMAN i givim K21.5 go long namba tu skul subsidi peimen we Dipatmen husat i bosim Mani i givim tok orait long stat givim dispela ol peimen long ol hai skul, sekonderi skul na vokesenel skul.

Long wanpela nius toktok dispela wik, Edukesen Seketeri, Dokta Joseph Pagelio i tok ol i stat long givim aut dispela subsidi peimen long ol skul.

"Long dispela K21.5 milien, K2.8 milien bai go long sapatim gutpela edukesen we i lukautim sait bilong ron bilong ol inspekta long ol skul, kamapim gut ol skul kos, bikpela test na setifiket na skolasip bilong ol trangu pikinini.

K18.7 milien bai go long Skul Infrastraksa na Mentenens Gren (SIMG).

Peimen bilong SIMG bai kam bihain ol skul i givim ol ripot na pepa we i soim mani

ol skul i yusim long ol infrastraksa insait wan wan skul bilong ol.

Olgeta skul husat i bin kisim namba wan peimen bilong 2006 SIMG mas salim kam hariap ol ripot na pepa soim hamas mani ol i yusim long ol provinzel opis," Dokta Pagelio i tok.

Em i go het long tok olsem ol skul husat i no givim infomesen long namba wan subsidi peimen bai i no inap kisim namba tu peimen bilong ol.

Nem:.....

Krismas:.....

Man o Meri:

Atres:.....

Telepon Namba:.....

Long givim bekim long ol askim, makim olsem

Salim i kam long long:
Wantok Ridasip Seve
P.O. Box 1982,
Boroko, NCD
Papua New Guinea

1. Yu save baim na ritim Wantok hamas yia nau?
 1-pela yia
 2-pela yia
 Moa long 2-pela yia

2. Em i isi long baim Wantok Niuspepa o nogat?
 Em i isi
 Em i hat moa

3. Yu save kisim Wantok Niuspepa we? (makim olgeta rot yu save kisim)
 Baim long stua
 Baim long maket
 Baim long man i salim long rot
 Ol i save lusim long haus bilong mi
 Mi save ritim long wok ples
 Mi save ritim Wantok ol arapela i baim
 I gat narapela hap? Plis tok klaia.

4. Yu ting wanem long prais bilong baim Wantok? K1 long Mosbi, na K1.30 ausait long Mosbi?
 Em i dia tumas
 Em i orait
 Em i liklik tumas

5. Yu save baim Wantok long wanem de insait long wan wan wik? (makim wanpela tasol)
 Fonde
 Fraide
 Sarare
 Sande
 Mande

Tunde
 Trinde

6. Yu save baim Wantok hamas taim? (makim wanpela tasol)
 Olgeta wik
 1 - 3-pela taim long wan wan mun
 1-pela taim insait long sampela mun
 Wan-wan taim tasol
 Mi no save baim

7. Yu save laikim wanem ol pes insait long Wantok?
Pes Laikim No Laikim

Nius	<input type="checkbox"/>	<input type="checkbox"/>
Rijinel Nius	<input type="checkbox"/>	<input type="checkbox"/>
Sios	<input type="checkbox"/>	<input type="checkbox"/>
Helt Nius	<input type="checkbox"/>	<input type="checkbox"/>
Edukesen Nius	<input type="checkbox"/>	<input type="checkbox"/>
Ol Pas	<input type="checkbox"/>	<input type="checkbox"/>
Komentri	<input type="checkbox"/>	<input type="checkbox"/>
Wol/Pasifik Nius	<input type="checkbox"/>	<input type="checkbox"/>
Meri Nius	<input type="checkbox"/>	<input type="checkbox"/>
Haus Na Gaden	<input type="checkbox"/>	<input type="checkbox"/>
Glasim Musik	<input type="checkbox"/>	<input type="checkbox"/>
Entatenmen	<input type="checkbox"/>	<input type="checkbox"/>
Komik na Pilai	<input type="checkbox"/>	<input type="checkbox"/>
Stori Buk	<input type="checkbox"/>	<input type="checkbox"/>
Rurel Indastri	<input type="checkbox"/>	<input type="checkbox"/>
Bisnis Nius	<input type="checkbox"/>	<input type="checkbox"/>
Spot Dro	<input type="checkbox"/>	<input type="checkbox"/>
Spot Poto	<input type="checkbox"/>	<input type="checkbox"/>
NRL Nius	<input type="checkbox"/>	<input type="checkbox"/>
Spot Nius	<input type="checkbox"/>	<input type="checkbox"/>

8. Yu save laikim ol nius stori insait long Wantok Niuspepa o nogat?
 Mi save laikim stret
 Em i orait
 Mi no save laikim tumas
 Sapos yu no laikim, yu laikim wanem kain nius stori insait long Wantok?

9. Yu laikim wanem kain pilai resis insait long Wantok? (Makim raunim yes o nogat long wan wan)

Painim bal resis	<input type="checkbox"/> Yes	<input type="checkbox"/> Nogat
Kalarim piksa resis	<input type="checkbox"/> Yes	<input type="checkbox"/> Nogat
Raitim stori resis	<input type="checkbox"/> Yes	<input type="checkbox"/> Nogat
Kanage stori resis	<input type="checkbox"/> Yes	<input type="checkbox"/> Nogat
Ol kwis o askim resis	<input type="checkbox"/> Yes	<input type="checkbox"/> Nogat
Sudoku	<input type="checkbox"/> Yes	<input type="checkbox"/> Nogat

Sapos i gat arapela yu tingim, plis raitim nem bilong en long hia

10. Wanem kain ol prais bai kirapim bel bilong yu long traim ol resis insait long Wantok?
 Yes, mi save laikim
 Nogat, mi no laikim

11. Yu save laikim ol pilai na kwis o askim resis bilong traim we i nogat prais bilong en o nogat? (makim wanpela tasol)
 Yes, mi save laikim
 Nogat, mi no laikim

12. Hamas manmeri i save ritim Wantok Niuspepa yu baim? (makim wanpela tasol)
 1-pela manmeri
 2-pela manmeri
 Inap long 6-pela manmeri
 Moa long 6-pela manmeri

13. Yu save laikim ol Wantok spesol sapli-men long ol bikpela de o nogat?
 Yes
 Nogat

14. Yu save laik ritim Catholic Reporter na Gavamani Sivarai inset o nogat?
 Yes
 Nogat

15. Yu baim wanpela samting yu bin lukim insait long Wantok Niuspepa etvataimen tu o nogat?
 Olgeta taim
 Wan wan taim tasol
 Nogat

16. Logo o piksa bilong Wantok em i wanpela sel kaur na dispela toktok "Niuspepa bilong yumi ol PNG stret". Yu ting Wantok

Niuspepa i makim ol grasrut pipel bilong PNG?
 Yes
 Nogat
Sapos nogat, plis tok klaia:

17. Yu laik lukim moa, liklik tasol o wankain namba poto, stori na ol etvatismen insait long Wantok Niuspepa?
 Moa Liklik tasol Wankain Poto

18. Yu ting Wantok i mas kamaut yet long Fonde o yu laikim i kamaut long narapela de insait long wan wan wik? (makim raunim yesa o nogat)
Kamaut yet long Fonde Yesa
 Nogat
Kamaut long narapela de Yesa
 Nogat
Wanem De?

19. Sapos Wantok i kamaut tupela taim long wan wan wik bai yu baim tupela pepa wantaim? (makim wanpela tasol)
 Yes Nogat Sampela taim tasol

20. Sapos Wantok i kamaut tupela taim long wanpela wik, yu laikim bai em i kamaut long wanem tupela de? (Raitim wanem tupela de)
De Namba 1

21. Yu ting wanem long kain tok pisin insait long Wantok? (makim wanpela tasol)
 I gutpela tru
 Gutpela tasol
 Em i orait
 I no gutpela
 I nogut olgeta
 Plis tok klaia

22. Yu ting tok pisin insait long Wantok em i tok pisin yu save yusim long ples yu stap long en?
 Yes Nogat
Plis tok klaia:

23. Yu save kisim nius na toksave long wanem hap? (makim olgeta rot)
 Wantok



STORI TASOL

wantaim



FR. PAUL LIWUN, SVD

Lusim tingting long pikinini?

TAIM bilong enrolmen bilong nupela sumatin bilong yia 2007 i bin stat pinis long St. Peter Chanel Elementeri na Praimeri Skul long Erima. I gat planti kondisen ol papa mama i mas bringim wantaim long taim bilong enrolmen. Wanpela bilong ol em i baptism certificate o setifiket bilong baptismo. Yu baptais long wanem sios; (Katolik, Angliken, Yunaitet Sios o Luteran o narapela sios) yu mas soim setifiket bilong en.

Olsem na long las wik tasol, klostu olgeta aua, sampela papa mama i bin kam long peris opis na askim mi long raitim referens leta. Tasol het tisa i no askim referens leta. Em i askim long baptais setifiket.

Taim papa mama i kam long opis, mi bin askim olsem; "Yupela i save bihainim lotu long we?" Ol i tokim mi; "Long hia (long Erima Katolik Sios)". Mi askim ol gen; "Bilong wanem yupela i no bringim pikinini i kam long kisim baptais? Long wanpela yia i gat fopela o faipela taim bilong Baptismo. Bilong wanem yupela i no bringim pikinini i kam long kisim baptais?" Isi tasol ol i bekim tok olsem; "Mipela lus tingting. Mipela larim ol i stap long haus tasol!".

Dispela bekim i tokim yumi olsem papa mama ya i gridi tumas. Ol i save kamapim pikinini, tasol ol i no wari long sol bilong ol. Ol i gat mi pasin i stap strong long ol yet. Ol i tingting long sol bilong ol yet, na i no tingting o i no wari long sol bilong pikinini. Taim bilong skul i kamap, ol i kirap nogut na askim Pater long raitim referens leta.

Tasol dispela yia, skul i no nidim referens leta. Ol i nidim Baptismo setifiket. Klostu faipela yia nau, planti papa mama i askim referens leta, na promis bai ol i bringim pikinini bilong ol long lotun na kisim baptais. Tasol ol i no kisim baptais yet inap nau. Ol i bin giaman mi.

Na planti bilong narapela sios tu i bin kam na askim referens leta long mi. Mi tokim ol i go na lukim pasto bilong ol. Tasol sampela i tanim na giaman mi olsem ol tu Katolik. Nau mipela painim aut olsem ol i no Katolik. Ol i wokim giaman pasin long winim wanpela ples long skul tasol.

Mi pulap pinis long giaman pasin bilong sampela papa mama. Ol i bin skulim mi wanpela gutpela skul bilong giaman pasin. Olsem na dispela yia nogat referens leta.

Dispela pasin i soim olsem sampela papa mama i no save klia; wanem mining bilong marit na wok bilong papana mama long ronim famili na lukautim pikinini. Yu bin kamapim ol long dispela graun, olsem na yu, - papa na mama - i mas lukautim na rispek long rait bilong pikinini. I no bilong givim kaikai na mani tasol. Nogat! Spiritual laip bilong ol tu mas go wantaim.

Long Erima peris, mipela i lukautim gut sol bilong ol pikinini. Nau i gat planti pikinini tru, i kam na lotu long Erima. Bikos mipela i gat naispela program bilong Sande Skul.

Wanpela samting i mekim ol pikinini i amamas na kam bihainim lotu long Erima, bikos ol i save kisim spesel blesing long olgeta Sande. Bihain long Komunio, wan wan pikinini i kam long alta, sanap long lain na Pater i putim han antap long ol, prea na askim God long blesim ol.

Katolik edukesen long kisim wok glasim

Stori kam long Zenit News

OL bisop bilong Yurop (Europe) i wok long lukluk nau long wok bilong rilijes edukesen long kamapim ol yangpela pipel.

Dispela em ol tingting bilong Kaunsel ov Yuropien Bisop Konprens (CCEE) we ol

i bin autim long liklik taim i go pinis.

Dispela i kam bihainim bung bilong Yuropien bodi bilong ol bisop husat i go pas long karim aut edukesen bilong Katolik lotu insait ol skul.

Dispela bung i lonsim wanpela risets projek we i kirapim patnasip namel long CCEE na nesenel sevis bilong ol

bisop konprens bilong Italy.

Ol bisop long dispela bung insait bik siti bilong Italy, Rome, i kirapim wok long kamapim infomesen sistem we ol bai kisim ol infomesen long tripela ten na foapela (34) kantri husat i gat ol opis bilong Katolik Bisop Konprens insait long en.

Long ol mun i kam bihain long dispela yia, dispela ol bisop bai bungim ol infomesen long edukesen bilong lotu insait wan wan kantri bilong ol.

Wan wan bilong dispela 34 pela bisop bai ritim na makim ol bikpela tok na model we ol i ken yusim long kain kain wei.

Dispela risets bai pinis neks yia wantaim wanpela bikpela bung we ol kaikai bilong dispela risets em ol i bai givim go long Sios na Yuropien komyuniti.

CCEE i gat 34 pela bisop konprens insait Yurop na Presiden em Bisop Amedee Grab bilong Switzerland.

Painim singsing long makim Wol Yut De

Stori i kam long Zenit News

WOL Yut De ogenaisesen insait Sydney Australia i painim wanpela singsing long makim Wol Yut De we bai kamap long yia 2008.

Na insait Australia ol i lonsim pinis wanpela resis long ol pipel i raitim ol singsing long makim dispela de.

Asbisop Stanislaw Rytko, Presiden bilong Pontifisol Kaunsel bilong Laity i opim dispela resis long ron bilong en insait long Sydney dispela wik wantaim yut de kodineta, Auxiliary Bisop Anthony Fischer.

Bikpela toktok bilong Wol Yut De em Yu bai kisim pawa taim Holi Spirit i kam antap long yu; na yu bai givim ai long dispela (Acts 1:8).

Ol samting we i mas kamap insait dispela singsing i ol samting we i sut long bikpela toktok bilong Wol Yut De; toktok mas sut long ol yangpela pipel; i mas kamap hap samting bilong ivangelisim we i isi long lainim na singsing; i mas raitim singsing long Inglis; na mas gat wanpela ves we i gat tokples Spain, Frens o Italy insait long en.

Wina bai winim ron bilong tupela long go long Rome we ol bai lonsim dispela singsing long wol long Palm Sande, 1 Epril 2007.

Olgeta pas mas kam bipo pinis long Novemba 30 neks mun.

Ol pipel husat i laik traim dispela resis i ken go long web sait bilong Wol Yut De long www.wyd2008.org na kisim moa infomesen.

...resis stat insait long Australia

GLASIM TOK

wantaim



FR LOLLINGTON WIAM

Skin, mit na bun

PLANTI kristen taim yumi save kam long misa, yumi no save kam wantaim skin, mit na bun. Sapos yumi kam wantaim dispela tripela samting, wok, bilip laip na pasin bilong yumi bai stret long ai bilong God. Em bai mekim yumi i namba wan na pasin bilong bihainim Jisas bai kamap namba wan tu.

Tasol i gat bikpela asua i stap yet long laip bilong yumi olsem na taim yumi laik bihainim Kraus, i save hat tumas. Long wanem, planti taim yumi go wantaim skin tasol na tok bilong God i no kisim long mit na bun o long mit tasol na em i no kisim gut long bun o bun tasol na em i no kisim mit na skin long givim yumi strong. Sapos yumi bungim tripela wantaim aninit long wanpela as tingting em bai strongim yumi long luksave long pasin, laik, wok na tingting bilong God na em bai inap helpim na stiaim yumi long bihainim Kraus

Long dispela wik gutnius, yumi bai harim stori bilong wanpela yangpela man i laik bihainim Kraus. Em i save bihainim olgeta lo bilong God taim em i liklik yet inap long em i bikpela. Na Jisas i askim em long givim olgeta samting bilong em long ol man i sot long ol samting. Tasol dispela yangpela man i wari na sori long ol samting bilong em. Olsem na em i tanim bek na i go. Wok, tingting, laip na pasin bilong em i pas tumas long ol naispela samting bilong en. Dispela yangpela man em i sot long wanpela samting. Dispela em pasin tasol. Pasin bilong givim long ol tarangu i nogat. Long wanem em bihainim olgeta lo bilong God tasol pasin bilong givim i nogat olsem na dispela i pasim em long bihainim long wanem em i wari tumas.

Em nau, em i givim yumi klia sku. Yumi mas strongim bun, mit na skin long tok, wok laik, tingting na pasin bilong God pastaim na bihainim yumi tok, yesa long bihainim Kraus. Namba 1 lo i tok, "Love the Lord Your God With All Your Heart, With All Your Mind, With All your Soul and With All Your Strength. Love your enemies and do good to others as yourself."



TAIM BILONG LOTU: Pater Mateus bilong Kuinga Katolik Daiosis i redim em yet long statim sevis bilong en.

Poto: Fr. Mateus

Komyuniti helpim chapel

Noreen Dada i raitim

MCGREGOR Bareks komyuniti insait long Pot Mosbi i gat as long amamas nau wok mentenens long mekim chapel bilong ol i go bikpela i kamap.

Long liklik taim i go pinis, komyuniti i bin lukim blesing na dedikesen bilong McGregor Chapel we i save sevim klostu moa long 2000 pipel.

Katolik, Yunaitet Sios na Seven De Adventis (SDA) sios i save yusim dispela chapel

long holim sevis bilong ol.

McGregor komyuniti we i gat ol famili bilong ol polis lain i stap long en, i wok bung wantaim na wantaim helpim tu bilong wan wan man, mekim wok long mekim chapel bilong ol go bikpela.

I gat bilip olsem McGregor Chapel i save sevim tu ol pipel insait long ol klostu setelmen.

Mani mak long mekim dispela wok i sanap long K102, 000 we opisel opening bai kamap long taim i kam bihain.

Vatican Midia De bai lukluk long Pikinini

Stori kam long Zenit News

OL papa mama mas luksave long bikpela na strongpela fos long midia insait laip bilong ol pikinini.

Dispela em hap tingting bilong Pop Benedict XVI taim em i makim bikpela tok bilong 2007 Wol Komyunikesen De long wik i go pinis.

Wol Komyunikesen De em wanpela selebrens we i save kamap insait long wol we namba tu Vatican Kaunsel i singautim long kirap insait planti kantri.

Dispela i kamap bihainim tingting na toktok bilong ol bisop bilong wol, long Sande bipo Pentecost long 20 Me, 2007.

Toktok bilong Holi Pater long Wol Komyunikesen De i save kamap insait ol midia toksave wantaim helpim bilong Memoriel ov St Francis de Sales, petron bilong raita long Januəri 24.

Dispela bai larim ol bisop konprens, opis bilong daiosis na komyunikesen ogenaisesen long gat inap taim long redim ol samting long samting long nesenel na lokol selebrensen.

Sauten Hailans Provins i bagarap

Dia Edita
 MI wanpela mangi bilong SHP na mi laik tok tenkyu long gavman bilong Gren Sif Se Michael Somare long salim Stet ov Imejensi (SOE) long Sauten Hailans provins.
 Dispela i karim liklik kaikai bilong em.
 Wanpela long long man i holim o paulim kar o haus bilong gavman. Dispela wok painim i kam long Stet ov Imejensi na pulim kar wantaim haus long dispela long long man husat i haitim kar na

haus. Ol i givim i go bek gen long gavman bilong mekim wok long provins.
 Mi gat bikpela tenkyu na tok amamas.
 Plis sekim gut gavana wantaim ol 8-pela memba na holim wanpela bilong ol na kalabusim ol bai ol pipel bilong Sauten Hailans bai bilip strong long gavman bilong tude.

MOSES KAPA IALIMBU SAUTEN HAILANS PROVINS

Go bek long ples

Dia Edita
 MI bilong Morobe provins na mi laikim bai pablik i ritim komplek bilong mi. Mi lukim olsem olgeta provins long PNG i bagarap olgeta long wanem olgeta Hailans man na meri i pulap tru long olgeta siti bilong PNG. Sampela i kisim blok na sampela i raun nating nating na silip nabaut long olgeta hap long siti. Yumi mas tingim bek raun bilong pikinini bilong yumi long bihain taim. Traim na lusim siti bilong ol arapela na go bek gen long taun na ples bilong yu na stap. Larim mipela yet i stap long hap bilong mipela na bosim hap bilong mipela. Na yupela i mas traime long klinim siti long ol pablik i ken raun na stap.

Noken kros. Tingting bilong mi i go long ol pikinini bilong yumi long bihain taim. Tenkyu tru.

EFANG JONAH LAE MOROBE PROVINS

Planti ol manmeri i raun nating painim mani na kaikai long siti

Dia Edita
 BILONG wanem na i gat planti ol manmeri i save raun na askim long mani na kaikai. Yumi save mekim pasin olsem yumi nogat ples na nogat hap long sindaun.
 Bai yu lukim olsem long Pot Mosbi, bikpela siti bilong yumi PNG i gat planti ol strit selas. I sori olsem ol i nogat gutpela wok na nogat hap long mekim mani na ol i stat long salim ol samting long strit long mekim liklik mani bilong ol.

daun bilong yumi. Inap gavman i lukluk long dispela hevi? Em i wanpela samting we i wok long kamap bikpela long siti na i mas gat we long stretim. Yumi noken tok olsem yumi nogat kaikai na nogat graun long kamapim ol kaikai. Yumi wok long mekim olsem ol narapela kantri we ol i nogat kaikai na nogat graun long mekim gaden. Em i no tru. Bikos PNG i gat bikpela graun we i stap nating na i gat planti ol samting long mekim long stretim sindaun bilong ol.

Planti bilong ol i save kisim mani na baim bia o smuk o ol i save yusim nating nating. Na sampela bilong ol i save giaman long kamap ol longlong man na askim long mani o kaikai. Mi gat bikpela sori tru long ol dispela ol manmeri bilong yumi. Wanem kain samting bai yumi mekim long stretim sin-

Raun raun nating olsem save pulim ol yangpela manmeri long mekim sem samting bikos ol i ting olsem em i isi na right we long kisim ol nids bilong ol.

GERU HAUA POM SITI

Tok klia long Julian Moti

Dia Edita,
 HATIM bel toktok i kamap insait long Post Courier Drum Kolum (Fraidé October 6, 2006) long tingting bilong praim minista long hevi bilong Julian Moti i no inap lus nating.

I mas stap klia olsem praim minista i no mekim wanpela skelim tingting long Mista Moti i asua o nogat. Yu tok olsem em i nogat luksave long hevi bilong ol seksual hevi agensim ol pikinini o long tok olsem em i save tok orait long dispela kain pasin nogut i no stret, i no gutpela toktok na em i giaman toktok.

Ol seksual hevi agensim ol yangpela em ol bikpela asua long ol lo insait long Papua Niugini na praim minista i klia long dispela. Em i no save laikim ol dispela kain pasin na taim ol i kamap, em i save autim tok na daunim ol dispela kain pasin. Ol i bihainim rot stret o nogat

Ol toktok bilong praim minista long i mas i gat ol stret-pela rot na em i stap bilong strongim ol lo wok bilong yumi.

Em i stap long gutpela nem bilong lo wok bilong yumi

olsem ol i mas bihainim stret olgeta rot aninit long Ekstradisen Ekt 2005 we ol lo man bilong yumi i bihainim taim ol i arestim na holim Julian Moti.

Sapos ol i no bin bihainim stret rot bihainim laik bilong ol arapela lain, em nau ol atoriti bilong yumi i mas kamaut na tok stret na noken traime haitim baksait long ol kain toktok olsem simplified procedures. I nogat wanpela samting olsem simplified procedures aninit long Extradition Ekt.

Sapos ol opisel bilong yumi i 'katim kona' (olsem toktok bilong Australia Foren Minista Downer i save tok) long taim bilong karimaut askim i kam long ol Australia atoriti, mipela i wankain tasol olsem ol lain husat i mekim rong.

Long wanem as tru na ol Australia atoriti i no bin arestim Moti taim em i stap long hap yet?

Bikpela askim we i mas i gat gutpela bekim bilong em em long wanem as tru na Australia i wet longpela taim bipo long ol i tok Moti i mas kisim sas na sanap long kot bilong ol seksual ofens em i mekim long Vanuatu long

1997?
 Papua Niugini i gat rait long askim ol Australia atoriti long wanem as tru na ol i no arestim Moti taim em i bin stap long Australia o taim em i stap long Singapore.

Wankain tasol long ol Solomon Ailans gavman i gat rait long askim bilong wanem na Australia gavman i laik tru long arestim Moti long dispela taim. Bihain long kros i kamap namel long tupela kantri.

Moti i ken sanap long kot long samting we i bin ol kot long Vanuatu yet i bin rausim long 1999?

Narapela sait em sapos Mista Moti i ken sanap long kot tupela taim long wanpela rong em i mekim.

Ating dispela 'double jeopardy' lo i ken stap insait long kes bilong Moti we em i ken rausim disisen bilong Australia long sasim em.

PNG i mas skelim ekstradisen bihainim ol nesenel intres.

Mipela i kisim tupela askim i kam long Solomons na Australia.

Em i bikpela samting long mipela i mas lukluk long dispela kes bihainim gutpela sin-

daun bilong pipel na kantri. Em i samting bilong mipela yet long skelim.

Wanem disisen mipela i mekim i mas bihainim ol nesenel intres bilong yumi na ol lo bilong mipela na i no long bihainim laik bilong ol arapela kantri.

Ol toktok bilong ol Australia lida long askim gavman bilong yumi long ekstraditum Moti.

Kain daunim toktok i kam long Australia em i klia tru na i bagarapim nem bilong ol Solomon Ailan lida.

Bikpela wok ol i mekim long hariap na holim Julian Moti hia insait long PNG i kirapim sampela askim long as tingting bilong Australia gavman.

Gutpela pasin poroman na wok bung i mas i stap na i no dispela kain 'skul tisa' pasin. Wankain luksave long ol rot bilong mekim wok na ol opis i mas gutpela long strongim pasin poroman namel long mipela na ol wansolwara bilong yumi.

LEONARD LOUMA CHIEF OF STAFF OPIS BILONG PRAIM MINISTA



Banisim ol pik

Dia Edita
 MI wanpela grasrut pikinini bilong ples. Mi laik soim wari bilong mi long pablik i mas ritim na skelim. Long Wampar ples yumi no save mekim banis bilong pik na pik i save raun raun nabaut na kaikai banana na brukim banis na go insait long gaden bilong ol man na pinisim banana long gaden na tu ol i save rausim pipia bilong ol long olgeta hap. Em tasol i mekim na ples i bagarap olgeta na tu

yupela i mas save olsem pik i save givim sik long ol manmeri. Olsem wanem. Yupela tingting long banisim ol pik o nogat? Mi save sem bikos ol nupela pes i save kam long ples na save lukim dispela.
 Sapos wanpela i laik bekim, orait, mi i ken ritim neks taim mi baim pepa.

APOLO TONY PLES MARE MOROBE PROVINS

Noken karim pasindia raun long nait

Dia Edita
 MI rait long autim dispela tok i go long ol Hagen bisnis man. Ol i save ronim 25 sita PMV bas i go daun long Lae na long moning ol i no save kam antap long Hagen. Nogat Ol i save raun insait long Lae siti na bihain long 6 o 7 kilok ol i save lusim Lae na kam antap long Hagen. Em 8-pela o 10-pela bas i save pulim lain na kam antap.

Las wik tasol mi lukim wanpela long ol dispela 25 sita bas. Draiva em i silip na bas em yet i ron go daun long Kuri maunten na 8-pela manmeri dai na ol arapela i kisim bagarap. Olsem na mi tokim yupela ol papa bilong bas long noken ron long nait. Yupela i mas kam antap long moning. Sapos yupela i ron yet long nait, ol polis bai holim yupela.

Tasol planti taim ol raskol i save pasim rot na kisim ol samting bilong ol manmeri insait long bas.

MARK LUPI MT HAGEN WESTEN HAILANS

Stretim rot bilong mipela

Dia Edita
 GUTPELA sapos wanpela i bekim dispela pas hariap. Tenkyu Edita long autim.

Bikpela wari bilong em long ol manmeri i no save luksave long rot bilong ples Mare long hia tasol long Morobe provins. Mipela i kisim bikpela bagarap stret long rot bilong mipela. I gat planti hul long rot na mipela i save painim hat long go long taun bikos rot em i bagarap olgeta. Plis mi laikim bai wanpela i kam stretim rot bilong mipela. Dispela em wanpela hap tasol long mipela i ken i go i kam long Lae long salim ol kaikai na tu long baim ol stoa kaikai.

Tenkyu long ritim dispela wari bilong mi.

YAKAMSAO TOBIAS LAE MOROBE PROVINS



Yu laik autim tingting bilong yu - Salim wanpela pas i kam long Edita long:

Ol Pas i go long Edita P. O. Box 1982 BOROKO NCD

Sapos yu save long email, yu ken salim pas bilong yu i kam long: editorial@wantok.com.pg

Yu mas raitim tru tru nem, telepon namba na pos opis bokis bilong yu. Sapos nogat, mipela i no inap putim pas bilong yu insait long pepa.

Wantok i gat rait long katim o stretim ol pas bai em i bihainim olgeta lo bilong niuspepa.

WANTOK

KOMENTRI

Kros pait i pinis?

POLIS fos bilong yumi i gat bikpela wok tru insait long sindaun bilong yumi ol pipel. Dispela ol kain kain paul toktok na stori i kamap long fos i bruk namel i mekim na olgeta manmeri long kantri i sindaun wantaim belwari. I no ol polismanmeri tasol.

Nau ekting komisina i kamaut na tok klia long ol as long em i saspenim tupela sinia opisa husat i gat sans long kamap komisina tu.

Tasol maski em i tok olgeta samting i orait nau. Olgeta dispela hevi na stori i dikim rausim planti kain kain askim. Askim long sait bilong husat ol polisman i bin mekim paul pasin na traim haitim ol stilman. Askim long strong bilong wan wan long ol man husat i resis long kisim posisen bilong komisina, na tu, askim long sait bilong ol bikman insait long ol bikpela gavman opis olsem tresari.

Wanpela samting yumi ol pipel i ken luksave long en em olgeta dispela lain em ol i klia gut tru long lo bilong kantri. Sampela i ken yusim bilong strongim na banisim yumi ol pipel, na sampela long ol i ken yusim long giaman na haitim asua bilong ol yet.

Em nau bai yumi sindaun isi na lukluk tasol. Bikos lo na oda em i stap long as tru bilong gupela sindaun bilong yumi.

Belhevi bilong Australia i no mangi mangi

LONG sait bilong wansolwara bilong yumi, i gat planti askim tu i stap long wanem as tru na Australia i wok long bibihainim dispela wanpela man Solomon Ailans long sasim em.

Yumi PNG i stap long namel long dispela hevi. Yumi no mekim wanpela samting na dispela man i kam na hait long graun bilong yumi.

Tasol ol askim mipela i laikim bekim long en, em i klia. Dispela man em Vanuatu kot i bin rausim ol sas long en long asua em i mekim long 1997 yet. Olsem wanem na nau tasol Australia i laik holim em?

Dispela hevi nau i lukim Australia i suvim het na yusim ol polis opisa bilong em long hia na long Solomon Ailans tu long traim holim dispela man. Dispela pasin i kamapim wanem kain asua tru long yumi PNG? Em i mekim na nau gavman i kirap nogut olsem wanpela difens fos balus bilong PNG yet i haitim dispela man na kisim em i go long Solomon Ailans. Bai yumi mas skelim ol toktok bilong praim ministra bilong yumi, na skelim tu ol daunim toktok bilong ol Australia lida.

Bikpela as tingting i stap pinis. PNG i nogat toktok moa long dispela hevi.

Noken baim ol giaman samting

DISPELA wik tu i lukim ol bikpela bisnis insait long kantri i autim wari bilong ol long ol kain kain giaman stua samting i wok long pulap kapsait i kam long PNG.

I nogat planti toktok long en. Asua i stap long ol lain husat i mas was na skelim gut olgeta wan wan samting i kam insait long kantri.

Ating sapos yumi glasim gut, bai yumi painim wanpela opisa bilong gavman yet we ol bak bilong en i wok long solap i stap wantaim gris mani.

Skelim tingting long dispela na tingim. Baim PNG Made na holim mani bilong yumi stap insait long kantri.



U Vistract mekim na Gavman bai peim

DISPELA lain Fiji husat i wok wantaim papa bilong U Vistract i tokaut olsem ol i wetim mani bilong ol pastaim long ol i go bek long kantri bilong ol Fiji.

Ol i tok bos bilong dispela mani bisnis i haiarim ol long klostu K1 milien na tu planti pipel bilong ol long Fiji tu i wetim ol long karim peimen bilong ol i go bek. Olsem na ol i no inap go bek han nating.

Em i stret ol i gat as long stap yet long Bogenvil inap wantaim samting ol i mas kisim i mas pundaun long han bilong ol pastaim.

Olsem na taim ol dispela lain Fiji i mekim olsem, yu ting wanem long ol planti tausent manmeri bilong Papua Niugini yet we dispela U Vistract mani bisnis i no bin peim ol yet? Wanem taim bai ol i kisim pei bilong ol?

Mi save long wanpela bikman bilong ples i bin putim K3,000 bilong em long dispela



mani bisnis na nau em i wok long wet long ples i stap na putim was long ol niuspepa na radio long harim nius bilong dispela mani bisnis. Wanem taim tru bai ol i kisim pe bilong ol bai em tu i mas hariap go long taun na kisim pe bilong em.

Meri bilong mi tromoi K800 na em wet i stap long kisim pe.

Tingting bilong mi i sot long wanem kain rot tru bai papa bilong dispela kampani o bisnis bai kam bungim ol manmeri long Mosbi, Lae, Goroka na ol arapela provins. Em bai raun long olgeta dispela provins na peim ol o em bai salim ol opisa i go long wan wan provins na mekim peimen o olsem wanem?

Dispela em wanpela bikpela wari na askim planti tausent manmeri bilong PNG i wok long wetim yet long mani bilong ol.

Ol Fiji i orait nau bikos ol lain bilong ol stret i wok wantaim dispela papa bilong bisnis ya na wanem taim mani i redi, bai ol i namba wan lain long kisim peimen bilong ol na tekov go bek long kantri bilong ol na tilim long ol lain bilong ol husat i bin putim mani, Tasol yupela arapela PNG olsem wanem.

Nogut bikman ya bai stap tasol long Bogenvil na askim yupela ol arapela PNG manmeri long salim pasbuk namba bilong yupela i go long em wantaim kopi bilong risit bilong yupela bai em salim mani long Bogenvil i kam long yupela.

Planti taim papa bilong dispela mani bisnis, Noah Musingku i save tok Gavman bilong Papua Niugini i pasim rot bilong em long go aut long ovasis long kisim ol mani

bilong em long wanpela ovasis benk i kam long peim ol manmeri.

Tupela wik i go pinis em bin tokaut long nius olsem rot bilong em long toktok long telepon o waia sevis i go long dispela ovasis benk bilong em i no op bikos Gavman i blokim.

Planti tausent pipel bilong Bogenvil yet i putim planti mani bilong ol wantaim U Vistract tasol ol i wet i stap. Nau ol eks rebel i amamas long Gavman bai peim ol sampela mani long wok ol i mekim long taim bilong bikpela hevi na trabel long Bogenvil. Olsem wanem, bai U Vistract i givim ol sampela bel kol mani tu o nogat?

Mi lukim olsem Gavman i no blokim rot bilong Noah Musingku tasol Musingku i pilaim kainkain wei na Gavman bai peim. Gavman bai peim olgeta kos bilong ol rebel, politiks, wari bilong ol manmeri, alawens, trenspot, komyunikesen na ol arapela sevis moa.

Wasman bilong sipsip

Sapta 4

LONG ples Israel planti manmeri i save lukautim sipsip. Ol sipsip i gupela abus. Grass bilong ol i gupela tru bilong wokim klos na mit bilong ol i gupela samting long kaikai.

Tasol sipsip i olsem long long abus, na ol i nogat gupela tingting long lukautim ol yet. Sapos ol manmeri i no lukautim ol, ol i save bagarap. Olsem na planti taim Baibel i yusim tok piksa long ol manmeri bilong God i olsem sipsip bilong em.

Long Ezeziel 34, God i kotim ol lida bilong Israel. Em i tok, "ol Israel i olsem ol lain sipsip na yupela olsem wasman bilong ol. Tasol yupela i save lukautim yupela yet na yupela i no lukautim ol sipsip."

Ritim Ezeziel 34:1-10. Long lain 4, Ezeziel i tokaut long fopela samting ol wasman i no bin mekim.

1. Yupela i no save helpim ol sipsip i nogat strong.
2. Yupela i no save mekim orait ol sipsip i gat sik.
3. Yupela i no save pasim sua bilong ol sipsip i bin kisim bagarap
4. Yupela i no save go painim sipsip i lus na kisim bek ol.

Ritim lain 5 na 6. Ezeziel i tokaut

OL PRINSIPOL BILONG GUTPELA

wantaim Evangelist

OHARE JABERE



long 3-pela samting i bin i kamap long ol sipsip taim ol wasman i no bin lukautim ol.

1. Ol i ronawe nabaut
2. Ol wel abus i kilim ol na kaikai
3. Ol sipsip i wok long raun long ol ples maunten

God i bin givim wok long ol lida bilong Israel long lukautim ol manmeri bilong God. Tasol ol dispela lida i tingting long ol yet na ol i no lukautim ol manmeri olsem na ol i bagarap tru. God i krosim ol lida na long lain 2, em i tok, "Yupela bai i bagarap."

Wok bilong lukautim sipsip bilong God em i bikpela wok tru long ai bilong God.

Yu mas was long ol sipsip bilong mi.

Jisas i tok, "Mi yet mi gupela wasman bilong ol sipsip." Jon 10:11.

Dispela tingting i stap strong long Jisas na em i skelim dispela wok bilong lukautim ol sipsip long

ol disaipel bilong en.

Ritim Jon 21:15-19. Pita em i wanpela lida bilong ol disaipel. Em i man bilong tok hariap, na taim Jisas i no bin dai yet, em i bin tokaut strong long em bai stap wantaim Jisas oltaim oltaim. Tasol taim ol solda i kam na kalabusim Jisas, bilip bilong Pita i bin bagarap na tripela taim em i bin tok, "Mi no save long Jisas."

Jisas i kirap bek long matmat na i bungim ol disaipel. Em i laik strongim Pita na em i laik stretim dispela kranke tok Pita i bin mekim bipo. Tripela taim Jisas i askim Pita, "Pita yu laikim mi o nogat?" Na triplea taim Pita i bekim tok, "Yes bikpela, yu save mi save laikim yu." Na tripela taim Jisas i bin tokim Pita, "Yu mas lukautim gut ol sipsip bilong mi."

Pita i no lus tingting long dispela tok bilong Jisas. Taim em i kamap lapun em i raitim pas i go long ol hetman bilong ol sios na em i tokim ol.

"Yupela i mas lukautim gut ol manmeri bilong God. Ol i stap olsem sipsip long han bilong yupela." 1 Pita 5:2.

Givim kaikai long ol sipsip.

Man i lukautim sipsip i mas bringim ol i go long gupela ples bai ol inap kisim gupela kaikai na wara wande wande. Man i wok pasto i mas givim tok bilong God long ol manmeri olsem kaikai

bilong ol. Pasto i mas save gut tru long tok bilong God na skulim ol manmeri na pikinini.

Yu mas wok yet long ritim buk bilong God long ol manmeri na long autim as bilong tok long ol na long skulim ol gut long pasin God i laikim. 1 Timoti 4:13.

Wande wande pasto i mas givim taim bilong ritim baibel na tingting long dispela tok em i ritim. Pastor i mas ritim baibel bilong strongim kristen laip bilong em na bilong painim kaikai bilong givim long ol pipel. Dispela wok em i bikpela wok tru na pasto i mas givim planti taim long mekim. Tok bilong God i olsem kaikai na i save givim strong long spirit bilong yumi. Olsem na yumi ken mekim tok piksa long pasin bilong redim toktok bilong givim long ol manmeri i wankain long redim kaikai bilong givim long wanpela famili.

Yu save laikim wanem kain kaikai? Yu laikim kaikai ol i kukim nau tasol na i ha' yet, o yu laikim kaikai ol i kukim asde na i kol pinis? Taim kakau i kuk na i stap hat yet, yumi save amamas. Tasol sapos kakau i stap longpela taim na i kamap kol, bai yumi no amamas tumas. Olsem tasol pasto i mas givim taim long stadi na mekim prea.

Lul'im moa long neks wik...

WANTOK

Published Weekly, Thursday, for Word Publishing Company, Ltd.

P.O. Box 1982, Boroko, NCD

Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Pe bilong wanpela yia

52 niuspepa

Ples:

PNG

AUSTRALIA

ASIA PACIFIC na JAPAN

AMERICA na EUROPE

Air:

K220.00

US\$110.00

US\$150.00

US\$210.00

General Manager
Elizabeth Konga

Editor
Neville Choi

Published at
Section 5B, Allotment 3
Office 2, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.



TOK PISIN NEWS

from Radio Australia

radioaustralia.net.au

Harim TOK PISIN long

Radio Australia

101.9FM
Port Moresby

Tok Pisin Service

6am - 7am 6080; 7240(KHZ)

7am - 9pm 5995; 6020; 9710; 1280(KHZ)



HOLIM EM: Australia loya man na bipo Atoni Jeneral bilong Solomon Ailans, Julian Moti (namba wan man long raithan) em ol polis bilong Australia long Solomon Ailans i bin holim pasim em taim em i bin pundaun long Honiara ples balus long Tunde dispela wik. Moti i bin ronawe na hait long Solomon Ailans Hai Komisnin taim Australia gavman i bin painim em long sasim em long sampela rong em i mekim long 1997 yet. (AAP Poto/Charles Kadamana)

Moti keis i soim klia ol hevi bilong wok gavanens insait long Pasifik

AUSTRALIA i tok dispela heve long Julian Moti i soim bikpela heve long wok gavanens insait long ol kantri olsem Papua New Guinea na Solomon Islands.

Australian Foren Minista, Alexander Downer, i tok Australia bai no mo givim aid mani igo long ol Pacific kantri, taim ol kantri yet i no menesim gut sistem bilong ol.

Em i tok Australia i spendim pinis 800-milien dola long Solomon Islands bilong sevim dispela kantri long noken kamap wanpela 'failed state' na i save givim 300-milian dola aid mani long wan wan yar i go long Papua New Guinea.

Mr Downer i tok Australia i no laik westim nating ol dispela aid mani.

NZ jas i stretim tingting long wanem kain mekimsave em bai givim Qantas

WANPELA kot jas long Auckland, New Zealand, i stretim tingting yet long wanem kain penalty o mekimsave em bai givim long balus kampani Qantas.

Jas i wok long stretim tingting long dispela bihain long Qantas i bin tok, em i tru sampela long ol toktok bilong en long niuspepa long pulim tingting bilong pipel long go long Qantas balus, i bin giaman toktok na i no stret.

Dispela kot keis agensim Qantas i kamap bihain long kot i bin mekim-save long Air New Zealand, narapela balus kampani i save resis agensim Qantas long karim ol pasindia namel long New Zealand na Australia, long wanem em i bin brukim tu ol loa.

New Zealand niusman Peter Lewis i ripot olsem, ol i bin painim aut olsem, Qantas i bin wok long advertise o grisim pipel long ol tiket

prais em i bin liklik tru, tasol prais ino bin liklik.

New Zealand Commerce Commission i bin kotim Qantas long wanem em i no bin tok klia gut long ol pasindia olsem, dispela prais bilong tiket i no karamapim ol arapela sas na ol takis.

Commission i tok, sampela long ol etvatismen i no bin gat gutpela tok klia ken long dispela ..taim ol arapela i no toktok tru long ol arapela sas na takis.

Kot inap mekim Qantas i peim samting olsem 500-tausen o hap milien dola - i wankain mekimsave Air New Zealand i bin peim tu i no long taim i go pinis long wanem em i bin mekim wan kain giaman pasin.

UN givim nem bilong Saut Korea Foren Minista long kamap nupela Sekreteri Jeneral

United Nations Security Council i nominate o givim nem bilong Saut Korea Foren Minista, Ban Ki-Moon, olsem man em i Jaikim bilong kisim ples bilong Kofi Annan olsem UN Sekretri Jeneral.

Ol memba blong Kaunsel i bin singautim laik blong ol tasol taim oli vout.

Tenpela yar term bilong Mista Annan bai pinis long Disemba 31 2006.

Greenpeace i tokim Fiji Gavman long kamapim plen long pasim stil pasin bilong pulim pis

EVAIRONMEN grup Greenpeace i tokim Gavman bilong Fiji long kamapim wanpela 'national plan of action' long stopim ol pipel i painim pis nating insait long hap solowara blong kantri.

Fijilive i ripot olsem Greenpeace i askim pinis Fiji long bihainim ol nupela intanesenel

lo agensim ol 'illegal fishing', bikos ol lo ol i gat nau i no strongpela tumas long pasim ol bikhet lain.

Nilesh Goundar bilong Greenpeace Australia Pacific Oceans i tok ol pipel bilong Pacific i wok long lusim wanpela long ol bikpela ekonomik risos na gutpela kaikai long han blong ol stil lain.

Greenpeace i wok long kempein long kamapim wanpela bikpela 'global network' bilong 'marine reserves', karamapim 40 pesen blong olgeta solowara raun long wol.



PUTIM WAS: Wanpela soldia bilong Not Korea i sanap lukluk antap long patrol tawa bilong em long Not Korea sait bilong boda wantaim Saina. Saina yet i tok em bai no inap pait wantaim Not Korea, maski ol i bin pairapim wanpela nuklia bom. (AP Pote)

Australia na New Zealand i no amamas long nuklia tes bilong North Korea

AUSTRALIA na New Zealand i bin go het tede long soim North Korea olsem; tupela i no hamamas tru long nuklia test em i bin wokim.

Foran Minista bilong Australia, Alexander Downer i bin bungim North Korea embeseda long Canberra bilong tokim em olsem, Australia i no hamamas olgeta long tes bilong en.

Mista Downer i bin tokim em tu olsem gavman bai mekim samting bilong taitim visa tok orait blong ol pipel bilong North Korea husat i laik kam raun long Australia.

Na New Zealand Praim Minista Helen Clark i askim United Nations long yusim ful pawa blong en na mekimsave long North Korea.

UN Security Council miting bai kamap tede blong toktok long hau oli mas bekim pasin blong North Korea long bikhet na go het long testim nuklia bom blong en, na Ms Clark i tok New Zealand bai sapotim wanem kain tambu UN i oraitim blong mekim-save long North Korea.

Ms Clark i tok China i wanpela kantri tasol em i ken mekim samting blong mekim North Korea i harim tok long wanem em i wanpela long liklik lain kantri em North Korea i save harim tok blong en.

PNG: Oposisin lida i sutim tok long Gavman long ol heve insait long Po

OPOSISEN lida bilong Papua New Guinea, Peter O'Neill i tok PNG Gavman i mas kisim sampela 'blame' long ol heve i wok long kamap insait long polis fos.

Em i bin tokim National niuspepa olsem, dispela ol heve i kamap bikos gavman i bin slek long makim wanpela permanent polis komisina.

Mr O'Neill i tok long dispela taim, ol ofisa long wankain 'rank' i lukim dispela sans long resis long holim wok blong polis komisina.

Oposisen lida i tok dispela heve na koros fait long fos ino luk gut long wanem em i kamap klostu long taim blong general eleksin long yar bihain.

Tahiti na New Caledonia bai olsem asosiet bilong Forum

PASIFIK Islands Forum Official Committee (FOC) i tok orait pinis long French Polynesia na New Caledonia kamap associate memba blong Pacific Islands Forum.

Dispela tingting i givim New Caledonia na French Polynesia rait long stap insait long ol toktok long forum.

Long dispela taim ol i larim ol tasol olsem 'observers'

New Caledonia na French Polynesia i bin tok orait long dispela ofa, wantaim sapot ikam long gavman blong France.

Wallis na Futuna, namba tri territory blong French long Pacific, i askim pinis tu long kamap olsem observer status.

16 Pacific Island kantri olgeta i bung wantaim blong kamapim dispela Pacific Islands Forum.

Pacific Islands Forum bai noken kamap long Niue

NIUE bai rausim wanpela application blong hostim Pacific Islands Forum long yar bihain.

Niue i bin traim blong kisim halivim pas-taim blong holim Forum, bihain long em i bin lusim raits long 2004, taim Cyclone Heta i bin bagarapim ol samting long island, wantaim tu ol haus blong silip.

Dispela yar oli bin makim Tonga blong holim dispela summit, tasol dai blong King Taufa'ahau Tupou IV(4th) i bin mekim na oli bin surukim dispela miting igo long Nadi long Fiji.

Fiji Nationalist pati bai protes sapotim Papua.

LIDA blong Fiji nationalist pati ibin tok long holim wanpela demonstration long taim blong Pacific islands forum, na tokaut long sapot blong em igo long independent blong Papua Provins blong Indonesia.

Iliso Duvuloco ibin tok Vanua Tako Lavo pati blong em ibin laik long mekim ken dispela wankain protes oli bin holim long taim blong Melanesian Arts Festival long Suva long wiken.

Pacific BEAT

Listen to Radio Australia
101.9FM Port Moresby

4, 5, 6am & 4pm, 5pm
including sport

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.



Pablik Sekta Impruvmen Progrem



Singaut bilong was gut long ol nesenel rekot

PABLIK sekta rifom woksop long Vanimo, Wes Sepik (Sandaun) provins i bin lukim Minista bilong Haus Andrew Kumbakor i tok welkam long ol kaunsel presiden na ol sinia etvaisa bilong ol.

Mista Kumbakor i bin stap long opim woksop we olgeta 17 kaunsel presiden na ol etvaisa bilong ol na 4-pela distrik etministreta i bin sindaun long en.

Minista i tokim ol lain i sindaun long dispela woksop olsem long mekim kamap gutpela wok rifom, gavman we i wokbung wantaim pablik sevis i mas luksave long tripela bikpela eria. Em inap na strongpela wokmanmeri, liklik mari risos, na strongpela etministresen.

Em i tok insait long ministri bilong haus, we em i bin kisim luksave long bosim i nogat ol rekot bilong planti ol Nesenel Hausing Koporesen haus i stap insait long PNG.

Em i tok em i no bilip olsem wanpela pablik sevis opis olsem NHC i mekim wok taim i nogat rekot o stori bilong olgeta haus bilong em insait long PNG. Long dispela as na ol i no inap o i painim hat tru long karimaut wok bilong ol long

kisim rent o karimaut wok stretim long ol gavman haus.

"Dispela em i bagarap olgeta we i no save kamap bipo," Mista Kumbakor i tok.

Woksop long Vanimo long pinis bilong mun Ogas em i namba 4 long kamap insait long kantri dispela yia. dispela nesenel gavman projek i bin kirap long Goroka long stat bilong dispela yia na bihain em i bin kamap long Alotau na Kavieng.

Bipo long en i bin i gat 4-pela rijinel woksop long 2004.

Minista Kumbakor i tok olsem ol provinsel gavman i mas givim ripot long nesenel gavman. Em i tok i no gutpela we sampela hevi long lo na oda i kamap long laik bilong ol lida.

"Ol pablik sevan i mas givim tingting bihainim lo na gutpela stia long ol polisi na wanem kain kaikai ol i ken karim. PNG i mas sindaun gut long muv i go het, maski long tingting bilong sampela lain bilong ausait husat i save bagarapim mipela insait long ol tok tok bilong ol," em i tok.

Long opim bilong woksop, Bill Kua, Dairekta bilong Pablik Sekta Rifom Menesmen yunit, Dipatmen bilong Praim Minista na NEC i tok

welkam long ol lain i sindaun long woksop na strongim tingting bilong ol long sapatim sampela senis i wok long kamap nau insait long gavman na sivil sosaiti wantaim bikos ol dispela bai ken karim kaikai insait long kantri na tu insait long ol lokol gavman insait long PNG.

Dispela em i namba wan kain progrem olsem bilong givim skul na awenes o luksave bilong ol kaunsel presiden husat em ol hetmanmeri bilong 284 lokol level gavman insait long PNG.

I gat ol plen i stap pinis bilong strongim 17 lokol level gavman insait long Wes Sepik we i gat 328 wod.

Insait long koporet plen bilong Wes Sepik, provinsel gavman i makim wok gavanens na strongim mak bilong ogenesesen insait long provins, ol distrik na ol lokol level gavman wod. Provinsel gavman i wok long wok long stretim ol plen na ol bikpela wok bilong en wantaim makim bilong ol risoses long karim ol sevis i go long ol bus komyuniti.

Wanem ol bikpela tingting bilong ol Wes Sepik lida taim ol i sindaun long woksop? Bai ol inap mekim wanem kain gutpela wok long save na gutpela tingting



Minista Kumbakor (raithan) i bung wantaim ol memba bilong pablik sekta rifom yunit bipo long opim bilong Vanimo woksop long pinis bilong mun Ogas.

ol i kisim long woksop?

Paul Songo, namba wan save-man na woksop kodineta i bilip ol lida bilong Wes Sepik bai strong moa long mekim wok bilong ol, maski ol i wok olsem ol lida o olsem ol sinia etvaisa na menesa, maski ol i wok long taun o insait long ples.

Mista Songo i tok ol samting ol i laik kisim, mak bilong mekim wok na wok i stap wan kain tasol bilong olgeta pablik opis wokmanmeri, bikpela o liklik, i gat strong o i no strong.

bilong bekim we ol risoses i wok long go long ol ples we i nogat gutpela kaikai bilong en na hanmak bilong pasin korapsen i stap long olgeta hap. Mi bilip yu ken helpim long sevim dispela nesen long bihainim rot i go daun we planti long ol arapela i wokabaut long en pinis na ol i no wanbel long sindaun bilong kantri."

Em i tokim ol woksop lain olsem gavman i wok long go het wantaim wok rifom o senis insait long pablik sekta. Ol dispela wok em: long daunim pablik ekspenditsa i go daun long gutpela mak; rausim ol bikpela banis bilong wok menesmen; givim luksave long wok akauntabiliti na daunim pasin korapsen; glasim bek straksa bilong pablik sevis na daunim bikpela kos bilong ol pablik sevens; na helpim long groim strong na givim moa sevis veliu long ol pablik sevis provaida.

Bosman bilong PSRMU i lusim wanpela bikpela toksave: Pablik Sekta rifom wok bai go yet na i no wok we em bai pinis. Nogat. Em i mas kisim helpim long husat wan wan manmeri i gat tingting long gutpela sindaun long bihainim taim bilong Papua Niugini, ol pikinini bilong yumi na ol tumbuna bilong yumi.

Nero i tok stret

TOK STRET! I nogat samting i hait long dispela toktok bikos em i stret. Kamap long olgeta kibung. Sapos nogat, bai yu kisim mekimsave.

Dispela em i toktok i kam long Ombudsman John Nero husat i bin givim wanpela pepa long plenari sesen long Fraide, Ogas 25, long Vanimo we 17 kaunsel presiden na ol etvaisa bilong ol i bin sindaun long en.


Mista Nero i tokim ol olsem ol lain i sindaun holim pablik opis olgeta kain kain lida i mas mekim wok bihainim lo, na i nogat abrus long dispela wok.

"Ekskuis o givim as long dispela kain wok i no stap insait long toktok o tok ples bilong lidasip insait long PNG. Taim i kam long wok etministresen na menesmen bilong dispela sistem bilong gavman insait long ol komyuniti bilong yumi," em i tok.

Ombudsman Komisnin i save wok bihainim olgeta paitim toktok bilong em bihain long namba wan askim i bin go aut long ol long stap insait long CBISP woksop we i bin kamap long mun Me dispela yia long Goroka. I gat 10-pela poin we i karamapim olgeta samting. Ombudsman Komisnin i mas givim long ol namba wan bikpela kastoma bilong ol - em ol lida long PNG.

Tasol long Vanimo, tok ples na toktok em i no wanpela samting - mekim wok bihainim Organic Law on Provincial and Local Level Governments tasol. Sindaun long olgeta miting bilong ol wan wan join plening na baset prairitis komiti (JDPBPC & DPPBPC).

Dispela em ol miting bilong ol provinsel na distrik join komiti bilong mekim wok plening, baset na supavaisim



Ombudsman John Nero i tok tok strong long wok bung wantaim PSRMU long Kavieng.

wok karimaut bilong ol projek na sekim wok bilong ol tu.

Ombudsman Nero i tok olsem wok bilong mekim ol dispela miting i mas i gat ol pas o rot bilong toktok wantaim ol membasip bilong ol dispela komiti we i makim taim bilong miting long kamap, wanem ol bikpela samting bai kamap long miting, na ples we miting bai kamap.

Ol minit bilong ol dispela miting i mas stap na i mas go aut. Ol bipo disisen i mas gat wok rivi long en o i mas kamap klia olsem hap bilong agenda bilong ol miting i kamap bihain.

Ol dispela rekod em ol bikpela samting tru bikos ol dispela paitim toktok na ol disisen ol memba bilong komiti mekim. Ol komiti disisen i stap long as bilong givim-mani na ol arapela wok developmen we i ken senisim laip na sindaun bilong ol pipel, Mista Nero i tokim ol lain i sindaun long woksop.

"Ombudsman Komisnin i save bihainim stret olgeta bikpela as tingting bilong em insait long olgeta paitim toktok em i mekim".

Kua laikim ol kaunsel presiden long strongim wok rifom


WANPELA bikpela tim bilong ol pablik sekta rifom wokmanmeri i bin raun i go insait long Wes Sepik taun bilong Vanimo long pinis bilong mun Ogas. Ol i no go raun malolo. Ol i raun i go long mekim wok - bikpela wok - long autim tok bilong rifom.

Dispela delegesen em ol progrem menesa, ol fasiliteta long ol bikpela lain ejensi na Ombudsman Komisnin. Dispela bung bilong ol i bin lukim olgeta saveman insait long Papua Niugini.

PSRMU i no ol lain bilong painim ol glaman toktok nabaut. Bill Kua i toktok stret taim em i tok welkam long Minista i bosim Hausing na eben Developmen, Andrew Kumbakor long go pas long opim Vanimo CBISP woksop (Ogas 21-25).

Insait long bikpela toktok em i mekim, Mista Kua i tokim 17 Wes Sepik lokol gavman kaunsel presiden na ol etvaisa bilong ol olsem PNG i mas kisim moa long ol sevis pablik sevis i save givim.

Em i tok hap bilong ol hevi na salens em ol lida long olgeta lida i mas kirapim skin bilong ol na stretim ol hevi bilong gutpela wok gavanens,



Mista Kua... Singaut long gutpela gavanens, akuantabiliti na trenspereansi.

akauntabiliti na transparensi.

Mista Kua i tok stat yet long independens, PNG i bin karim hevi long menesmen we i no gutpela, lidasip we i no strong na skelim bilong ol risos i no bin stret long sait bilong mani na ol wokmanmeri wantaim.

I gat planti senis long ol hetman bilong ol dipatmen na ol provinsel etministreta bihainim ol kain kain tingting bilong ol lida, em i tok.

Mista Kua yet em bipo em i bin wanpela hetman bilong dipatmen, na em i tok: "Pablik sevis i no moa mekim wok

Strongim save bilong wok na strongim ol gavman opis



Pablik Sekta Impruvmen Progrem



Corretta Naig...wampela meri tasol insait long Wes Sepik asembli.

Corretta Naig solim ol hevi bilong ol meri

GRACE NINDA i raitim Wes Sepik Etnistresen

CORRETTA Lema Naig, MPA em i wampela mauseri bilong ol meri insait long Wes Sepik provinsel asembli. Asembli i gat 27 memba olgeta.

Makim bilong em i bin kamap bihain long gavana yet i fnakim em olsem mauseri bilong ol meri insait long provinsel na lokol gavman kaunsil na wok developmen komiti.

Corretta, em wampela bipo het tisa bilong Vanimo provinsel hai skul, i bin karim dispela salens long makim olmeri taim ol i bin votim em olsem presiden bilong Wes Sepik provinsel kaunsil bilong ol meri long 2002. Bikpela wari bilong em i bin stap long bikpela opis bilong ol meri i no bin i gat inap strong.

Bikpela wok bilong en em long senisim dispela opis na wokim klia wok plen bilong go pas na makim samting olsem 90,000 bilong ol manmeri long Wes Sepik.

Maski em i wampela meri tasol insait long asembli we i gat olgeta man tasol, Corretta i tok save em i kisim long 20 krismas wok tisa, ol salens insait long provinsel asembli em i nupela samting olgeta. "Em i narakain wok olgeta. Na wampela we i mekim mi lukluk moa long kisim helpim long save bilong mi olsem tisa," em i tok.

Corretta i tok em yet i bin strong long lainim save gavman straksa, straksa bilong etnistresen, na wok bilong em long ol kain kain buk. "Na tu, mi luksave olsem dispela opis mi lukautim i no wok stret na mi bin strongim tingting long kirapim bek ol netwok bilong en."

Olsem na em i go het long kirapim bek netwok bilong en. Pastaim em i paitim toktok wantaim ol eksekutiv bilong en long painim rot bilong stretim ol hevi bihainim wampela 5-yia plen. Tupela long ol i stat yet long 2000 we ol i lukluk moa long strongim ol meri lida.

Wampela Wes Sepik Kapesiti Biling Progrem we i karamapim tu wok bilong givim ol grup na mani ripot na rot bilong bungim olgeta storj na toksave. I kam inap nau ol i stretim pinis meri netwok we i gat ol strongpela meri lida

i go pas long en.

Corretta i tok olsem kaunsil bilong ol meri i lukluk tu long HIV/AIDS awenes, famili na seksuel vailens awenes, famili laip, ol spiritual progrem, na ol agrikalisa progrem we i stap insait long ol meri progrem.

Patnasip em mipela ol meri i lukim olsem bikpela samting, olsem na mipela i toksave long olgeta stekholda na traim long wok bung wantaim olgeta level bilong gavman.

I nogat planti risos i stap long mekim wok, olsem na planti long ol meri grup i lainim rot bilong kisim ol wok progrem bilong ol na ol self rilaiens progrem long helpim ol long karim aut ol progrem bilong ol long olgeta level bilong gavman, ol sios grup na ol ples grup.

Luksave bilong em na save bilong em long wok insait long dispela eria em long mekim moa mani insait long provins.

"Em i wampela banis na wampela salens bilong mipela long kamapim ol rot bilong apim mak bilong winmani bilong provins long helpim mipela kari-maut ol progrem bilong mipela. Na tu save na strong bilong ol lida bilong luksave long wok bilong ol long mekim ol dispela samting em i narapela salens gen.

"Dispela woksop long strongim lokol level gavman i wok long stretim luksave na long karim dispela save na yusim nau i stap long han bilong wan wan lida. Sapos i gat gutpela bekim long dispela skul, ating bai dispela skul mipela i kisim bai karim gutpela kaikai."

Corretta i bilip strong olsem wok lida em i bikpela wok tru tasol sapos yu gat inap save na ol samting bilong mekim wok, lida i ken mekim gut wok.

"Tasol ol i mas senisim pasin bilong ol pastaim na traim long kamap profesinol insait long olgeta wok bilong ol bai ol i ken mekim wok i kamap na i ken gat klia luksave long ol driman bilong ol."

Dispela greduet bilong Yunivesiti ov Goroka (UOG) em bilong boda viles Wutung na em i bilip olsem long wok i kamap, i mas i gat awenes namel long komyniti long tok klia husat bai go pas long wok na i mas i gat wok sekim long wan wan ol wok i kamap."

Moses i go pas long ol pipel bilong em long wol bilong tude


M O S E S Nimbkaiy Nasam i no wampela kaunsela o wod memba nating husat i save suvim het nating long ol kibung. Tasol dispela taim em i mekim olsem long Vanimo taim CBISP woksop i go het. Ol i no askim em tasol em i kamap bihainim gutpela as tingting bilong em yet.

Em i no wampela presiden bilong wampela lokol gavman kaunsil, na em i no holim bikpela wok long ples Nuku.

Tasol em i bin holim sampela bikpela wok insait long gavman long taim bilong ol provinsel gavman bipo long 1995.

Insait long Wes Sepik provinsel gavman em i bin minista bilong fainens na plening. Em i sore olsem em i no moa mekim wok insait long politikel na etnistresen bilong Wes Sepik.

Tasol em i wok long mekim liklik hap wok yet insait long Yanungen wod 6 we em i wampela long 27 wod insait long Palai



Moses Nimbkaiy Nasam ... soim rot

lokol level gavman kaunsel long Nuku distrik.

Moses i kalap long PMV na makim stret Wewak taim em i bin go sindaun long wampela woksop long strongim wok lida insait long ol komyniti bilong olgeta presiden, ol etvaisa bilong ol na ol etministreta insait long Wes Sepik provins. Long Wewak, em i makim stret Vanimo.

Taim em i sindaun long dispela woksop, Moses i givim planti tingting na askim planti kwesten. Em i winim gen ol arapela i sin-

daun long woksop wantaim em.

Moses em i mak bilong mekim wok insait long wok bilong em we em i bin go pas long ol pipel bilong em long mekim ples bilong balus bilong pundaun. Em i amamas tru long dispela wok em i kamapim bikos nau i gat ol balus i wok long kirap na pundaun long en na karim planti bikpela sevis i kam. Long namba wan hap long mekim dispela ples bilong balus long pundaun, em i givim oda long daunim ol kokonas diwai bai wok i go het. Maski em i mas painim mani long baim ol kokonas diwai ol i daunim long mekim dispela estrip o rot bilong balus.

Wod bilong Yanungen insait long Palai lokol gavman kaunsil em i wampela lokol gavman kaunsil tasol insait long PNG we i gat developmen plen. Ol i gat wampela wod developmen kkomiti. Wod developmen komiti i gat wod plen tu. Wampela kandre man bilong Moses i wok i stap long

Waigani. Em i helpim Moses long mekim wok risets na bungim olgeta toksave na rot bilong kamapim ol komyniti konsaltesen miting o kibung bilong paitim toktok na woksop bai ol i ken mekim wampela wod plen.

Dispela wok i kamap pinis na Moses yet i bin go pas long kamapim wod plen projek, we em i bihainim stret Ogenik Lo long Provinsel na Lokol Level Gavman.

Nau dispela CBISP woksop i pinis gut, ol i senisim ol presen na ol telepon namba na atres i senis i go kam.

Moses i bin mekim wampela samting long Ogas 25, we em i givim wampela tupela pes pas i go long Paul Songo, kodineta bilong woksop. Insait long dispela pas, Moses i givim liklik tingting bilong em long ol rot we ol i ken kamapim bilong kisim bekim long ol as tingting bilong CBISP.

Dispela ol tingting i stap insait long ... Tingting bilong ol... insait long dispela 4-pes spesol.

Laiplain bilong provinsel helt sistem

E M i bin stat wok olsem wampela sief fainens opisa na i go inap em i kamap Sief Eksekutiv Opisa bilong wampela jeneral haus sik. Dispela em i no nupela samting long Paul Dopsie husat i bin kirapim wok laip bilong em long Vanimo.

Vanimo Jeneral Haus sik bod long 2005 i bin givim em posisen bilong ekting sief eksekutiv opisa bilong haus sik.

Taim em i kisim namba wan makim bilong em olsem wampela fainens opisa, Paul i lusim Papua Niugini Banking Corporation taim benk i bin senis na go aninit long nem bilong Bank South Pacific.

Paul i harim toksave long dispela CBISP woksop bilong ol kaunsil presiden insait long Wes Sepik.

Wampela askim bilong em tasol em long sapot i mas go long olgeta lokol gavman kaunsel eria, maski wanem kain hevi i stap. Paul i bin wari tru olsem planti long ol dispela ples i pas bikos i nogat inap wok lukautim na helpim. Planti praimer helt ke senta i nogat gutpela wok lukautim na i nogat wokmanmeri bikos i nogat inap mani long baim ol.

Paul i gat sampela gutpela



Paul Dopsie...laikim moa sapot i kam long ol lida.

stori bilong autim long ol lain-i go raun lukim em.

Wankain olsem ol wanwok bilong em long Kimbe Haus sik, Paul i wok lukluk tasol long wampela brukim graun seremoni bilong wampela K2.3 milien projek we bai i lukim sanapim bilong wampela opereting tieta o rum bilong katim man na wampela bikpela wod bilong ol pikinini. Bai gat bikpela hap rum i stap bilong holim ol masin bilong wok haus sik na inap rum i stap bilong wampela HIV/AIDS klinik bilong provins we i mas i stap bikos i gat moa manmeri i go kam long provins.

Nau yet haus sik i gat 51 nes, tripela dokta na 12 wokmanmeri long etnistresen. Nau ol i lukluk moa long opim ol wod

na sanapim HIV/AIDS klinik. Tasol Bod bilong haus sik i aplai pinis long Minista bilong Helt bilong apgetim haus sik long level namba 4 i go long level 3.

Long sait bilong strong bilong haus sik long kisim, lukautim na tilim bilong ol marasin, CEO i bilip olsem em i orait, tasol wan wan taim i save gat ol imejensi taim ol i save bungim hevi long marasin. Taim kain samting olsem i kamap, bod i save ske- lim bihainim wan wan hevi na tok oraitim balus bilong karim ol marasin i kam long Wewak o Maun Hagen.

Aninit long helpim i go long ol bus ples, Vanimo Jeneral Haus Sik i gat wampela redio sevis i save kamap olgeta wik namel long 11 kilok na 12 kilok olgeta Trinde. Dispela progrem em taim bilong ol medikal spesolis long paitim toktok long helt wantaim ol wanwok bilong ol i wok insait long ol bus ples (long ol helt senta). Ausait long dispela komyniti helt redio toksave we i save ron inap wan aua, i gat ol imejensi raun we ol helt wokmanmeri long ol aut-stesis i ken kisim gutpela stia tok i kam long ol residen dokta husat i save wok long ol haus sik.

Strongim save bilong wok na strongim ol gavman opis



Polis meri holim konprens

Noreen Dada i raitim

OL polis opisa mas bihainim Mama Lo bilong kantri taim ol i was lukautim laip bilong ol pipel na ol samting insait komyuniti.

Dispela em wanpela bikpela tok namba tu Komisina bilong Polis na petron bilong Polis Wimens konprens, Tony Wagambie i mekim dispela wik.

Dispela yia i makim namba eit taim ol polis meri i holim dispela konprens bilong ol we i lukim klostu olgeta provinsel senta i bringim kam ol maus meri bilong ol i kam long Pot Mosbi.

Mista Wagambie i go het long tokim ol polis meri olsem wok bilong ol i wok we i gat bikpela sans long kisim bagarap na ol toktok we i kamap long lukautim ol polis meri em bai givim long menesmen long glasim na givim tok orait long en.

Bikpela toktok we ol lain husat bai toktok long dispela konprens bai lukluk moa long HIV na AIDS, helt na sefti bilong ol polis man meri na rait bilong ol insait long fos.

"Dispela konprens i hap rot bilong ol polis meri long autim ol tingting bilong ol long ol samting we i givim hevi long polis fos na tu long ol samting we i givim hevi long ol pikinini na meri bilong PNG.

Ol tingting we i kirap long dispela konprens em, mi yet bai kisim dispela ol tingting na putim long han bilong menesmen bilong ol long lukluk na traim long yusim insait ol polisi bilong polis fos.

Mi amamas olsem yupela i kisim dispela taim long lukluk long dispela bikpela samting long promotim helt na sefti insait long fos," Mista Wagambie i tok.

Mista Wagambie i go het long tokim ol polis meri olsem polis wok long dispela taim i narakain long polis wok

long taim bipo na ol i mas save long senis na kisim nupela tingting long bungim ol hevi long dispela taim.

Mista Wagambie i kisim dispela taim tu long toksave long ol meri olsem ol senis long ol makim bilong ol het bilong polis fos em samting we i stret wantaim gavman na ol polis meri wantaim ol polis man mas wanbel na bihainim tok bilong ol nupela makim we i kamap.

Olgeta provins i gat tripela memba husat i kam long dispela konprens we bikpela toktok bilong namba eit Polis Meri konprens em Promotim Helt na Sefti insait Royal Papua Niugini Konstabuleri (RPNGC).

Long ol husat i kam long ol provins ausait long Nesenel Kepital Distrik, em ol polis meri wantaim famili bilong ol na wantaim sapot bilong ol spona i kam long dispela konprens dispela yia.

Wanpela patisipen Konstabol Aru Asime bilong Tabubil Polis Stesen i tok dispela konprens bai helpim ol long save gut long wok bilong ol na tu long strongim ol meri insait long fos.

"Tripela bilong mipela long Tabubil Polis Stesen i kam wantaim wanpela non gavman ogenaisesen maus meri long dispela konprens.

Ok Tedi Maining Limitet i bikpela spona husat i helpim mipela long kam long dispela konprens na tu ol arapela bisnis insait long taun i givim helpim bilong ol na mi laik tok tenkyu long ol.

Long mipela long Tabubil mipela i no bin gat dispela sans long kam long ol konprens long bipo bikos long i no inap fan tasol dispela yia em gutpela yia bikos long helpim bilong Ok Tedi.

Ol samting we yumi bai lainim insait long dispela konprens olsem aweanes long HIV, em mipela bai go bek long Tabubil long karim aut

insait komyuniti sevis wok bilong mipela," Mis Asibe i tokim Wantok Niuspepa.

Narapela patisipen Maria Jose i tok ol toktok we i kirap long namba wan de i opim ai bilong em stret.

"Mi no bin save olsem i gat lo i stap long lukautim rait bilong mi olsem memba bilong polis fos long gat gutpela ples long wok na gutpela samting long go wantaim wok bilong mi long givim was lukaut.

Narapela samting em rait bilong mipela long kisim kompensesen long bagarap mipela i ken kisim long raskol o long taim mipela i wok insait long opis.

Mi laik ting mipela ol meri i ken kirapim ol gutpela tingting we bai helpim tru ol meri insait long fos," Misis Jose i tok.

Namba eit Polis meri konprens i stat long Mande dispela wik na bai pinis tumora.

Lo bilong Lukautim ol Meri



Adaltri na Entaismen

ORAIT, sapos yu laik yusim dispela lo, wanem kot bai yu go long en?

Yu ken go long Viles Kot o long Distrik Kot. Ol mejistret long Distrik Kot bai save gut moa long wanem wei long harim kot bilong yu na tu save gut long ol lo we i go wantaim hevi bilong yu.

Tasol sapos yu laik go long Distrik Kot, yu mas baim pastaim kot fi we i no antap tumas. Viles Kot em fri.

Viles Kot i gat pawa long harim kot bilong adaltri, tasol ol i no save bihainim dispela lo. Ol i save bihainim kastam lo, na olgeta provins i nogat wan kain kastam.

Yu gat rait long go long wanem kot yu laikim. Yu ken go long Viles Kot long yusim kastam lo o go long Distrik Kot na yusim gavman lo bilong Adaltri na Entaismen.

Moa long neks wik...

Sotpela Tok Lukaut Skruim tok long Sik Kensa

BAI i gat sampela liklik samting we bai kamap bihain yu pinisim redio terepi tritmen bilong yu.

Sampela bilong dispela ol samting we yu bai pilim long eria bilong skin bilong yu we dokta i karim aut redio terepi em skin bilong yu bai ret na tu bai yu pilim sot win na les.

Dispela ol liklik hevi bai pinis taim yu pinisim ron bilong olgeta redio terepi tritmen bilong yu.

Sapos yu kisim ol arapela oparesen olsem lampektomi (lumpectomy) o segmentekomi (segmentectomy), redio terepi bai mekim susu bilong yu strong liklik.

Bai i gat ol liklik ret mak long skin long susu bilong yu we dispela retpela mak em i rop bilong blut we i bruk insait long bodi bilong yu. Dispela i no samting long wari long en.

Taim tritmen i pinis, ol mak bai pinis tu.

Moa long neks wik...

Raun lukim ol meri na pikinini



NAIS WAN: Dispela ol foapela meri i no pret long soim ol pikinini na man long pasin long bilas gut olgeta taim.



SOIM SAPOT: Ol dispela tripela soldia meri bilong Papua Niugini Defens Fos i stap raun long lukim konprens bilong ol polis meri insait Mosbi.

Ol foto: VERONICA HATUTASI



MIPELA INAP: Ol polis meri i soim ol pipel long mas taim ol i opim konprens bilong ol polis meri dispela wik.



NAISPELA KALA: Kain bilas bilong ol Asuramba long Madang Provins i kam aut gut tru taim ol meri i danis.

Meri mekim mani long olupela pepa

Aloysius Laukai i raitim

WANPELA meri long Bogenvil i bin tanim ol olupela pepa i go long ol nupela welkam kad.

Angela Monori long Kieta distrik insait Sentrel Bogenvil i lainim dispela wok long wanpela gutpela pren bilong en husat i kam long Nu Silan.


Misis Monori i statim dispela wok long yia 1994 na i wok long go het long mekim dispela wok we em i save mekim ol welkam kad na ol bilas long haus yusim ol pepa em i mekim gut gen.

Misis Monori i tokim Wantok Niuspepa insait Arawa long wik i go pinis olsem planti bilong ol lain husat i save baim prodak bilong em i ol turis na ol arapela ovasis lain husat i mekim ron insait long taun.

Misis Monori husat i save wok long Arawa Wimens Trening Senta i tok em save mekim wok long tanim olupela pepa i go long nupela pepa taim em i pinis long wok.

Em i tok em i save salim kad bilong en long K5 long ol lokol pipel husat i laikim prodak bilong em o long ol turis husat i save baim wan wan kad long ol K13.

Misis Monori i tok ol meri bilong PNG i ken mekim planti kain kain samting long kisim mani moa yet long salim buai na ol kain samting olsem.




YUMIFM Redio Program

Program bilong Wanwan De - Mande - Fraide

6am - 10am - Sankamap show - Host: Kas.T
6:15am - Komuniti Notis Bod
6:30am - Nius Hetlain / Bondei greetings
STOP & SHOP GES FAIA KOMPETISEN
6:45am - Niuspepa Hetlain
7:00am - Major Nius Bulletin - YUMIFM Nius Senta
7:15am - Powerhaus Hit prediksen
7:30am - STOP & SHOP GES FAIA KOMPETISEN
8:00am - Major Nius Bulletin - YUMIFM Nius Senta
8:15am - YUMIFM Bisnis / Market Ripot
8:30am - STOP & SHOP GES FAIA KOMPETISEN
9:00am - Nius Bulletin - YUMIFM Nius Senta
9:15am - Luksave long Komuniti (Redio Pilai)
9:30am - STOP & SHOP GES FAIA KOMPETISEN
9:45am - YUMI PAINIM WOK Segment
10:00am - Nius - YUMIFM Nius Senta
10am - 2pm - Monin Trek na Belo Pack -
10:10am - Lukatim yu yet - Helt toktok - RH Hyper Mart
10:15am - Powerhaus Hit Prediksen
10:45am - YUMI PAINIM WOK Segment
11:00am - Nius - YUMIFM Nius Senta
11:10am - Cont'd - Lukauti yu yet - Helt toktok
11:30am - Nius Hetlain b'long Belo Taim
12:00pm - Major Nius Bulletin - YUMIFM Nius Senta
12:10pm - ESI COOK RICE Belo taim Dedikesen
12:15pm - Komuniti Notis Bod
12:20pm - cont'd ESI COOK Belo taim dedikesen
1:00pm - Nius - YUMIFM Nius Senta
1:10pm - cont'd ESI COOK RICE Belo taim dedikesen
1:15pm - Powerhaus Hit Prediksen
2:00pm - Major Nius Bulletin - YUMIFM Nius Senta
2pm - 6pm - Avinun Draiv Taim - Host: UNCLE ET
2:00pm - 4:00pm (Tunde / Fondei) TOKAUT TOKSTRET
2:45pm - YUMI PAINIM WOK Segment
3:00pm - Nius - YUMIFM Nius Senta
3:10pm - Avinun cruz
4:00pm - NIUS - YUMIFM Senta
4:10pm - SAUT B'long UNCLE ET - foapela singsing
4:30pm - Nius Hetlain
4:45pm - YUMI PANIM WOK Segment
5:00pm - Nius - YUMIFM Nius Senta
5:10pm - 6:00pm - FLAME KULCHA (1 hr)
6:00pm - MAJOR NIUS BULLETIN - YUMIFM NIUS Senta
6pm - 00am - NAIT BEAT - Host: ANGRA KENNEDY
6:10pm - 7:00pm Mon kamap sho
6:15pm - Powerhaus Hit Prediksen
6:45pm - Komuniti Notis Bod (Toksave wantaim Vaviessie)
7:00pm - 9:00pm - COCA COLA GARAMUT
9:00pm - 00am - Nait Beat - Isi Cruz long nait
00am - 6am - BRUKIM TULAIT SHOW
00:00 - Early Monin Taim Cruz (ol lain brukim tulait So)



Ol wiken entatenmen poto



Painim Miss Diamond Club

Resis bilong ol yangpela meri nau i go het long wanpela nupela klab long Mosbi, Diamond Club, nau i go klostu long daunim namba bilong ol meri. Dispela resis i narakain liklik bikos em i strongim het tok bilong en "Be AIDS Free" o stap fri long AIDS. Las wik Trinde ol Meri i bin soim stail bilong ol gen.

Ol poto: Nicky Bernard



RADIO AUSTRALIA TOK PISIN PROGRAM HARIM LONG: 101.9 FM

Radio Australia Tok Pisin Program - MANDE
Moring - Nait
6AM Stesen Op - Nius Hetlain - Musik na ol intaviu
6:30AM Nius na Karent Afes
7AM Stesen Pas
7PM Stesen Op
7:01PM Ol Hetlain na Program Priviu
7:15PM Musik na Chit-Chat
7:30PM Nius na Karent Afes
8PM Helt
8:15PM Musik
8:30PM NIUS
8:40PM Spots Riplei
8:55PM Musik
9PM Stesen Pas
TUNDE
Moring - Nait
6AM Stesen Op - Nius Hetlain - Musik na ol intaviu
6:30AM Nius na Karent Afes
7AM Stesen Pas
7PM Stesen Op
7:01PM Ol Hetlain na Program Priviu
7:15PM Musik na Chit-Chat
7:30PM Nius na Karent Afes
8PM Mama Graun
8:15PM Musik/Spots
8:30PM NIUS
8:40PM Helt Riplei
8:55PM Musik
9PM Stesen Pas
TRINDE
Moring - Nait
6AM Stesen Op - Nius Hetlain - Musik na ol intaviu
6:30AM Nius na Karent Afes
7AM Stesen Pas
7PM Stesen Op
7:01PM Ol Hetlain na Program Priviu
7:15PM Musik na Chit-Chat
7:30PM Nius na Karent Afes
8PM Focus
8:15PM Musik/Spots
8:30PM NIUS
8:40PM Mama Graun Riplei
8:55PM Musik
9PM Stesen Pas
FONDE
Moring - Nait
6AM Stesen Op - Nius Hetlain - Musik na ol intaviu
6:30AM Nius na Karent Afes
7AM Stesen Pas
7PM Stesen Op
7:01PM Ol Hetlain na Program Priviu
7:15PM Musik na Chit-Chat
7:30PM Nius na Karent Afes
8PM Youth
8:15PM Musik/Spots
8:30PM NIUS
8:40PM Focus Riplei
8:55PM Musik
9PM Stesen Pas

SP WIKLI HIT HIT PARADE YUMIFM

Sarere 14/10/2006

- 1(4) Smile Nokondi
2 Ire Bala Daville
3 Tangara Walau Stain Nuts
4 Hem Stret Sharzy ft Anslom & Fedyz
5 Tehine Moana Nahorau
6 Sumi Rere Lerams of Kagua
7 Ni alia Gutsomi Stain Nuts
8 Ariama Lerams of Kagua
9 Buka Meri Sharzy
10 Sia Hai O Basil Blitz Greg
11 Iwalingoto Junior Insects
12 Telephone Niuage
13 Rainy Lae Sharzy ft Anslom, Saba, Ronnie, Hausboi
14 Rome Wasume Lerams of Kagua
15 Raingal Mistops of DOY Is
16 Ma Yan Mistopz of DOY Is
17 Milomilo Kekene
18 KBC Sparqs
19 Sori Uwaho Namomu Murphy
20(4) Maten Kandlek Twin hoxs of Kavieng

TV GAID

FONDE OKTOBA 12, 2006
5:29AM STATION OPEN
5:30AM G JOYCE MEYER
Religious programme
6:00AM G TODAY
9:00AM G CREFFLO DOLLAR
Religious Program
CLASSROOM BROADCAST
9:30AM Mathematics - Grade 8
10:20AM Science - Grade 8
11:10AM Social Science - Grade 7
12:45PM Personal Development - Grade 6
1:15PM Making A Living - Grade 7
2:00PM EMTV PRIME TIME LINE UP
2:59PM STATION RE-OPEN
KIDS KONA
3:00PM G LIGHTS, CAMERA, WIGGLES
3:30PM G HI-5
4:00PM G Y
4:30PM G THE SHAK
4:57PM G EMTV TOK SAVE
5:00PM G HOT SOURCE
5:29PM G EMTV NEWS UPDATE
5:30PM G BERT'S FAMILY FEUD
6:00PM G NATIONAL EMTV NEWS
6:30PM G A CURRENT AFFAIR
6:59PM G NEWS UPDATE - IN TOK PISIN
7:00PM G TEMPTATION
7:30PM G CHM SUPERSOUND

7:57PM G EMTV TOK SAVE
8:30AM G SPORT SCENE
9:30PM M 24
One of the most innovative, thrilling and acclaimed drama series on television, 24, created by Joel Surnow and Robert Cochran. Each episode will cover one hour of real time, and the season's entire story will take place in one day. Starring Kiefer Sutherland as Jack Bauer. (new series)
11:00PM M COLD SQUAD
12m/nightG EMTV NEWS REPLAY
00:30AM EMTV PRIME TIME LINE UP
FRAIDE OKTOBA 13, 2006
5:27AM STATION OPEN
5:30AM G JOYCE MEYER
Religious programme
6:00AM G TODAY
9:00AM G CREFFLO DOLLAR
Religious Program
CLASSROOM BROADCAST
9:30AM Mathematics - Grade 8
10:20AM Science - Grade 8
11:10AM Social Science - Grade 7
12:45PM Personal Development - Grade 6
1:15PM Making A Living - Grade 7
2:00PM EMTV PRIME TIME LINE UP

2:59PM STATION RE-OPEN
KIDS KONA
3:00PM G THE EGGS
3:30PM G HI-5
4:00PM G Y
4:30PM G THE SHAK
4:57PM G EMTV TOK SAVE
5:00PM G HOT SOURCE
5:29PM G EMTV NEWS UPDATE
5:30PM G BERT'S FAMILY FEUD
6:00PM G NATIONAL EMTV NEWS
6:30PM G A CURRENT AFFAIR
6:59PM G NEWS UPDATE - IN TOK PISIN
7:00PM G TEMPTATION
7:30PM G TOK PIKSA
8:00PM G IN MORESBY TONIGHT
8:27PM G EMTV TOK SAVE
8:30PM PG SURVIVOR: COOK ISLAND
Survivor: Cook Islands is the thirteenth season in the Survivor series. In Survivor Cook Islands 16 competitors survive in the wild dealing with the elements of a hostile environment for over a month while competing against one another in a variety of competitions for rewards and advantages in the game. Each week one contestant is voted out by other people in their "tribe" until one remains as the sole Survivor.
9:30PM PG 20 TO 1: The Rich & The Famous - 20 To 1 brings you some of the best- and worst - moments in Australian history with a countdown from 20 to 1 that can be shared with

the whole family. Relive the classic moments that make the Top 20 with Charles "Bud" Tingwell counting down 20 to 1 each week.
10:30PM M WALKER TEXAS RANGER
Repeat of the 6 o'clock main news bulletin.
12midnight EMTV PRIME TIME LINE UP
SARERE OKTOBA 14, 2006
7:59AM STATION OPEN
8:00AM G PLANET FANTA
9:30AM G HOT SOURCE
10:00AM PG SO FRESH
11:30AM G THUNDERBIRD
12noon G WORLD OF WILDLIFE
12:30PM G TALKING TO ANIMALS
1:00PM G GARDENING GURUS
1:30PM PG AIRLINE
2:00PM PG HELLO GOODBYE
2:30PM G ICC CRICKET WORLD
3:00PM G TOTAL RUGBY
3:30PM G SPEED MACHINE: utes Queensland
4:30PM G THE BOAT SHOW
5:00PM G ESCAPE WITH ET
5:30PM G FISHING NORTH AUSTRALIA
6:00PM G NATIONAL EMTV NEWS
6:30PM G 2006 RUGBY
LEAGUE TRI-NATIONS SERIES
EMTV presents Tri-Nations Rugby League,

New Zealand v Australia, from Ericsson Stadium, Auckland. Join your expert commentary team Andrew Voss, Phil Gould and Ben Ikin for all the action!
8:40PM G EMTV TOK SAVE
8:45PM G AUSTRALIA'S FUNNIEST HOME VIDEO SHOW
9:45PM G SOUTH PACIFIC MUSIC
10:45PM M TWO TWISTED
11:45PM G EMTV NEWS REPLAY
00:15AM EMTV PRIME TIME LINE UP
SANDE OKTOBA 15, 2006
8:29AM STATION OPEN
8:30AM G BUSINESS SUCCESS
9:00AM G SUNDAY
11:00AM G WILD ADVENTURES WITH DAVID IRELAND
12noon G 7th HEAVEN
1:00PM G 7th HEAVEN
2:00PM G GOLF - KNOW THE RULES
2:30PM G THE MAKING OF CHARLIE & THE CHOCOLAT FACTORY
3:00PM PG MOVIE: SWEET AND LOW DOWN
5:00PM G THE PACIFIC WAY
6:00PM G NATIONAL EMTV NEWS
6:30PM G ICE DISCOVERED
The smash-hit TV series in PNG is



TORO



BIABIA



KANAGE



Wanwok i painim hat tru long stretim televisen bilong em. Risepsen long Rainbow i no kam gut na em i go baim wanpela bikpela entena we yu ken sanapim autsait long kism gut piksa long televisen. Huls de long wiken em i traim sanapim autsait na tanim tanim long kism gut piksa tasol i no kam gut yet. Em i givap na tokim ol pikini long putim DVD na lukim ol muvi tasol. Sori tumas, KD...Traim gen, em bai wok yahl

kik-off. Tasol em i stap long Hagen yet na em i salim toksave olsem holim gem pastaim bipo em i kam pundaun long Pot Mosbi na em bai kam na kik-off long gem i stat. Ol sponsa bilong gem i no bisi long wanem taim bilong gem i stat pinis. Tenk yu tru GG long kik-off!

taim ol arapela sikspela na ol i kism bagarap long han bilong ol birua, tokwin i harim olsem tupela i ronawe na go kism sip long wof na tek-off i go long Lae. Ol polis tu wok long painim ol long Popondetta na kirap nogut long harim olsem ol i stap pinis long Lae.

Tingim tupela man bilong Westen Hailans i bin lus long taim ol i go painim buai long Popondetta wan-

Wantok tasol.

PAINIM NEM INSAIT

Word search grid with letters arranged in a 15x15 grid.

Painim ol dispela nem bilong ol kar:

Table listing car models: TOYOTA VANETTE, VOLKSWAGON KIJANG, SUBARU, MAZDA SPRINTER, KIA HONDA, FORD, NISSAN HINO, MERCEDES KAWASAKI, CHEVROLET, MITSUBISHI MACK, FUSO, SUZUKI, AUDI.

ANSA BILONG LAS WIK...

Large crossword puzzle grid.

ANSA BILONG LAS WIK...

Small crossword puzzle grid with numbers.

Puzzle by websudoku.com

Small crossword puzzle grid with numbers.

Puzzle by websudoku.com

Ol ansa bai kamaut long neks wik so putim was long neks wik pepal!

EMTV TVGAID

back...better than ever - with solo acts and duets. 7.30PM G 60 MINUTES. 8.27PM G EMTV TOK SAVE. 8.30PM PG SUNDAY NIGHT FAMILY MOVIE: SPY KIDS(2001).

6.00AM G TODAY. 9.00AM G CREFFLO DOLLAR. Classroom Broadcast: 9.30AM Mathematics - Grade 8. 10.20AM Science - Grade 8.

10.30PM G MINISTRIES. 11.30PM G EMTV NEWS REPLAY. 12midnight G CHM SUPERSOUND. TUNDE OKTOBA 17, 2006.

5.30PM G BERT'S FAMILY FEUD. 6.00PM G NATIONAL EMTV NEWS. 6.30PM G A CURRENT AFFAIR. TRINDE OKTOBA 18, 2006.

KIDS KONA. 3.00PM G BANANAS IN PYJAMAS. 3.30PM G HI-5. 4.00PM G Y.

MANDE OKTOBA 16, 2006. 5.27AM STATION OPEN. 5.30AM G JOYCE MEYER.



Manus Provins lonsim edukesen plen

Noreen Dada i raitim

MANUS Provins i go pas long ol arapela provins long kamapim tenpela yia edukesen plen bilong en.

Plen i kirap long ol bikpela developmen polisi tingting bilong provinsel gavman we Dokta Jacob Jumogot i hetim long dispela taim.

Long lonsim Manus Edukesen Plen 2006- 2015 insait Lorengau long wik i go pinis, Siaman bilong Edukesen Pemenent Komiti bilong Manus, Hubert Molean i tok plen i givim gaidlain long gutpela wok bung wantaim na long yusim.

"Long dispela plen, yumi bai kirapim menesmen bilong ikononik na teknikel risos insait long provins na bai helpim provinsel gavman long skelim gut ol risos long ol aijn husat i mas kisim helpim long en.

Mipela insait long gavman i bilip olsem edukesen i pilaim bikpela wok long sosel na ikononik developmen long pipel bilong yumi.

Yumi mas lukluk strong long winim gutpela edukesen, rait kain long edukesen na promotim edukesen long olgeta.

Kerevat haus kalabus winim ol arapela long wok faming

CS Media Opisa i raitim

KEREVAT Koreksenel Institusen o haus kalabus i go pas long olgeta arapela haus kalabus insait long kantri long ol agrikalsa projek.

I kam inap nau Kerevat haus kalabus i mekim K8,000 pinis bihain long ol i save salim ol abus, ol komesel gaden kaikai. Em i save groim rais bilong em yet bilong ol kalabus yet bilong kaikai.

"Mipela i gat ol wokman na graun i stap hia long Kerevat tasol mipela i nidim mani we i mas kam long CS Het opis bai mipela i ken pulim ol projek mipela i gat hia long banis," Komanding Opisa Sief Suprintenden Matthew Bine i tok.

Kerevat em i wanpela haus kalabus tasol insait long Niugini Ailans rijen we i gat wanpela inlen pis projek. Nau yet em i gat moa long 5-pela raunwara i stap we ol i save yusim long groim ol carp pis na Sepik tilapia. Wan wan long ol dispela raun wara i ken

holim moa long 2,500 carp na 5,000 Sepik tilapia. Tupela kain pis wantaim i save stap insait long wan wan raunwara.

Laipstok o abus ol i save groim long Kerevat em ol pik, kakaruk (bilong kiau na bilong mit), ol pato na ol pis. Insait long komesel krop eria, em i save groim kakao, vanilla, guava o yambo, kopi, pepa, balsa diwai, mangostin (wankain olsem ton) na ol muli diwai.

Ol maket gaden kaikai ol i save groim em kaukau, aibika, brokoli, snek bin, kukamba, pinat, raun kabis na kepsikum.

Long sait bilong rais, Kerevat i gat namba wan bikpela rais mil insait long Is Nu Briten provins we i save sevisim olgeta hap insait long Gasel (Gazelle) distrik.

I kam inap nau, mil i prosesim pinis 923 kilogrem rais. Bihain long miling em i ken mekim 527.5 kilogrem. Insait long dispela namba, 340 kg i save go long haus kalabus yet bilong kaikai na 187.5 kg i save kam long ol



PIS I PAIT: Carp pis (orens kala) na Sepik Talapia pis i pait long kaikai insait long wanpela long ol raunwara long Kerevat haus kalabus.

Poto: CS Media Unit

projek, em bai traime apim namba bilong ol kakao diwai na mak bilong groim rais long strongim ol arapela projek i stap nau.

Kerevat haus kalabus i gat moa long 2,100 kakao diwai i stap yet bihain long wara Kerevat i bin solap na bagarapim sampela lain kakao i stap klostu long wara.

Maski dispela hevi i kamap, ol i planim pinis 1,347 nupela kakao sidling na ol i redi long planim 10,000 haibrit sidling insait long ol ples we ol i katim pinis ol diwai bilong mekim timba.

Kerevat i wok lukluk long groim olgeta projek bilong ol bikos ol i wok kisim helpim long Nesanel Agrikalsa Risets Institut (NARI), CCRI (Kakao Kokonas Risets Institut), OISCA (Ovasis Intanesenel Sevises Koporesen Ejensi) i sapotim ol i stap. Antap long dispela, ol i gat ol wokman i gat save long wok agrikalsa na tu ol kalabus man husat i ken karimaut na menesim gut ol projek.

wantaim mani, em nau bai ol projek bai groa i go bikpela moa.

Mani ol i nidim bai go long baim kaikai bilong ol kakaruk na pis. Dispela tupela abus i nidim planti kaikai tru.

Sapos Kerevat i laik strongim ol dispela laipstok

ples i stap klostu.

Projek Menesa Inspekta Michael Joseph i tok Kerevat i gat strong bilong apim mak bilong ol samting em i save groim, tasol ol i nidim helpim mani i kam long CS het opis.

Sapos projek opis long CS het opis i sapotim ol

Survey questions 24-28 regarding news consumption, radio listening, TV watching, and internet usage.

Survey questions 29-32 regarding household activities, shopping, and leisure time.

Survey questions 33-36 regarding family time, travel, and social activities.

Advertisement for Airline PNG featuring '1st Prais!', '2nd Prais!', '3rd Prais!', '4th Prais!', and '5th Prais!' with various offers and logos like PANGTEL and DIANA.



Oktober 9, 2006

His Excellency, Mista Wen Jiabao

Premia

Government of the People's Republic of China

BEIJING

People's Republic of China

Your Excellency,

Long makim namba 30 Anivesari bilong kirapim bilong ol pasin poroman namel long tupela kantri bilong yumi, mi laik makim gavman na ol pipel bilong mi long salim tok amamas na gutpela sindaun i go long Gavman bilong yu na ol pipel bilong bikpela kantri bilong yupela, Pipels Ripablik bilong Saina (People's Republic of China).

Laspela taim mipela i bin bung em long Nandi (Nadi) Fiji, long namba wan kibung bilong Pipels Ripablik bilong Saina na ol Pasifik Ailan Kantri Ekonomik na Developmen Koporesen Forum long mun Epril 2006. Em i bin gutpela tru long Papua Niugini long stap insait long dispela miting, we i soim klia gutpela tingting na sapot bilong Gavman bilong Pipels Ripablik bilong Saina i go long ol pipel bilong Pasifik.

Excellency,

Long dispela de tripela ten krismas i go pinis, mi olsem praim minista i bin sainim Join Komunike wantaim Siaman Hua Guo

Fen long Great Hall bilong ol Pipel we i givim luksave long pasin poroman namel long tupela kantri bilong mipela. Aninit long dispela komunike, Gavman bilong Papua Niugini i tok promis long luksave long Pipel's Ripablik bilong Saina na i luksave olsem Taiwan em i wanpela hap bilong bik ples Saina.

Tru tumas, inap long 30 krismas, ol gavman bilong Papua Niugini i wok long luksave long 'Wan Saina' (One China) polisi na gavman bilong mi i strong long dispela sait yet na bai mipela i go het long bihainim dispela luksave long taim bihainim.

Excellency,

Yu bai wanbel wantaim mi olsem tred o wok bisnis, ekonomik na invesmen wok-bung namel long tupela kantri bilong yumi i wok long strong moa na i gro yet. Ausait long Australia na Nu Silah, Papua Niugini em i wanpela bikpela tred patna bilong Saina insait long Saut Pasifik rijen. Tude, dispela tu we tred volum i abrusim US\$400 millien we PNG i save kisim gutpela kaikai long en. Long sait bilong invesmen o wok bisnis, planti Saina bisnis insait long Papua Niugini i stap long holisel, ritel na lik-

lik wok menufeksaring, haus kaikai, baim na salim ol haus na ol wok entatenmen.

Ating wanpela bikpela Saina invesmen insait long Papua Niugini em dispela Ramu Nickel Main projek we manimak bilong eri i sanap olsem US\$650,000 millien. Gavman bilong mi i tok welkam long ol Saina investa o bisnismen long opim wok bisnis bilong ol i go aut long ol bikpela ekonomik sekta olsem piseris, agrikalsa, maining na petroleum developmen, infrastraksa na bikpela wok menufeksaring na ol indastriel fektori bilong mekim ol masin, stil na ol arapela komputa masin, saiens na teknoloji na ol arapela daunstrim prosesing wok.

Papua Niugini i save luksave long gutpela pasin poroman wantaim Pipels Ripablik bilong Saina. Bikpela samting i stap long as bilong dispela pasin poroman i no long sait bilong wok bisnis tasol, em i sanap olsem trupela poroman long kisim helpim long taim nogut. Tude, Pipels Ripablik bilong Saina em i wanpela long ol bikpela developmen patna bilong Papua Niugini.


Excellency,

Mipela i givim luksave long sapot na helpim gavman na pipel bilong yu i givim long helpim developmen bilong mipela. Long dispela sait, Papua Niugini bai go het long luksave long patnasip i stap wantaim Pipels Ripablik bilong Saina taim mipela i go het long strongim ekonomina sindaun bilong ol pipel bilong mipela. Gutpela pasin i kam long gavman na pipel bilong yu i soim klia tru tru spirit bilong strongim pasin poroman bilong mipela, wok bung na gutpela tingting.

Taim mipela i makim dispela bikpela de, mi laik tok amamas long tupela gavman bilong yumi na ol pipel bilong mipela long hatwok bilong ol long kamapim dispela strongpela pasin poroman. Yumi mas bilip strong olsem narapela 30 krismas bai strong moa taim mipela i wokabaut i go het long painim ol arapela rot bilong strongim pasin poroman bilong yumi.

Excellency, plis kisim luksave bilong mi long dispela ol samting.

GRAND SIEF SIR MT. SOMARE, GCL, GCMG, CH, CF, KSt.J
Pramin Minista na Minista bilong Foren Afes na Imigresen



Pasin poroman namel long PNG na People's Republic of China

Maski ol kain kain politikel na ekonomik straksa ol i bihainim, Papua Niugini na People's Republic of China i bin kirapim ol fomol diplomatik rilesens taim ol i sainim wanpela Join Komunike long Oktober 12 1976.

Papua Niugini i bin kamap namba 112 kantri long sanapim pasin poroman wantaim People's Republic of China.

Bihainim dispela Komunike, Gavman bilong Papua Niugini i bin tok promision long luksave long People's Republic of China olsem wanpela gavman tasol bilong People's Republic of China na i luksave olsem Taiwan em i wanpela hap bilong bikples Saina tasol.

Residen makim insait long ol biksiti bilong tupela kantri i no bin kamap inap 1981 taim Saina i opim embasi bilong em long Pot Mosbi na long 1988 taim Papua Niugini i opim Misin bilong em long Beijing.

Pasin poroman namel long tupela kantri i gro strong moa wantaim senis bilong ol lida, ol opisel na bisnismen. Ol dispela senis raun i helpim long opim lukluk bilong politikel, tred, ekonomik na invesmen rilesens.

Bikpela wok i kamap long tupela sait wantaim wantaim ol fomol agrimen olsem Investment Promotion and Protection (IPPA), Technical Cooperation Agreement (TCA), Double Taxation treaty and Agriculture Cooperation Agreement long kamap olsem ol kar bilong karim koporesen.

Senis bilong ol Hai Level raun

Senis bilong ol hai level raun bilong ol politikel lida na ol sinia gavman opisel long tupela sait wantaim long ol yia i go pinis i kamap gut-tru na i wok long kontribut long sanapim gutpela wok bung long politikel level. Em i bikpela samting bilong tupela kantri long bihainim dispela rot olgeta taim long strongim dispela pasin poroman.

Ol PNG gavman lida i bin givim sampela askim pepa i go long ol Saina wanwok bilong ol em; Foren Minista, Premia, Siaman bilong National People's congress na ol arapela Sinia Saina Gavman atortu long raun i kam long PNG.

Long PNG sait, Olgeta arapela praim minista, Paias Wingti tasol nogat, i bin go raun pinis long People's Republic of China. Laspela raun em long 2004 taim Gren Sief Sir Michael Somare i bin go. Bipo foren minista Rt. Hon. Sir Rabbiru Namaliu i bin bihainim long 2005 long askim bilong wanwok bilong em H. E. Mista Li Zhaoxing. Long Ogas 6, 2006, Saina Foren Minista, Mista Li Zhaoxing i bin kam long PNG.

Ol raun i kam long PNG bilong ol Saina Gavman lida i no makim tasol bikpela luksave Saina gavman i givim long pasin poroman bilong em wantaim PNG, tasol em i givim ol bikpela luksave long foren polisi bilong em long wok bung gut wantaim ol arapela kantri, maski bikpela bilong ol, strong bilong ekonomi bilong ol o strong bilong ol ami bilong ol. Dispela ol pasin poroman i sanap antap long gutpela luksave na rispek.

Em i sans bilong ol lida bilong Saina long klia moa long ol nid na developmen wok bilong PNG.

Susa Siti Poroman

Pasin bilong kamapim ol susa siti o provins namel long ol siti na provins bilong tupela sait wantaim i opim rot bilong moa wok bisnis, senisim kalsa na strongim ekonomik wok bung namel long ol pipel bilong tupela kantri.

Ol wok i stap nau em Sentral provins wantaim Liaoning provins, Is Sepik wantaim Shangdong provins, Isten Hailans wantaim Fujian provins, Is Nu Briten wantaim Hainan provins na Nesanel Kapitel Distrik wantaim Jinan siti insait long Shangdong provins.

Sampela laik tingting long kamapim wankain ol pasin poroman i bin kam long tupela sait wantaim. Ol askim i kam long Yingkou na Zhuhai long Saina sait na Enga, Nu Ailan na Morobe provins long PNG.

Ol Sinia Opisa Konsaltesen

Olsem wanpela rot bilong strongim luksave na paitim toktok, wanpela Memorandum of Understanding (MOU) em ol i bin sainim long 1991 namel long PNG Foren Afes na Saina Ministri bilong Foren Afes.

Bihain long en, tupela kantri i luksave long fremwok arensmen olsem wanpela gutpela ples bilong glasim ol samting we gutpela kantri wantaim i wok bungim.

Em i givim wanpela gutpela sans olgeta yia bilong tupela gavman long glasim bek sindaun bilong tupela na paitim toktok long ol hevi i stap insait long Pasifik na tupela kantri wantaim.

Long ol rijel na intanesenel bung, olgeta sans i stap long makim ol baileteral miting namel long ol mausmanmeri-bilong tupela kantri.

Wok bung insait long ol kain kain fil:

Medikal wokbung

Dispela program i bin stat long Oktober 2002. Saina gavman i bin salim wanpela medikal tim inap long 10-pela saveman long givim ol spesolis sevis long Pot Mosbi Jeneral Haus Sik insait long 2-pela krismas na skulim ol PNG-dokta. Saina gavman i givim ol medikal saplai wantaim. Namba tu hap bilong 10-pela Saina dokta em ol i stap nau long Pot Mosbi Jeneral Haus sik.

Namba tri hap bilong 10-pela dokta bilong 2007-2008 bai kamap long Novemba 2006.

Agrikalsa wokbung

Wanpela MOU long Agrikalsa wokbung em ol i bin sainim long Saina long 1991 wantaim bipo Minista bilong Agrikalsa Roy Evara. Inap nau, Papua Niugini i no luksave gut long ol gutpela kaikai bilong MOU, na insait long ol eria bilong ol spesolis trening program, senisim infomesen, trense bilong agrikalsa teknoloji na spesolis wokmanmeri long developim agrikalsa sekta bilong yumi.

People's Republic of China em i wanpela bikpela dona, na em i tok promis long sapotim PNG gavman na developim agrikalsa sekta. Saina gavman helpim i save bihainim ol kain kain ekonomik na

teknikel wokbung projek long developim agrikalsa sekta. Wanpela nupela Agrikalsa Agrimen namel long tupela sait bai kamap klostu taim.

Difens Koporesen

Bipo long 2000, PNG na People's Republic of China am fosse i no bin i gat wanpela fomol Difens Koporesen Arensman. Bipo Minista bilong Difens, Peter Waieng i bin raun i go long Saina bihainim askim i kam long wanwok bilong em long Saina na i bin makim nupela rot namel long tupela ami bikos em i kamapim moa wok bung we i no bin stap bipo.

Sampela PNGDF Ami Opisa i go skul long ol militari koles long Saina long ol yia i go pinis. Long 2005, tripela opisa i bin greduet long Nanjing Military Officers College na Beijing Defence University na wanpela i bin greduet dispela yia (2006).

Piseris wokbung

Wanpela Piseris Agrimen namel long tupela kantri em ol i bin sainim long 1996 taim Saina Vais Premia na Foren Minista Mista Qian Qichen i bin raun i kam long Papua Niugini. Dispela agrimen i opim rot bilong ol Saina pising bot long kam na pulim pis insait long 200 mail eksklusiv zon bilong PNG.

Maining na Enej wokbung

Sainim bilong Masta Agrimen long Mas 13, 2005 bilong Ramu Nickel Projek namel long ol Join Vensa patna Metallurgical Corporation of China (MCC), Mineral Resources Development Corporation (MRDC) na Highlands Pacific (HP) i opim rot bilong namba wan bikpela invesmen projek bilong Saina insait long PNG.

Balus na Sip Wokbung

Inap tude, lending raits bilong balus bilong PNG, Air Niugini long pundaun long Hong Kong i stap yet.


I no long taim i go pinis Air Niugini i bin opim bek ol ron bilong em i go long Hong Kong we ol i bin pasim long 2000 yet.

Long sait bilong siping, i gat sampela paitim tok long opisel level long tupela sait wantaim long rot bilong sanapim ol siping na balus ron namel long tupela kantri.

Nau yet impot na eksport bilong ol samting i wok long go long ol arapela kantri olsem Singapore na Australia bipo long ol i go kamap long Saina.

Pasin poroman bilong tupela kantri nau i strong inap long 29 krismas nau. Em i strongpela bilip bilong mi olsem dispela gutpela pasin poroman bai gro moa yet insait long 10-pela yia i kam na bihainim taim tupela sait wantaim i makim dispela wokabaut wantaim wankain luksave na pasin bilong onaim narapela.

Gabriel Pepson
Sekreteri bilong Foren Afes na Imigresen



Right Honorable Sir Michael Somare Praim Minista Indipenden Stet bilong Papua Niugini Pot Mosbi

Your Right Honourable,

Long makim namba 30 Anivesari bilong Sanapim bilong Diplometik Rilesens namel long People's Republic of China na Indipenden Stet bilong Papua Niugini, mi laik makim Saina Gavman na pipel, na long nem bilong mi yet long salim bikpela tok amamas i go long opis bilong yu na i go long Gavman na Pipel bilong Papua Niugini.

Tripela ten (30) krismas i go pinis, yu bin raun i go long Saina na sainim Joint Communique on the Establishment of Diplomatic Relations wantaim Saina lida, we i opim nupela rot bilong pasin poroman namel long ol kantri bilong yumi. Insait long tripela ten krismas i go pinis, wok senis long olgeta level namel long Saina na Papua Niugini i bin strong moa yet na karim gutpela kaikai bilong wok bung bilong yumi long rijinel na intanesenel afes. Planti kaikai tru i kamap long dispela wok bung.

Taim yu bin raun i go long Saina long 2004, tupela gavman bilong yumi i bin autim the Joint Press Communique we i makim kila ol as tingting na fremwok bilong baileteral rilesens bilong yumi insait long nupela sensari.

Long mun Epril dispela yia, mi bin amamas long bungim yu gen long Nadi, Fiji na senisim tingting long strong bilong wok-bung bilong yumi long tred na ekonomik na ol arapela fil.

Mipela i redi long kisim sans bilong dispela namba 30 anivesari bilong sanapim bilong

ol diplometik pasin bilong yumi olsem sans bilong wok wantaim gavman bilong Papua Niugini long strongim ol hai level dialog o paitim toktok, strongim gutpela wok wanbel, na go het wantaim ol pasin poroman namel long Saina na Papua Niugini bilong kamapim moa developmen insait long namba 21 sensari.

Wen Jiabao
Premia bilong State Council of the People's Republic of China
Oktoha 12, 2006, Beijing

Toktok bilong Amamasim bilong Sino-PNG 30 Anivesari bilong kirapim long Diplometik pasin poroman



H. E. Ambassador Wei Ruixing

LONG makim namba 30 Anivesari bilong Kamapim bilong Diplometik Rilesens namel long People's Republic of China na Indipenden Stet bilong Papua Niugini, mi laik kisim dispela sans long makim Saina Embasi, na long nem bilong mi yet long salim bikpela tok amamas i go long olgeta poroman bilong

mipela long Papua Niugini na i go long ol Saina manmeri insait long PNG.

Em i tripela ten krismas i go pinis taim People's Republic of China na Indipenden Stet bilong Papua Niugini i bin kirapim ol diplometik pasin poroman. Dispela i bin opim nupela sapta insait long histori bilong ol baileteral rilesens o poroman. Insait long dispela tripela ten krismas, ol lida bilong tupela kantri wantaim, bipo na ol nupela, ol etministresen na pipel long kain kain wokabaut long laip bilong tupela kantri i wok long wok bung na strongim dispela Sino-PNG pasin poroman. Mi laik givim luksave long ol na tok tenkyu long hatwok ol i mekim.

Bihain long tripela ten krismas, na moa yet aninit long ol pasin poroman i kamap namel long ol lida bilong tupela kantri, Sino-PNG pasin poroman i lukim bikpela gro. Ol senisim namel long tupela kantri i wok long op moa yet na wanbel long wokbung i wok long strong moa. Saina na Papua Niugini i save givim bikpela luksave na rispek long tupela yet, olsem na tupela i save wok bung gut insait long rijinel na intanesenel wok. Dispela ol baileteral rilesens o wokbung i makim gutpela gro tru.

Insait long 5-pela yia i go pinis, baileteral hai level senis i wok kamap klostu klostu. Ol Saina lida olsem H.E. Mista Li Ruihuan, bipo Siaman bilong Nesenel Komiti bilong People's Political Consultative Conference, H.E. Mista Chi Haotian, bipo Vais Siaman bilong Central Military Commission, i bin raun i kam long PNG. Ol lida bilong PNG olsem bipo Gavana Jeneral Sir Silas Atopare, Praim Minista Rt Hon Michael Somare, i bin raun i go long Saina. Gavana Jeneral Sir Paulias Matane nau i wok raun long Saina na i wok long sindaun long amamsim namba 30

anivesari bilong kirapim bilong pasin poroman. Ol lida bilong tupela kantri i bin bung planti taim long intanesenel level tu. Ol foren minista bilong tupela kantri i sanapim pinis wanpela Enuel Sinia Opisel Konsaltesen rot na 10-pela raun bilong bikpela paitim toktok i kamap pinis.

Politikel pati senis namel long Saina na PNG i wok long gro moa yet. Baileteral senis na wokbung insait long kalsa, edukesen, medikal na militari na ol arapela fil i wok long kamapim planti samting. Antap long senis namel long ol gavman opisel, ol pipel tu pipel senis bilong tupela kantri i wok long kirap moa yet we sampela provins insait long tupela kantri yet i sanapim ol susa pasin poroman na PNG i kamap wanpela ples ol pipel bilong Saina i ken kam long en.

Insait long ol yia i go pinis, ekonomik na bisnis wokbung namel long tupela kantri bilong yumi i mekim gutpela wok. PNG i kamap nambawan bikpela tred patina bilong Saina namel long ol Saut Pasifik Ailan kantri. Mak bilong baileteral tred i sanap long US\$376 milien long 2005. Long wankain taim, mak bilong olgeta invesmen ol Saina bisnis i mekim i go antap tu, olsem, China Metallurgical Construction (Group) Corporation i sainim watnaim PNG sait long 2005, wanpela agrimen bilong investim US\$650 milien long sanapim Ramu Nickel Projek, na nau em i kamap namba wan bikpela projek bilong ol Saina bisnis long mekim moa wok bisnis insait long ol Pasifik Ailan kantri.

Bikos ol i stap insait long Esia-Pasifik rijen na bikos ol em ol developim kantri, Saina na Papua Niugini wantaim i gat wankain wok bilong developim nesenele ekonomi na strongim sindaun bilong ol pipel bilong ol, na serim planti wankain luksave long strongim gutpela sindaun na bel isi insait long Esia-Pasifik rijen na wol wantaim. Long promitim developmen long tupela sait wantaim, Saina gavman i wok long kamapim sampela ekonomik na teknikel wokbung program i go long PNG. Ol dispela helpim program i wok kamapim bikpela kaikai long ekonomi bilong kantri na bai ol i mekim wankain i go long bihain taim.

Long mun Epril Namba wan Ministerial Konprens bilong Saina-Pasifik Ailan Kantri Ekonomik Developmen na Koporesen Forum i bin kamap gut long Fiji. Insait long bikpela toktok bilong em, Saina Premia Wen Jiabao i tokaut long 6-pela rot Saina i laik kamapim long strongim ekonomik developmen bilong ol Pasifik Ailan kantri. Ol dispela rot em:

1. Givim RMB 3 bilien yuan long ol preferensel lon o dinau insait long narapela tripela yia long strongim wok bung long risos developmen, agrikalisa, forestry, piseri, turisim, tekstails na ol konsuma prodak, telekomunikesens na

eviesen na solwara siping.

2. Givim zero tariff long olgeta eksport i go long Saina sapos i kam long ol lis develop kantri insait long rijen husat i gat ol diplometik pasin poroman wantaim Saina. Saina bai rausim ol dinau bilong ol arapela ailan kantri we i pinis long 2005.

3. Givim fri marasin bilong malaria i go long ol ailan kantri i karim hevi bilong dispela sik insait long 3-pela yia na go het long salim ol medikal tim i go long ol ailan kantri na mekim ol enuel trening kos.

4. Givim trening long 2000 pipel bilong ol ailan kantri insait long tripela yia i kam na helpim ol long strongim save bilong ol.

5. Mekim olgeta seven ailan kantri husat i gat diplometik luksave wantaim Saina i kamap ol ples bilong ol turis long go long en.


6. Givim helpim long sanapim wanpela guria o sunami eli waning na monitoring netwok.

Ol dispela samting antap i soim olsem Saina Gavman i givim bikpela luksave long developim gutpela pasin wantaim ol Pasifik Ailan kantri na bai strong long kamapim wok senis insait long olgeta fil bilong ol.

Saina i wok long bihainim wanpela foren polisi bilong pis o gutpela bel na i save bihainim stret rot bilong developmen long bel isi. Saina i save holim polisi bilong bel isi, developmen na wokbung insait long intanesenel afes. Saina bai go het long promotim pis o bel isi na developmen aninit long wokbung, na bai go het long strongim pasin poroman na wokbung wantaim ol Pasifik ailan kantri na PNG bihainim 5-pela as tingting bilong sindaun wantaim bel isi. Emi bikpela samting long foren polisi bilong Saina long kamapim gutpela pasin poroman wokbung wantaim ol Pasifik Ailan Kantri. Saina i save sapotim wok bilong ol long banisim gut sovrenti na independens na lukautim bel isi na strongpela sindaun insait long rijen.

Moa developmen bilong ol baileteral rilesens namel long Saina na Papua Niugini em i wanpela bikpela laik bilong tupela kantri na tupela pipel bilong en. Saina gavman i redi long kisim dispela taim bilong namba 30 anivesari bilong Sanapim bilong Diplometik Rilesens olsem wanpela sans bilong wok wantaim gavman na pipel bilong Papua Niugini bilong moa developmen bilong baileteral pasin poroman insait long namba 21 sensari. Em i strongpela bilip bilong mi olsem ol wok bilong ol gavman na pipel bilong tupela kantri, ol nesen bilong mipela bai amamasim bikpela moa luksave long wokbung bilong yumi.


**Bai Saina-PNG pasin poroman i stap oltaim!
Bai Saina-PNG wokbung bai gro i go moa yet!**



Bisnis bilong Groim Diwai insait long PNG - Planim diwai long ol renfores eria

Rot bilong groim ol spisis diwai i save groa insait long PNG

Galbulimima Belgraveana



Bisnis nem bilong en: Magnolia, White

Wanem kain diwai: Namel i go bikipela diwai we i save gro inap 42 mita samting na bikipela bilong namel bun bilong en i 1 mita raunim. Em i stret na het bilong en i namel sais na i op.

Skin diwai bilong en: Bikipela bilong skin diwai bilong em i 1cm bikipela. Ausait bilong em i gat planti liklik hul na i gat bikipela grille long en. Namba tu skin diwai bilong en insait i yelo na grin na i save tanim i go ret braun kwik. Namba tri skin diwai bilong em we i stap insait tru i yelo na i save tanim i go ret braun. Em i gat wanpela liklik smel.

Diwai bilong en: Diwai bilong en i yelo, em i no strong na i no hevi. Em i gutpela bilong mekim ol sia tebol samting na ol i save yusim insait long haus.

Ol lip bilong en: Ol plaua kru bilong en i longpela na i gat tupela laplap bilong en. Taim plaua i op, em i gat ol waitpela plaua. Insait long en i gat planti kiau liklik.

Prut bilong en: Wanpela prut we i 3 cm longpela. Em i gat planti mit na i gat planti wara long en. Em i



smel liklik na skin bilong em i save ret taim em i mau. Insait i gat planti pikinini we i flet na skin diwai bilong em i strong.

Em i save groa we: Em i save groa insait long ol maunten bilong Papua Niugini na i save groa moa namel long 1300 na 200 mita.

Arapela stori: Skin diwai na prut bilong em ol manmeri bilong Hailans i save yusim olsem wanpela marasin bilong kirapim ol dri-man long taim bilong slip.

MCCARTHY & ASSOCIATES (FORESTRY) PTY. LTD.

National & International Forest Consultants

mccaf@datec.net.pg

"Long kisim tok stia long olgeta wok diwai"

CRN kamapim ol gutpela projek long 3-pela EHP distrik

James Kila i raitim

KONSAVESEN Ramu Niugini (CRN), wanpela lokol non-gavman ogenaisin (NGO grup) husat i save wok insait long Isten Hailans provins i wok long mekim planti gutpela komyuniti wok tru long helpim ol lain manmeri na sosaiti long dispela hap.

Dispela NGO i save wok olsem patna wantaim Yunaitet Nesens Developmen Program (UNDP) na Yuropien Yunien (EU) Iko-Forestri program. Ol i wok insait long 3-pela distrik insait long EHP em Kainantu, Henganofi na Obura-Wonenera.

Nem bilong dispela NGO grup em Konvesesen Ramu Niugini (CRN) na ol i mekim planti gutpela wok tru long ol eria bipo em ol provinsel na distrik edministresen long EHP i no save luksave o kamapim wok long hap.

Planti ol lain manmeri long ol rurel ples insait long ol dispela 3-pela distrik i amamas tru long wok CRN i kamapim na i tok olsem bipo yet taim PNG i kisim indipendens i kam inap nau ol i no save lukim kain bikipela wok i save kamap na ol i givim bikipela tok amamas tru i go long ol wokman bilong CRN.

Long las tupela wik i go pinis CRN i bin go insait long Barola maunten eria klostu long Kainantu long redim wok bilong kamapim wanpela neseri bilong ol diwai long kamapim riaforestesin. Dispela i bin olsem ol manmeri i ken groim ol yangpela diwai insait long ol neseri na planim long ol bus long kamapim diwai long wokim haus na kisim paiawut long bihain taim.

Narapela samting tu em kamap bilong ol diwai insait long ol bus na maunten bai mekim envairomen o bus, wara na graun i kamap gutpela tru. CRN i bin go pas tru long kamapim dispela gutpela wok

long neseri na riaforestesin we i sutim stret bel bilong opis bilong Gavana bilong EHP. Malcolm Smith Kela husat i bin salim Eksekutiv Opisa bilong em James Korarome long go wantaim ol lain long CRN long mekim wanpela komitmen long kamapim rurel ilektrifikesin o rurel pawa saplai i go insait long dispela ples long Barola Maunten.

Eksekutiv Dairekta bilong CRN, Anton Waie i tokim Wantok Niuspepa olsem bikipela as tingting bilong CRN insait long ol wok bilong en em long helpim na atresim ol global envairomen hevi taim ol i kamapim ol sasteinabel komyuniti developmen projek.

Dispela wok projek ol i bin mekim long Barola Maunten em i kirapim tru bel bilong ol lokal komyuniti na planti ol lain manmeri long dispela eria.

Tru tumas planti taim ol lain bilong distrik na provinsel gavman i save ting olsem Barola maunten em ples bilong ol raskol lain na ol i save lus tingting long bringim ol komyuniti projek i go insait long dispela eria. Tasol CRN i bin strongim bilip tru long helpim Barola komyuniti na i big go insait na bringim kamap ol neseri projek bilong planim diwai long kamapim bus na gutpela envairomen na tu kamapim kopi neseri long helpim ol manmeri insait komyuniti long go insait long kopi prodaksen na helpim sindaun bilong ol long ples.

CRN i bin kamap long mun Mas 2003. Nau yet dispela ogenaisesen i gat tupela lain wokman husat i save wok long fil long karimaut ol wok bilong CRN. Ol dispela man em Benny Yapive wantaim Roy Minise na narapela opisa em Henny Tamani. Mista Waie i tokaut olsem nau yet CRN i tingting long kamapim wanpela bikipela wok projek arere long ol eria arere

long Ramu Riva sistem we i stat long Isten Hailans provins. "Mipela i laik go insait tru long traun stretim dispela ol hevi bilong envairomen wantaim ol aweanes na kamapim ol riaforestesin wok. Taim mipela i mekim ol dispela wok mipela bai helpim long stretim ol graun long noken bruk bruk na lus nabaut na tu mipela i laik stopim hevi bilong graun bruk," Mista Waie i tokaut.

Em i tokaut tu olsem sampela ol samting we i save kamapim hevi long envairomen em taim ol lain long ples na hauslain i no mekim gutpela wok long gaden taim ol i katim daun ol bikipela diwai, wok bilong painim aluvial gol arere long ol han wara na taim ol lain long ples i kukim bus na tu katim daun ol diwai. Dispela ol samting i save givim moa hevi long envairomen.

Mista Waie i tokaut olsem CRN i bin kamapim planti gutpela wok long helpim ol mama long ol viles na hauslain insait long dispela 3-pela distrik long EHP long sait bilong poteto faming na tu long sait bilong kamapim ol neseri long groim gutpela kopi.

CRN i bin wokim kamap 5-pela projek bilong "Wildlife menesman Eria" long ol ples olsem Kaveve klostu long Goroka, Unase na Tibunofi long Kamano namba tu eria long Kainantu na Iceland long Onemugua eria long sait bilong Henganofi distrik.

CRN i bin kamapim tu tupela okid flaua fam insait long Dunantina eria wantaim ol lain Duna Rifom Yut Asosesin na long Tirai insait long Kamano nambawan eria.

Mista Waie i givim bikipela tok tenkyu bilong em i go long UNDP Smol Grent Program Sekretariat Mista Merawe Degemba long sapot em i givim long dispela 3-pela distrik long EHP.

Cat® Vibratory Soil Compactors

CS-563E
CP-563E



Designed to provide...
Outstanding Performance, Reliability and Fuel Efficiency.

The 563E Series Compactors are high production units. Standard dual amplitude, changeable from the operator's station, expands the application range. Operate in high amplitude to get density on thick lifts in the fewest passes. Select low amplitude when operating next to structures, when approaching final density or to avoid fracturing aggregates. Patented eccentric weight design assures positive amplitude selection and helps extend vibratory system service life.

Hastings Deering



PORT MORESBY
Spring Garden Road, Hohola, PNG
Ph: (675) 300 8300 - Fax: (675) 325 0141

	PHONE	FAX
LAE	472 2355	472 1477
TABUBIL	548 9162	548 9155
RABAUL	982 1244	982 1129
LJHIR	986 4105	986 4107
KIMBE	983 5144	983 5144

Product People Commitment.
We deliver.

McGregor Youths SA

Round 7

Sarere Oktoha 14, 2006

08:00 Trench Town vs Ghost Town	C Tas
08:50 PS Warriors vs Country Sharks	C Tas
09:40 Trench Town vs Ghost Town	B Tas
10:50 Souths Power vs Top Street	Meri soka
12:00 PS Warriors vs Country Sharks	B Tas
01:10 Dever Brothers vs Back Street	Meri soka
02:20 Souths Power vs Top Street	A Tas
03:50 Trench Town vs Ghost Town	A Tas

Sande Oktoha 15, 2006

08:00 Souths Power vs Top Street	C Tas
08:50 Dever Brothers vs Back Street	C Tas
09:40 Souths Power vs Top Street	B Tas
10:50 Trench Town vs Ghost Town	Meri Soka
12:00 Trench Town vs Ghost Town	B Tas
01:10 PS Warriors vs Country Sharks	Meri Soka
02:20 PS Warriors vs Country Sharks	A Tas
03:50 Trench Town vs Ghost Town	A Tas

SOKA

POMSA

Sarere Oktoha 14, 2006


Bisini 2

09:40 University vs Souths	U/21
11:15 Guria vs Rapatona	WP
01:00 University vs Rapatona	PREM

Sande Oktoha 15, 2006

Bisini 1

09:00 Maset vs Thrillers	D3
03:00 Welgirls Nomads vs Hills Utd	NSL



MIPELA KAM: (l-r) Tripela PNG bodibilda Alan Yegiora, Lukas Wemin na Dickson Norm wantaim i soim masol taim Alan Atava (namel) bilong Nesenel Ketaring Sevis kampani i tokaut long sponsaim dispela salens.

Ol wiken spots eksen poto




KISIM I GO: Maski dispela em i strit pilai long Rainbow Viles, Gerehu tasol em i gat bikpela praismani olsem K10,000 i kam long Wari Vele olsem yu ken lukim Mad Cowboys pilai i tromoi bal i go long wan pilaia bilong em egensim LDC Warriors long tas ragbi pilai.



MIPELA YAH: Ol mangi nogut bilong University Bulldogs i soim han long tokaut olsem ol i sempion bilong 2006 Pot Mosbi osi rul resis.



KLIA: Mangi nogut bilong Blue Kumuls i laik ronawe long PRK Souths pilaia long NSL pilai long Bisini soka graun las Sande. Kumuls win 1-nil.



BILONG MI: University Bulldogs pilaia i tok long Pot Mosbi Dockers pilaia long Pot Mosbi A gret gren fainol pilai long Colts pilai graun long las Sarere. Bulldogs i winim dispela pilai.

Nu Silan stat wantaim yangpela tim



KEPTEN: Ruben Wiki long Ingran Supa Lig resis.

OL Nu Silan Kiwi i kamap wantaim tingting long statim tim bilong ol egensim Australia wantaim yangpela sait.

Dispela pilai bai kamap long Nu Silan long dispela Sarere nait.

Namel long dispela ol pilaia em strongpela mangi Broncos mangi Tame Tupou, Roosters pawahaus losia Soliola, senta kam lok Warriors Simon Mannering na Storm Adam Blair. Blair bai stat long bens.

Makim bilong Tupou na Soliola i bihainim gutpela pilai bilong ol long NRL resis.

Nigel, Vagana, Stacey Jones, Ruben Wiki na Nathan Cayless tasol i gat gutpela ekspirians long pilai long Tes.

Tony Puletua na David Kidwell i gat liklik ekspirians.

Nu Silan tim em Brent Webb, Tame Tupou, losia Siliola, Steve Matai, Manu Vatuvei, Nigel Vagana, Stacey Jones, Ruben Wiki (kepten), Dene Halatau, Roy Asotasi, David Kidwell, Tony Pultetua, Smon Mannering.

Senis em Jerome Ropati, Nathan Cayless, Adam Blair na Frank Pritchard.

Bikpela traim bilong ol Ingran Laion

GRET Britan bai bungim bikpela traim bilong ol taim ol i takol wantaim Nu Silan Kiwis long Christchurch, Nu Silan long Oktoha 28.

Nau yet ol Kiwi i sempion bilong Trai Nesen resis.

Bihainim kamap bilong dispela resis long Ingran long las tupela yia dispela resis nau i kamap long Australia na Nu Silan.

Dispela em bilong redim ol wok bilong 2008 Wol Kap resis.

Bihain long dispela pilai egensim ol Kiwi ol Laion bai bungim Australia long Sidni na bihain go bek bungim ol Kiwi gen long Wellington.

Nu Silan na Australi bai opim pilai long

Oklen, Nu Silan long dispela Sarere nait.

"Dispela pilai i bin kamap gut long Ingran long las tupela yia na olsem planti manmeri bai redi long lukim long TV." Australia ragbi lig siaman Colin Love i tok.

"Na longtaim yet ol manmeri long Australia na Nu Silan i gat laik long lukim," em i tok.

"Em i tru olsem dispela resis bai kamap long tupela kantri tasol sapot bilong ol kampan na manmeri i bikpela na olsem mipela i bilip dispela resis bai kamap gut."

"Na long Nu Silan i winim taitol long las yia i mekim tingting bilong ol manmeri long lukim dispela pilai i kamap tru," Love i tok.

Nu lus tingting long ailan ples: Thaiday

STRONGPELA Broncos fowat man Sam Thaiday i brukim kiau long winim NRL primiasip taitol na moa yet long go insait long Australia Kangaroo skwat. Tasol dispela i no mekim em i lus tingting long Yam ailan bilong em long Toress Strait. Em i tokaut long dispela tingting bilong em taim wanpela niusman i askim em.

Faivpela nupela man long Kangaroo skwat

OL Kangaroo selekta i bin makim faivpela nupela pes long go insait long Australia tim long kamap long namba wan Trai Nesen pilai egensim Nu Silan Kiwis long Nu Silan long dispela Sarere nait.

Broncos hiro fulbek Justing Hodges, Melbon lus pikinini Greg Inglis na Dally medolis Cameron Smith na Bulldogs yutiliti Reni Maitua. Dispela olgeta lain i winim ples long go insait long Kangaroo skwat.

Hodges na Inglis i bung wantaim long wanpela sait we Inglis i mekim namba wan kamap bilong em long pilai long wing. Na Maitua i winim namba 13 we Broncos hatman Tonnie Carroll i abrusim bihainim bagarap em i gat long bodi bilong em.

Narapela nupela boi em Manly Sea Eagles prop Brent Kite. Kite i bin kamapim ol gutpela pilai long sisen na i bin kirap nogut tu taim ol i makim em long Nu Saut Wels Orjin sait na nau long Kangaroo sait.

Tasol long lukluk go insait long Kangaroo skwat planti ol pilaia i nupela lain tasol. Namel long ol em kepten Darren Lockyer, Willie Mason na Peteron Civoniceva tasol bin kamap long moa long 10-pela Tes pilai.

Na long narapela sait bilong koin Karmichael Hunt na Jonathan Thurston husat i putim su bilong ol biknem pilaia olsem Anthony Minichello husat i kisim bagarap na Andrew Johns husat i pinis long kamap long ol bikpela pilai i bin kamap long wanpela Tes pilai tasol em long Epril dispela yia ANZAC Tes pilai egensim Nu Silan.

Tasol maski long dispela ol selekta i bilip Kangaroo skwat i strong na gutpela.

Australia Tes sait em Karmichael Hunt, Matt King, Mark Gasnier, Justin Hodges, Greg Inglis, Darren Lockyer, Johnathan Thurston, Willie Mason, Cameron Smith, Petero Civoniceva, Luke O'Donnell, Nathan Hindmarsh, Reni Maitua. Senis em Mark O'Mealey, Shaun Berrigan, Andrew Ryan na Brent Kite.




MI INAP: Melbon Storm winga Gren Inglis i kisim singaut long makim Australia long pilai long Trai Nesen resis. Em i wanpela bilong ol faivpela man husat em namba wan taim bilong ol long makim kantri.



LAKI: Reni Maitua wanpela strongpela man bilong ol Bulldog husat wanpela bilong ol man we i kisim namba wan singaut bilong em long Kangaroo skwat.

Australia Praim Minista 13 bin tok lukaut long sik HIV/AIDS



HARIM TOK NA BIHAINIM: Australia Praim Minista 13 we i bin kam long PNG na pilai egensim PNG Praim Minista 13 long tupela wiken i go pinis. Dispela tim i bin raun long sampela hap bilong Pot Mosbi olsem Joyce Bay, Hagwa na Tatana long tokaut long ol pipel bilong ol dispela hap long lukaut gut long sik HIV/AIDS. Ol i yusim ragbi olsem we bilong pait egensim kamap bilong dispela sik. I gat bilip olsem PNG kamap bilong sik nogut i bikpela tru na putim PNG long mak nogut.

Foto: ANDREW MOLEN

...I kam long bek pes

Long ol narapela pilai, Gelle Hills, husat i malolo gut tru long las wiken, bai pilai strong bilong Momads long Bisini graun.

Dispela pilai bai lukim sapos Hills inap long daunim ol mangi Hagen o nogat. Momads i bin pilai gut tru long namba wan raun tasol long raun namba tu, i gat askim i stap sapos ol i ken winim ol mangi Mosbi.

Dispela pilai tu em bai wanpela strongpela pilai long wanem, tupela tu bai traim long i go insait long fainois bilong NSL, we bai kamap long mun antap.

PRK Souths bai i stap malolo long dispela wiken.

Madang, bihain long dispela win, na tu i stap namba tri posisen long poin lata, bai kam wantaim olgeta strong bilong ol long winim dispela pilai. Ol bai traim pilai long abrusim Souths long poin lata na go paslain.

Tasol ol Kumuls tu bai traim long yusim dispela pilai long kisim 3 poin na surikim mak bilong ol i go antap.

Las wiken ol i winim Souths 1-0 na dispela i helpim ol long go pas long resis gen.

Kumuls i gat eksperiens bilong mid filda wantaim Michael 'shaka' Yagum na Cherry Rauna. Dispela tupela pilaia bai kamapim sampela hetpen long ol birua bilong tupela sapos ol i no was long tupela gut.

Narapela em difenda Rupert Peka. Long pilai bilong ol wantaim Souths, em i bin bosim na lokim ol

fowet bilong ol Souths na ol nogat gutpela sans long skoa. Goroba Tawa na Bawan Yambu wantaim Richard Yahu bai lukautim baksait taim kepten Armstrong Peka, Ian Yanum, Clemence Peka, Sammy Sasamu na Edmund Lalo bai ron paslain long painim umben bilong ol Madang.

Tasol long ol Fox tupela taim man-ov-mets na namba wan midfilda bilong Madang Adrian 'jenerol' Komu i save long hait-pien bilong ol polisman taim ol i bung long Madang na em i save long atekim ol Kumuls.

Em bai kisim sapot long Eksy Frank. Kipa Godfrey Baniua bai singaut long ol mangi bilong em long baksait sapos em i lukim pilai i no stret.

Kosa Bob Morris nau i save long sik bilong ol Kumuls olsem na em bai kisim wanpela strongpela sait bilong em i kam. Em yet i lukim pinis stail bilong ol pilai bilong em long Pot Mosbi na Madang na olsem em bai traim long pasim dispela win bilong ol polisman.

Kosa Ludwig Peka i tingting sapos ol mangi bilong em yet i gat gutpela kodinesen insait long fil, em bai ol i win nating tru.

"Dispela em i luk olsem wanpela hevi bilong mipela long wanem mipela i no save i gat gutpela kodinesen insait long fil. Na tu i nogat gutpela komunikesen wantaim ol pilaia yet. Dispela em wanpela samting we i save holim bek mipela long kamapim gutpela ol pilai," em i tokim Wantok Nius long Tunde dispela wik.

Bodibildas redi long salens

bodibilding

Paul Zuvani i raitim

PAPUA Niugini bai painim aut long dispela Sarere sapos Mista Pasifik taitol i stap yet long han bilong ol nogat?

Em long taim Donald Kaivi, PNG man husat i holim taitol na mekim rekot long winim long tupela taim i go insait long resis wantaim ol arapela PNG bodibilda na Saut Pasifik kantri i traim long winim dispela taitol long Sir John Guise Indoor Spot Kompleks.

Long dispela wik Randolph Albrecht, siaman bilong lokel oganaising komiti i tok olgeta samting i redi long ol i holim dispela pilai.

Inap olsem 42 bodibilda bai resis long ol taitol long divisen bilong ol yet na long bikpela Pasifik taitol.

Bai i gat ol meri tu i resis. PNG bai i gat tupela meri i resis.

Ol bodibilda bilong arapela kantri i kam long kantri long aste na ol i silip long Lamana Hotel.

Ol kantri we i kam em long Nu Silan, Cook Allan, Samoa, Nu Kaledonia, Tahiti na Tonga.

PNG i gat sampela eksperiens pilai na sampela em ol nupela bodibilda long kamap long kain bikpela resis olsem.

Dispela em i namba wan taim PNG i holim kain bikpela pilai bilong Saut Pasifik Bodibilding Sempionsip. Na dispela i kamap bikos long gutnem bilong nau Mista Saut Pasifik taitol holda Donald Kaivi na papa bilong em Simon. Simon Kaivi i wanpela bipo bodibilding man.

Na Donald yet bai redi long difenim dispela taitol bilong em gen. Em i bin



DONALD KAIVI: Mista Pasifik holim dispela taitol sampela taim pinis na dispela i no nupela long em.

Long holim dispela pilai Albrecht i tok Federesen i nidim olsem moa long K100,000 na dispela em i lukluk long ol sponsa bilong ol long helpim. PNGSF tu bai helpim.

Bikpela sponsa bilong dispela resis em Trukai Industri. Ol arapela lain husat i helpim em Lamana Hotel, Air Niugini, Tropi Haus, Ela Motors na Nesene Catering Sevis.

Kumuls winim Souths



STAIL MANGI: Souths Barnabas Maesura i bin pilai strong.

soka Bustin Anzu i raitim

TUGUBA Laitepo Blue Kumuls i kisim bek namba wan posisen bilong em long pilai resis bilong Nesinol Soka Lig na Alois Kingsley's Madang Flying Fox i surik i go insait long namba tri ples bihain long ol pilai long namba tu raun long wiken igo pinis.

Long dispela pilai we kamap long Bisini Graun long Pot Mosbi, Kumuls soim PRK long we bilong pilai soka taim ol i nilim ol 1-nil na long Laiwaden Oval long Madang, ol mangi aspies i salim strongpela tok lukaut long ol narapela tim olsem ol mas lukaut taim ol i kam long Madang.

Dispela em bihain long ol i winim Momads bilong Mount Hagen 2-nil. Poin leda nau i sanap olsem Kumuls igo pas wantaim 10 poin, Souths long 7,

Fox na Gelle Hills long 6 poin na Momads wantaim 3-pela poin.

Ol polisman bilong Lae i pilaim wanpela stail gem, maski ol i kisim bikpela presa long ol Souths long wanem ol Souths i was long ol gut tru. Tasol wanpela liklik hap tasol em ol ino banisim gut olsem na midfilda Michael Yagum i putim wanpela gol. Dispela gol i kamap insait long 22-minit bilong namba wan hap.

Na long Madang, olupela pilaia bilong Unitech long Lahi Gideon

olsem Boge Roua, Malakai "Spiderman" Sarufa, Max Aisi, Geita Kohu, Nigel Ine-e na Kamu Maraga husat bai sanapim strongpela banis long pasim ol spia bilong Souks.

Tasol gen Souks i gat sampela save-man long kem bilong ol olsem John Raepa, John Phillip, Hardie Phillip, Akula Henina, Abraham Dumit wantaim helpim i kam long Robin, Easterson na Teddy.

Long B Gret pilai Souks bai pilaim Pusu na long pilai bilong ol meri Souks bai kisim Jokers. Na long A Gret pilai bilong ol meri Jokers bai pait wantaim Ogo.

Ol Pusu tu i gat ol stail mangi na olsem ol bai traim long brukim han bilong ol Souks. Ol i save long atek na difen na dispela bai i no inap hevi bilong ol.

Tasol win bai kamap long tim husat i no mekim planti asua.

Mahuru volibol gren fainol

Bonner Hul i raitim

S.L SOUKS bai kamapim strongpela pilai egensim Jokers long dispela Sarere taim ol i traim bun wantaim Mahuru Volibal Asosiesen gren fainol.

Ol i redi gut na bai go insait wantaim wanpela tingting- em long nekim gut ol Jokers.


Ol bai kisim sapot long ol memba bilong tim bilong ol arapela divisen bilong ol na amamas tu olsem dispela ol divisen tu i go insait long gren fainol bilong ol.

Ol i gat B Gret divisen bilong ol man na bilong ol meri tu i go insait long gren fainol.

Tasol Jokers husat i wanpela strongpela tim na olsem em bai sapim tu tit bilong em long kaikaim gut ol Souks.

Ol i kamapim maina primia na olsem ol i sambai tru. Ol i gat ol stail mangi

SPOT RAUN
wantaim
SCOTT VAVINE



Kamap bilong ov sisen pilai

DISPELA wik mi laik toktok long ol pilai we planti lain i save pilai long en- ov sisen pilai. Dispela ol pilai i save kamap long taim ol pilai bilong ol bikpela asosiesen o grup i pinis.

Dispela ol ov sisen pilai i gutpela. Ol i givim sans long planti ol lain husat i no bin o i save kamap long ol pilai bilong ol bikpela asosiesen.

Tasol pastaim long mipela i go insait moa long toktok long dispela ol pilai mipela i mas askim mipela yet long wanem as em dispela ol pilai i kamap. Wanem samting em mipela bai kisim long dispela ol pilai.

Taim mipela i skelim dispela kain ol askim dispela i ken helpim mipela long amamas gut long ol.

Planti dispela ol ov sisen i kamap long wanem ol manmeri i kamapim long amamasim ol yet. Sampela i kamap long wanem ol i laik bungim ol pipel na kamapim poroman pasin. Na sampela olsem mipela i lukim i kamap long sait bilong politik. I olsem wanpela man o meri i tingting long sanap long ileksen bai sponsaim ol pilai we em i ting olsem ol manmeri bai tingim bek pilai em i sponsaim na ol bai makim o votim em sapos em i sanap long ileksen.

Tasol long wanem as em ol pilai i kamap bikpela samting em wanem samting ol pipel o pilaia bai kisim long ol pilai. Taim ol i skelim tingting olsem ol bai o i ken kamapim ol gutpela pilai.

Narapela samting we ol manmeri na moa yet long ol pilaia long ol i amamas gut long ol pilai em ol gutpela opisa i mas lukautim ol pilai.

Ol opisa em mi min long ol lain manmeri husat i save long lo bilong kamapim na ronim ol pilai. Dispela em long lukim olsem ol pilai bai kamap inap long pinis bilong ol.

Long kain save olsem:
• OL i mas tokaut klia long ol as tingting (eim na objektiv) bilong ol pilai;

• I MAS tokaut klia long wanem grup em ol i makimna kamapim ol pilai. Dispela i min olsem ol i gat pilai bilong ol man na meri wantaim;

• KAMAP wantaim ol lo bilong pilai;

• I MAS i gat save long pulim tingting bilong ol manmeri long kamap long ol pilai;

• I MAS i gat ol samting bilong pilai wantaim- bal, pilai graun, kot, net na ol narapela samting;

• I MAS makim ol teknikal opisa long ronim ol pilai;


• I MAS lukim olgeta tim i baim olgeta nominesen o afiliesen fi bipo long ol pilai;

• I MAS kamapim ol sait komiti olsem Mets na Apil Komiti.

Long olgeta manmeri long komyuniti i gat sans long kamap long ol pilai mi askim ol manmeri husat i save kamap long ol bikpela pilai long ol i no ken kisim ples bilong dispela ol manmeri husat i no save kamap long pilai bilong ol bikpela asosiesen.

Dispela long wanem ol i bin kisim taim bilong ol pinis long stap insait long ol bikpela na nau em i taim bilong ol narapela manmeri.

**LAE
BISCUIT CO.**



WANTOK

SPOTS

**LAE
BISCUIT CO.**



Madang bai bekim dinau

Bustin Anzu i raitim

ALOIS Kingsley Madang Flying Fox i bai kisim gut was taim ol i bungim lida bilong Nesinol Soka Lig, Tuguba Laitapo Blue Kumuls long dispela wiken long Lae Futbol Asosiesen Pak. Long namba wan raun, Kumuls i winim ol Madang long asples bilong ol 1-nil. Na dispela skoa lain em ol Fox laik senisim long dispela Sande.

Bihain long bikpela win bilong ol Madang long Laiwaden pilai graun agensim Welgris Fuel Distributors Momads 2-nil long las Sande, ol Fox bai kam wantaim wanpela tingting, em long daunim Kumuls long graun bilong ol.

... I go moa long pes 27



● **SAUT PASIFIK
BODIBILDING
SEMPIONSIP**

● **MAHURU VOLIBOL
GREN FAINOL**

● **BAI NA GENE I LUS**

LUKIM HIA: (l-r) Allan Yiagora, Lucas Wemin na Dickson Norm husat em sampela PNG bodibilda we bai resis long dispela Sarere.


*Lukim ol stori
long pes 27*



NEW ZEALAND



GREAT BRITAIN



AUSTRALIA

**TRAI NESEN
RAGBI LIG PILAI
NA OL ARAPELA
STORI**

*Lukim stori long
pes 26*

BILONG MI: Tuguba Laitapo Blue Kumuls risev winga Sammy Sasamu i laik ronawe long PRK Souths Bamaba Maesura long NSL pilai long Bisini soka graun long pilai bilong ol long las Sande. Kumuls bilong Sasamu win 1-0. *Poto: NICKY BERNARD*

Coleman

LIGHTING




model: 5307700
code: 172991
**FLASHLIGHT
WIDEBEAM 2D**

K49.00



model: 5307750
code: 172988
**FLASHLIGHT
WIDEBEAM 2AA**

K32.50



model: 61190
code: 172990
**TORCH
DYNAMO**

K35.00



model: 5526700
code: 159579
**RUGGED U-TUBE
BATTERY LANTERN
FLURO 4D**

K89.00




model: 5318707
code: 172995
**PACK AWAY
PERSONAL SIZE
FLURO 4D**

K99.00



model: 5515700
code: 172992
**PACK-AWAY
PERSONAL SIZE
LANTERN**

K69.00



model: 2148-700
code: 111532
**KEROSENE
LANTERN**

K249.00

OL COLEMAN PRODAKS I STAP LONG OLGETA BRIAN BELL STUA LONG PAPUA NEW GUINEA NA TU LONG OL ARAPELA COLEMAN DILAS INSAIT LONG PNG

PLAZA 329 9411 HOMECENTRE CITY-GORDONS 325 9469 HOMECENTRE CITY-LAE 472 3280 TOPTOWN 479 1918 GOROKA 732 1622 KOKOPO 982 9827 MT HAGEN 542 1999 MADANG 852 1899 Email: bbsales@brianbell.com.pg

Brian Bell
Sleep with a friend

The publisher of the newspaper operates at Section 58, Allotment 3, Office 2, Waigani Drive

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.